

急就篇





成集書叢

編初


著 編 主  
五 學 正

行發館書印濟南

083  
114  
2:1052



篇 就 急



3 0649 0932 2

撰 游 史  
注 古 師 顏  
注 補 麟 應 王  
音 補 塘 保 鏡



A415618

本館叢書集成初編所選津逮祕書及學津討原  
小學彙函天壤閣叢書古逸叢書皆收有此書古  
逸本僅有正文津逮學津有顏師古注及王應麟  
音釋小學天壤兼收王應麟補注又天壤本因孫  
星衍撰著急就篇考異故卷首正文下不錄舊有  
校語而旁注直音便初學口誦本館叢書集成初  
編選有孫氏考異一書故此書據天壤本影印並  
錄津逮本卷首書目下所引太宗實錄一則於後

急就篇序

自三蒼既亡而漢人小學書之存於今者莫古於急就篇其書盛行於魏晉六朝衍於唐宋今惟有顏王二家注本存近陽湖孫氏撰是書考異据玉海碑本爲主參以梁相國臨本復古三十一章之舊字從碑本略存章草遺意誠爲盡善惟以課初學書用今隸沿習已久稍簡等字未易爲初學言之古本以六十三字爲一章祇均字數不論音韻用韻之句多有在章首者初學分日程功亦不便於口誦茲刻是書以

課諸孫仍用玉海本音依顏王而改用直音遇韻有  
古音以大方圍識之玉海本後附二章仍列入焉皆  
以便初學也俟小學既明長而求諸古字古音章草  
篆隸之別孫本具在不難考核而知也光緒六年九  
月重陽日福山王祖源撰

急就篇注敘

祕書監弘文館學士上護軍琅邪縣開國子顏師古撰

急就篇者其源出於小學家昔在周宣粵有史籀音

演暢古文初著大篆秦兼天下罷黜異書丞相李斯

又撰蒼頡中車府令趙高繼造爰歷太史令胡毋音

敬作博學篇皆所以啓導青衿垂法錦帶也逮至炎

漢司馬相如作凡將篇俾效書寫多所載述務適時

要史游景慕擬而廣之元成之間列於祕府雖復文

非清靡義闕經綸至於包括品類錯綜古今詳其意

趣七句反實有可觀者焉然而時代遷革亟經喪亂傳

寫湮訛避諱改易漸就蕪舛莫能釐正少者闕而不

備多者妄有增益人用已私流宕徒浪反忘返至如蓬

門野賤窮鄉幼學遞相承稟猶競習之既無良師祇

增僻謬若夫縉紳秀彥膏梁子弟謂之鄙俚恥於窺

涉遂使博聞之說廢而弗明備物之方於茲寢滯師

古家傳蒼雅廣綜流略尤精訓故待問質疑事非稽

考不妄談說必則古昔信而有徵先君師古父思魯常欲

注釋急就以貽後學雅志未申昊天不弔奉遵遺範



永懷罔極舊得皇象鍾繇衛夫人王羲之等所書篇  
本備加詳覈足以審定凡三十二章究其真實又見  
崔浩及劉芳所注後魏太宗元年敕崔浩解  
劉芳續注音義證三卷人心不  
同未云善也遂因暇日爲之解訓皆據經籍遺文先  
達舊旨非率愚管斐然妄作字有難識隨而音之別  
理兼通亦卽並載可以祛發未寤矯正前失振幽翳  
之學據制述之意庶將來君子裁其衷焉



急就篇

漢黃門令史游撰

急就奇觚孤與眾異

羅列諸物名姓字

分別部居不雜廁次

用日約少誠快意

勉力務之必有叶戲喜

請道其章

宋延年

鄭子方

衛益壽

史步昌

周千秋

趙孺卿叶羌

爰展世

高辟兵叶幫

鄧萬歲

秦妙房

郝利親叶整

馮漢強

戴護郡

景君明叶芒

董奉德

桓賢良

任逢時叶壬

侯仲郎

由廣國

榮惠常

烏承祿

令狐叶黃  
**橫**

師猛虎

龍未央

畢穉治季

樂禹湯

燕柘温舒

朱交便

石敢當

伊嬰齊

昭小叶荒  
**兒**

滔于登

路政陽

孔何傷

所不侵

翟回叶荒  
**慶**

柳堯舜

費通光

霍聖宮

顏文章

管財智

偏呂張

魯賀喜

觀宜王灌

程忠信

吳仲皇

許終古

賈友倉

陳元始

韓魏唐

液容調亦

柏杜楊

曹富貴

尹李桑

蕭彭祖

屈宗談叶唐

樊愛君

崔孝讓 叶讓

薛勝客 升

過說長 悅

龐賞贛 貢

范建羌

苟貞夫

姚得賜

聶干將

祝恭敬

來士梁

閻歡欣

苗涉臧

燕楚莊

求男弟

審母妨

成博好

寔可忘

田細兒

謝內黃

柴桂林

温直

叶杭

奚驕叔

邴勝升箱

雍宏做

劉若芳

毛遺羽

馬牛羊

尙次倩

丘則剛

陰賓上

翠鴛鴦

庶霸遂

萬段

矩叶羌

冷幼功伶

武初昌

褚回池



蘭偉房

滅罷軍

橋竇陽

原輔輻

宣棄奴

殷滿息

充申屠

夏脩俠

公孫都

慈仁他

郭破胡

虞尊偃

憲義渠

蔡游威

左地餘

譚平定

孟伯徐

葛軾軻

坎坳

敦倚蘇

耿潘扈

焦滅胡

晏奇能

邢麗奢

邵守實

宰安期

俠卻敵

代焉于

司馬袞

尙自於

陶熊羆

解莫如

樂欣諧

童扶疏

痛無忌

向夷吾

閔并訢

蟹

叶尉

叶都

欣

竺諫朝 叶鈕

續增紀

遺失餘

姓名訖

請言物

錦繡縵絺離雲爵 慢毫

乘風縣鐘華洞樂

豹首落莫兔雙鶴

春草鷄翹鳧翁濯

鬱金半見緗白藪 藥

縹緜綠紈阜紫碇 標戾 鮮

烝栗絹紺縉紅纒 然

青綺綾縠靡潤鮮 解

綈絡縑練素帛蟬

絳緹絳紬絲絮絲

題畫儔

圮 帋敝囊橐不直錢

服瑣綸帑與繒連

投貨

世 賁貨賣買販肆便

資貨市贏匹幅全

綌紵桌縕裏約纏

綸組縑綬以高遷

果

逆

量丈尺寸斤兩銓

取受付予相因緣

與

稻黍秫稷粟麻稭

餅餌麥飯甘豆羹

述

叶剛

叶剛

葵韭葱籩蓼蘇薑

蕪荑鹽豉醯酢醬

芸蒜薺芥菜萸香

老菁藁荷冬日藏

梨柿柰桃待露霜

棗杏瓜棣餠餡餈

園菜果蓏助米糧

甘楚殊美奏諸君

袍襦表裏曲領羣

襜褕袷袷袴禪

禪衣蔽膝布母縗

鍼縷補縫綻紕緣

履烏鞞哀絨緞紉

踏 越遐巡

鞞鞞印角褐鞞巾

颯題昂 鞞

裳韋不借為牧人

完堅耐事踰比倫

屐屨縶麤羸窶貧

脚琫

旃裘鞞鞞蠻夷民

索鐸

去俗歸義來附親

譯導贊拜稱妾臣

戎伯總閱什伍鄰

夫 腹 牟叶毛

稟食縣官帶金銀

廩

定焦

鐵鈇鑽錐釜鍍鑿

鍛鑄鉛錫鐙錠鏹

墮質

鈐 鑄 鉤 銓 斧 鑿 鉏

叶湖

扛 諫 件 箱

缸 鏟 鍵 鈔 冶 錮 鑄

喬

困 然 編

郁 界

箆 箒 篋 篋 篋 篋 篋

妥 孟

杯 蝦 上 聲 宛

楸 杓 槃 案 栝 間 盃

軟 磕 聲 師

纂

樽 榼 棹 梔 匕 箸 簞

當 去 聲 邊

缸

甌 賞 甌 甌 瓊 嬰 盧

型 懸 區 姚

銅 鍾 鼎 經 銷 鈹 鈹

登

叶愁

竹 器 簞 笠 簞 簞 籐 蔎

師 彼

婁

篋 篋 箕 帚 筐 篋 篋 篋

但

蠡 斗 參 升 半 卮 觥

緹

甄 缶 盆 盎 甕 罍 壺

橘

纍 繡 繩 索 絞 紡 纆

簡札檢署槩牘家

板柞笮所產谷口斜琊

水蟲科斗蠅蛙蝦蟇

鯉鮒蟹附善台鮑鮫蝦

妻婦聘嫁齋媵孕僮

奴婢私隸枕牀叶工杠

蒲蒨弱吝蘭席帳帷叶重幢

承塵戶幰條績簾繪總

鏡斂廉婢疏比各異工

芬薰脂粉膏澤叶松箒

沐浴揃翦滅搯寡合同

襍飾刻畫無等叶松雙



係臂琅玕虎魄龍

璧碧珠璣玫瑰容

玉玦環佩靡從容

射魅辟邪除羣凶

竽瑟空侯琴筑竹箏

鐘磬茗鞀簫鼙鼓鳴

五音總會歌謳聲

倡優俳笑觀倚庭

侍酒行觴宿昔醒

廚宰切割給使令

薪炭萑葦炊孰熟生

臚膾炙馘各有形憤

酸醋醎醋酢醋淡勞辨濁清

肌弱脯弱脯弱腊魚臭腥

沽勞酤酒釀醪勞榼極程

碁局博戲相易輕

冠幘責簪責簪責簧結髮紐

頭類頤類頤類頤類眉目叶受耳

鼻口脣舌根斷牙叶丑齒

頰頤頤頤項肩臂肘

拳畝捲腕節爪畝拇指手

脾膈脅胷脅膈偶喉咽偶齶

腸胃腹肝肺心主

脾腎五藏臄毗臄臄齊乳

考平聲寬

尻髓脊膂腰背呂

軟萃上聲

踣蹠跟踵相近聚

澀

披

尋

鋏戟鉞鎔劔鐔鏃

推鬚

脫

及叶頭

鐵錘槌杖柅秘校

管

蹂民桑

輻轂輶轄輓轉輦

老婢詣厄

蓋轅俾倪柅縛棠

北刑去聲

股脚膝臄脛為柱

蟬

吮

矛鋌鑲盾刃刀鉤

車

弓弩箭矢鎧兜鉞

緇

康

輜輶輹軸輿輪輳

蟻納叶杭

軹軾軫軫軻輶輶

顯去聲半

轡勒鞅鞵鞞鞞鞞

因伏杜薄

鞞鞞鞞鞞鞞

羊

齧休

革鞞髮漆油黑蒼

舞

叶姜

門戶井竈廡困

惡戲

泥塗堊堅壁垣牆

激

膾

擊壘層廐庫東箱

對體去聲

頽松

碓磴扇隕春簸揚

茸帖

斬鞞鞞鞞色焜煌

混

室宅廬舍樓殿堂

薄

榱椽構櫨瓦屋梁

裁去聲

榦楨板栽度園方

併次

屏廁清溷糞土壤

叶壤

挺

頃町界畝畦埒封

劣叶孚

疆畔綴陌啜伯耒犁鋤

拮穫君去聲秉把插捌叶蒲杷

槐檀荆棘葉枝扶

騏驎麗馳驟怒步叶趨超

六畜蕃息豚豕豬

三貝慘犉特犗羔犢駒

種樹收斂賦稅租

桐梓蹤松樅窠榆椿樗

駢龜錐卜驄駮驪駟驢

牂羖臧古許兕夷香兆低羴羸羸羝羴

加墳豶豢狡犬野鷄雛

雄雌牝牡相隨趨

糟糠汁第挫滓稟莖芻

鳳爵鴻鵠木鴈鶩雉

鷹鶴耀括鵠翳雕尾

鳩鴿晏鷓鴣中網死

鳶鵠吾梟驚相視

豹狐距虛豺犀兕

狸兔飛鼯几狼麋麇

麋麇麋皮給履君主京攸

寒氣泄注腹臚帳脹

痂疔疥癘加牝聾叶去聲盲叶去聲

癰疽癩挈蹤萎昇帳疰痿痺痕

疝痕癩疾狂失訕假響叶去聲

瘧疾痛癩温病

厥芋

叶誘

直

漏

啞

葳

諒

痺熱瘦痔眇叢眼

究

叶徐

灸刺和藥逐去邪

牡蒙甘草菴藜蘆

半夏阜莢艾橐吾

叶吾

款東貝母薑狼牙

消渴歐逆欬瀝讓

嘔

慨悶

隆衰

篤癰瘰癧迎醫匠

豫柴

黃芩伏苓礬苳胡

元叶敷

烏喙附子椒芫華

穹

叶閭

芎藭厚樸桂栝樓

叶孤

遠志續斷參土瓜

亭厯枯梗龜骨枯

雷矢藿菌蓋兔廬丸

卜問譴崇父母恐

祠祀社稷叢臘奉

陽賚

謁楊塞禱鬼神寵

棺槨衛檟勇檟遣送踊

喪弔悲哀面目腫

哭泣祭醊綴墳墓冢

諸物盡訖五官出

官學諷詩孝經論

春秋尙書律令文



治禮掌故砥礪身

旨

智能通達多見聞

名顯絕殊異等倫

抽擢推舉白黑分

迹行上究爲貴人

丞相御史郎中君

進近公卿傳僕勳

前後常侍諸將軍

列侯封邑有土臣

積學所致非鬼神

憑馮翊京兆執治民

潔廉絜平端撫順親

姦邪並塞皆理馴

變化迷感別故新必

更卒歸誠自詣因

司農少府國之淵叶因

遠取財物主平均

臯陶造獄法律存

誅罰詐偽劾罪人核

廷尉正監承古先叶詢

總領煩亂決疑文

變鬪殺傷捕伍鄰

亭長游徼共雜診叶真

盜賊繫囚榜笞髡彭

朋黨謀敗相引牽

欺誣詰狀還反真

坐生患害不足憐

辭窮情得具獄堅

籍受證驗記問年

閭里鄉縣趣辟論

第

鬼薪白粲鉗鈇髡

不肯謹慎自令然

孤秋

輸屬詔作谿谷山

籟籟起居課後先

叶愁

斬伐材木斫株根

犯禍事危置對曹

漫謾訑首匿愁勿聊

縛束脫漏亡命流

攻擊劫奪檻車膠

嗇夫假佐扶致牢

只洧痕疴保辜謔呼號

馨去聲狷乏興猥逮訶謔求

輒覺沒入檄報留

受賕枉法忿怒仇

讒諛爭語相舐觸

憂念緩急悍勇獨

迺肯省察諷諫讀

涇水注渭街術曲

筆研籌筭膏火燭

賴赦救解貶秩祿

邯鄲河閒沛巴蜀

潁川臨淮集課錄

依溷汙染貪者辱

漢地廣大

無不容盛

萬方來朝

臣妾使命

邊境無事

中國安寧

百姓承德

陰陽和平

風雨時節

莫不滋榮 災蝗不起 五穀孰成

孰

賢聖並進 博士先生

長樂無極老復丁

坳以下係後漢人附入

齊國給獻素繒帛 飛龍鳳皇相追逐

河南洛陽人蕃息 與天相保無窮極

眞定常山至高邑

乘而嘉寵升進立

建號垂統解鬱悒

四民康寧咸來服集

何須念慮合爲一

山陽過魏

長沙北地

馬飲漳鄴及清河

雲中定襄與朔方

代郡上谷右北平

遼東濱西上平岡

酒泉疆駑與敦煌

居邊守塞備胡羌

遠近還集殺胡王

漢土興隆中國康

海甯錢保塘補音  
平武余定國同辭  
福山王懿榮



急就篇卷第一

顏氏注

浚儀王應麟伯厚甫補注

每標章首以字數為斷者蓋取其程課學僮簡牘為

便也是以前之卒章或與後句相躡躡尼輒反補曰急疾也就成也

篇書也藝文志云皆蒼頡中正字也又云閭里書師

合蒼頡爰歷博學三篇斷六十字為一章此篇分章

亦然凡三十二章晁氏曰雜記姓名諸物五官等字

以教童蒙急就謂字之難知者緩急可就而求焉說

文敘尉律學僮十七已上始試諷籀書九千字乃得

為吏又以八體試之郡移太史并課最者以為尚書

史書或不正輒舉劾

之僮通作童未冠者

漢黃門令史游撰

游元帝時人也見漢書藝文志黃門令屬少府補曰後漢

宦者傳序史游為黃門令勤心納忠有所補益注禁門曰黃闥中人主之

急就奇觚與眾異觚音

觚者學書之牘或以記事削木為之蓋簡屬也孔子

歎觚即此之謂補曰論語子曰觚不觚觚哉觚哉其

形或六面或八面皆可書補曰史記破觚為圓應劭

釋觚入稜木觚者稜也稜盧以有稜角故謂之觚言

學僮急當就此奇好之觚其中深博與眾書有異也

補曰說文幡書兒拭觚布也籥書僮竹筥也周禮疏

古者未有紙筆以削刻字至漢雖有紙筆仍有書刀

漢書注刀所班固兩都賦曰上觚稜而棲金爵補曰

班固傳枹稜注說文曰枹稜殿堂上最高之處徐鍇

按字書三稜為枹枹稜最高轉角處也枹與觚同

今俗猶呼小兒學書簡為木觚章蓋古之遺語也

羅列諸物名姓字

言此眾章列敘萬物之名及人姓字

補曰羅布也說  
文物萬物也牛

為大物天地之數起於牽牛名姓字皆謂人也子生  
三月父名之姓人所生也左傳眾仲曰天子建德因  
生以賜姓胙之土而命之氏諸侯以字為諡因以為  
族官有世功則有官族邑亦如之師服曰名以制義  
申繻曰名有五有信有義有象有假有類禮記曰男  
子二十冠而字冠而字之敬其名也通志曰三代之  
前姓氏分而為二男子稱氏婦人稱姓氏所以別貴  
賤貴者有氏賤者有名無氏姓所以別婚姻故有同  
姓異姓庶姓之別三代之後姓氏合而為一於文女  
生為姓故姓之字多從女如姬姜嬴姒姚媯媯媯媯  
始妣媯之類是也

分別部居不雜廟

廟初  
吏反

前後之次以類相從種別區分不相間錯也

種之隴反間居

蒐反補曰考工記注說文敘皆引此部分也廁間也種類也說文通釋部屬也部之言簿也分簿之也

用日約少誠快意

以其詳悉多所該備不費功日而心意開了故云快

意也禮學記曰師逸而功倍

補曰藝文志用日少而畜德多廣韻約少也快

稱心也

勉力務之必有喜

喜許志反

勉令勤習以致業藝則能顯達可好喜也

好呼報反補曰學在

疆勉用力多者收功遠喜說也學而時習之不亦說乎

請道其章

此後二句一韻

敘致已訖乃說之也

補曰禮記注道猶言也

### 宋延年

微子紂之庶兄周武王克商封之於宋其後或以國

為姓

補曰宋國今應天府姓當日氏史記契為子姓其後分封有宋氏

遂有宋氏

補曰

宋煙宋人莊子云宋鉞楚有宋玉宋義漢有宋昌宋忠宋疇宋畸

延年之義取於壽

考無疆也

補曰方言延永長也凡施於年者謂之延

漢有李延年杜延年

田延年

補曰又有嚴延年孔延年乘馬延年解延年東郭延年

篇首廣陳諸姓

及名字者以示學徒令其識習擬施用也自此以下

器用物務次敘皆同而說者乃云是當時弟子名姓

又云是古賢聖之人本出易緯史游重述此說皆非

也姓者並是古來所有非妄造之名字或是舊人已  
經稱用或是新構義理然非實相配屬真有其人所  
以章中自云姓名訖請言物又云諸物訖五官出以  
此求之其意可曉至如雜寶奇繪殊俗異服及疾病  
刑獄官曹職務豈非當時庠校之內悉自有乎皆汎  
說耳易緯中頗有姓名與此同者蓋後人妄取以附  
著之非本聖人所說也先儒通論舊云緯書之作偽  
起哀平應劭撰風俗通亦多設人姓而爲章句偶讀  
斯效急就之爲也

屬之欲反校胡孝反其字從木著  
直略反補曰後漢張衡曰圖讖成

於哀平之際應  
劭有氏族篇

鄭子方

鄭桓公友周厲王之子宣王母弟也宣王封之於鄭

補曰鄭本在西都畿內咸林之地今華州鄭縣武公徙新鄭今鄭州其後或以國為氏

宋有鄭翩即其族也補曰魏有鄭安平韓有鄭昌漢有鄭當時鄭弘鄭子真鄭吉

子者男子美稱方者言其正直不回也補曰魏有田子方名無擇

漢有閩人通漢字子方陰子方辟子方

衛益壽

衛康叔周文王之子也周公既誅管蔡而封康叔為

衛侯其後亦因國為氏補曰地理志河內朝歌康叔所封今衛縣宋有衛平秦有

衛先生漢有衛益壽亦延年之義也補曰漢王子侯表有婁侯益壽

功臣表有其益壽劉益壽  
匈奴傳御史屬公孫益壽

### 史步昌

史氏之先本周大夫史佚音逸之後也周亦有史籀文救

反 晉有史黯於滅反 秦有史顛口果反 衛有史狗史鮪由干

反 其後並稱史氏此類甚多不可具載補曰楚史皇史老魏史起

高 漢史 步昌言高步而昌盛也漢有李步昌補曰功臣表有趙步

昌以步名者有陳步  
樂衛步廣呂步舒

### 周千秋

周大夫周桓公宰周公周公忌父父讀日甫繼守官邑故

有周氏補曰漢周燕其先出自周平王之後廣韻本自周平王子別封汝川人謂之周家因氏焉



一云赧王為秦所滅黜為庶人百姓稱周任之後亦

為周家因氏焉史記周最周之公子周任之後亦

為周姓補曰魯有周豐趙有周舍周初魏有周仁千秋

亦欲長生久視也漢有張千秋田千秋補曰又有韓千秋鄂千秋

趙孺卿卿叶乞郎反見楚辭大招

造父善御事周穆王穆王封之趙城其後因稱趙氏

晉之趙夙即其苗裔遂蕃衍焉補曰趙城今晉州趙城縣漢有趙堯趙禹

趙充國趙廣漢孺幼少之號也卿言可為列卿也漢有蘇賢

字孺卿補曰牛邯馬敦字孺卿以孺為字者韓安國及黠韋賢曰長孺孔霸曰次孺灌夫曰仲孺

張安世日子孺枚解曰少孺云敞曰幼孺王賀翁孺陳君孺造千到反父讀曰甫蕃扶元反

爰展世

展一作歷

爰氏之先本與陳同姓陳申公生靜伯甫伯甫八世

一作葉

孫爰諸生爰濤塗

濤徒高反

因而命氏其後或為轅

字又作袁字本一族也

補曰左傳轅濤塗公穀傳作袁廣韻爰舜裔胡公之後袁

或作爰列漢有爰益

鳥浪反補曰功臣表有爰類說文有爰禮後漢有爰延韓子有

爰展者伸也言子孫蟬聯不絕也或曰展誠也

補曰爾雅

展信也

高辟兵

辟音璧兵叶哺芒反見詩擊鼓無衣抑荀子俛詩

齊大夫高侯者號高敬仲本齊之公族也其後遂

稱高氏大為著姓

補曰廣韻齊大公之後食采於高因氏焉

又惠公之孫

曰公孫竈亦稱高氏補曰又鄭有高渠彌高克宋有高哀趙有高共孔子弟子高柴

漢高帝紀有高相辟兵言能弭止兵戎也補曰漢霍

儒林傳有辟兵不知姓王子侯表有西梁侯闢兵百

隸枝尉臣辟兵楚元王太子辟非注辟非猶辟邪

### 鄧萬歲

鄧古國名本曼姓也其後稱鄧氏焉曼音楚有鄧廖

音鄭有鄧析先恩竝其族也補曰鄧國在南陽鄧縣

元漢有鄧弱萬歲猶千秋耳補曰廣韻殷王武丁

公鄧平鄧馮萬歲唐有張萬歲謝萬

鄧侯後因氏焉漢王子侯表中山靖王子曲成侯萬

秦妙房

妙一作眇漢書眇讀曰妙

秦本地名後為國號因又命氏

補曰舜七友秦不虛史記秦之先嬴姓其

後分封有秦氏秦者隴西谷名括地志秦州清水縣本名秦

曾有秦堇父秦丕茲

秦邇皆秦姓也

補曰左傳魯有秦周孔子弟子有秦祖秦冉秦商秦非燕有秦開秦舞陽

楚有秦嘉漢有秦同秦充秦恭妙謂德行高妙也房謂德之所聚也

補曰後漢夏侯淵字妙才以房為字若蕭秉母將隆賈捐之侯霸字君房温序字次房張良字子房郭禧

字公房以房為名若費長房堇音謹父讀曰甫邇上專反

郝利親

郝呼各反

郝京兆蓋屋鄉名也

蓋竹留反屋竹乙反

因地以命氏焉

補曰唐宰

相世系表出自郝省氏大昊之佐也商帝乙之世裔孫期封於太原之郝鄉因以為氏

漢有郝

賢今蓋厓縣猶出郝姓

補曰百官表郝黨後漢郝孟節

利親言其善

父母也

補曰漢王子侯表有參戶孝侯利親劇魁孝侯利親平的釐侯利親後漢阜陵王便親

馮漢強

強一作彊

馮氏之先本歸姓也鄭大夫有馮簡子其後遂為大

族

補曰廣韻畢公高之後食采於馮城因命氏齊有馮驩韓有馮亭秦馮母擇去疾劫漢馮唐馮奉世

漢強意在忠於本朝也

補曰漢王子侯表有為氏孝侯漢強後漢呂強字漢盛

戴護郡

戴氏之先與宋同族宋戴公生公子文遂稱戴氏戴

惡即其後也

補曰孟子宋有戴不勝盈之韓子戴驥為宋太宰風俗通云氏於諡戴武宣穆

是也漢有戴德戴聖戴崇戴長樂戴野

護郡言為太守若都尉

補曰諸侯王表

廣陵王護人說文周制天子地方千里分為百縣縣有十四郡故春秋傳曰下大夫受郡是也至秦初置三

十六郡以監其縣釋名郡羣也人所羣聚

景君明

明叶音芒易潛龍勿用陽氣潛藏見龍在田天下文明書元首明哉股肱良哉庶事康哉詩東方未明顛

倒衣裳

景氏楚之同族本芊姓也

芊莫尔反史記索隱彌是反芊羊聲也

漢高

祖用婁敬之計徙齊楚大族入關景氏亦遷名數今

之好時鄭縣華陰諸景是也

補曰楚有景含景翠景鯉景差景駒又秦有景

監漢有景建廣韻齊景公之後漢有景丹景鸞

君明言有明德宜為列國諸

侯也漢有京房字君明

補曰蘇子曰貴之則曰公賢之則曰君魏管輅字公明

董奉德

董氏之先本已姓也。颺叔安之裔子曰董。父能擾畜

龍服事帝舜。舜賜之姓曰董。已音紀。颺力救。反。父讀曰甫。又周大

夫辛有之二子適晉。與籍氏俱。董督晉之典籍。因為

董氏。董狐、董叔、董安于皆其後也。補曰：晉有董因、漢三老董公、董仲舒。

奉德言其奉持德義也。一日言有賢德人所戴奉也。

補曰：說文通釋云：德者得也。內得於已外得於人。後漢儒林傳任末友人董奉德。

桓賢良。桓一作隨。

宋桓公孫鱗。瞞為宋司徒。號曰桓子。瞞工。反。因為氏焉。

向。式亮。反。魁。大回。反。號桓司馬。其後亦稱桓族。補曰：東觀記：桓榮本

齊桓公後也。桓公作伯支。庶用其諡。立族命氏。賢良焉。齊有桓跳。秦有桓齮。桓楚。漢有桓寬。桓生。

言可應賢良之舉也

補曰謂有賢行而良善也隨姬姓以國為氏風俗通云隋侯

之後漢有隨何隨蕃又有隨俗又晉士會受隨邑亦曰隨會

任逢時

任音王

周文王母任氏之女此古姓也又有任國之君大皞

之後本風姓也其後亦為任氏焉

補曰詩摯仲氏任世本氏姓篇云任

姓謝章薛舒呂祝終泉畢過廣韻黃帝二十五子十  
一人各以德為姓第七為任孔子弟子有任不齊魏  
有任單任座趙有任登秦有  
任鄢漢有任放任安任宏 逢時言遇太平也漢有

王逢時

侯仲郎

侯氏之先鄭大夫侯宣多侯羽之後也曾有侯叔夏



侯犯齊有侯朝其後亦皆以為姓

補曰魏有侯嬴漢有侯公侯應侯嘉

仲者次伯之下郎者可為郎官也

補曰仲郎字也後漢孟佗字伯郎

由廣國

戎人由余入秦為相其後遂稱由氏楚大夫王孫由

于有忠勇之節楚人亦謂其族為由氏焉

補曰風俗通由余秦

相也漢有由章廣國言為本朝益土地也

補曰漢有竇廣國又張廣國為太常

榮惠常

崇榮作

周大夫有食采於榮者因而氏焉

補曰論語武王有亂臣十人注有榮

公周書曰王俾榮伯作賄肅慎之命春秋稱天王使

榮叔來含

胡賸反

國語云厲王悅榮夷公皆榮氏也魯

有榮駕鵝

駕音加左傳作駕

楚有榮黃其後亦稱榮氏孔子

所見榮啓期泰山郈人也

郈音成

或謂之榮聲期啓聲

相近故也漢有榮畜

補曰榮成伯魯聲伯之子名樂孔子弟子有榮旂漢儒林傳有

榮廣大戴禮榮伊戰國策宋榮蚩呂氏春秋黃帝命榮獲鑄鐘

惠常言以仁惠為常

也

補曰惠順也言順常道也

崇國名在今京兆府鄠縣崇侯之後以國為氏

烏承祿

齊大夫烏餘之後遂以為姓

補曰又有烏枝鳴

莒亦有烏存

秦有力士曰烏獲承受之也

補曰爾雅祿福也後漢有承祿觀

令狐橫

令力呈反橫叶音黃見荀子危詩楚辭九辨魏文帝曹子建詩橫叶胡剛反

令狐晉地名也在河東大夫魏顥食邑於此號令狐

顥因為氏焉

補曰國語令狐文子魏顥之子魏頡也廣韻云畢萬之後漢壺關三老令狐茂

顥口橫充也大也

補曰齊有田橫漢有果反橫充也大也王橫郭憲字子橫

### 朱交便

舜臣朱武

補曰當作朱虎顏氏避唐諱

其後以為姓

補曰後漢朱暉傳東觀記

曰其先宋微子之後以國氏周衰諸侯滅宋犇碭易姓為朱廣韻本自高陽後周封于邾後為楚所滅子孫乃去邑

氏朱焉

論語有逸民朱張春秋左氏傳齊有朱毛

漢有朱家

補曰魏有朱亥楚有朱英漢有朱買臣朱邑朱雲朱博朱宇朱贛朱穆

交便

善與人交皆便安之也

補曰荀子所云兼利天下也猶

### 孔何傷

孔氏之先與宋同祖閔公生弗父何何曾孫曰正考

父考父生孔父嘉父皆讀甫仲尼即其後也補曰廣韻簡狄吞乙

卵生契賜姓子氏成湯名履字天乙後代以子加乙始為孔氏漢有孔臧孔安國衛有大夫

孔達孔烝鉏仕於反其後亦稱孔氏補曰鄭有孔叔孔將鉏又子孔之後

孔張陳有孔甯何傷言無所傷害也補曰取論語何傷於日月沛公

左司馬曹母傷諸侯王表梁貞王母傷王子侯表封斯侯胡傷灌嬰傳齊有華母傷

### 師猛虎

師樂人無目者之稱也晉有師曠補曰又魯有師已有師服

音紀補曰又有師摯師冕師乙師鄭有師悝口同師襄列女傳魯師春姜師氏之母也反

蠲師觸其後皆以為姓補曰鄭有師叔漢有師丹師史師臨以猛獸為

名尚其威也補曰舜臣有朱虎周有召虎王子虎後漢劉盆子傳呂母其中勇士自號猛虎

清河王  
子虎威

### 石敢當

衛有石碣于弱反石買石惡補曰又石駘仲石祈子鄭有石癸石

楚石制皆為石氏周有石速補曰又石尚齊有石之紛如

紛扶云反其後亦以命族補曰楚有石奢宋有石奮敢當言

所當一作向無敵也補曰孟子曰彼惡敢當我哉

### 所不侵

所所砍木聲也古有虞衡之官因主伐木遂以為姓

補曰說文引詩伐木所所穀梁傳隱九年俠卒漢有俠者所俠也風俗通所姓宋大夫華所事之後

所忠武帝之近臣也

補曰後漢有所輔

不侵言其謹慤

反已角

不為寇暴也春秋左氏傳曰不侵不畔之臣

補曰呂氏春秋

有不侵篇云公孫弘可謂不侵矣立千乘之義而不可凌可謂士矣言不可侵侮也

龍未央

央於良反

龍舜臣名命為納言者也其後遂以為姓又董父既

賜姓曰董又易氏曰豢龍

豢音官

其後亦為龍氏

補曰魏將

龍賈項羽將龍且孟子有龍子有龍穆

漢有龍德善鼓琴

補曰

又有龍述龍端

未央言益壽無極也

補曰藝文志有待詔臣安成未央術一篇郊祀

歌延壽命永未央王逸注楚辭云央盡也漢王子侯表薪館侯未央中山靖王子容巨侯未央魯安王孫

新昌侯未央燕刺王曾孫臨都侯未央梁敬王子功臣表搖未央匈奴傳刑未央

伊嬰齊

伊摯伊陟殷之卿宰其後遂為著姓漢有伊籍補曰漢御

史中丞伊嘉儒林傳伊推嬰齊謂嬰兒之絜齊者也

曾有公孫嬰齊補曰又有仲嬰齊滕子嬰齊晉有趙

皮之子嬰齊楚漢有南越王趙嬰齊補曰王子侯表

有公子嬰齊禮記注嬰猶鷺彌也蒼頡篇女曰嬰男曰兒

翟回慶廣韻翟音狄慶叶音羌易乃終有慶詩農夫之

幽通賦慶未得其云已文選作羌詩集傳慶叶祛羊反

翟氏本齊翟僂力羽反新之後也魏有翟璜翟翦漢有

翟公翟方進補曰史記六國有翟景功臣表回慶者

言福喜方來也補曰說文回轉也

畢稚季稚直利反

周文王之子有畢公高者其後以為姓晉之畢萬即

此族焉補曰畢國在長安縣西北晉語有畢陽滕有畢戰漢百官表有畢聚畢由稚季者

言非長竹丈反叔幼也漢有杜稚季補曰漢書作穉霸陵大俠爾雅幼穉

也說文季少稱也从子从稚省漢諸葛豐字少季尹敏字幼季以稚名者徐穉孺子以穉字者王稚叔匡

衡稚圭龐真穉孫郇相稚賓鄭弘王根稚卿傳喜稚游王渙稚子周澤穉都孫堪子穉

昭小兄兄叶虛王反見詩鞞之奔

昭氏亦楚同姓其屈景為三族者也當戰國時有昭

奚恤補曰三閭大夫掌王族三姓小兄言上有昆而



下補曰爾雅男子先生為兄漢尹翁歸翟牧下有弟也字子兄注云兄讀曰況說文通釋兄者況

也能以言

況其弟也

### 柳堯舜

魯公子展之後也

補曰廣韻魯孝公子

有展禽者食采於柳下

之地因為柳氏焉

補曰衛有柳莊柳若

堯舜言依唐虞二帝之

則以自警也

補曰漢有趙堯李舜

### 樂禹湯

樂一作藥

樂氏之先與宋同姓戴公生樂父

讀曰甫衍吉旦反

是稱

樂氏樂喜皆其後也

補曰樂豫戴公立孫唐世系表戴公生公子衍字樂父廣韻戴

公四世孫樂呂為大司寇樂喜司城子罕也

楚有樂伯亦因得姓戰國時

燕有樂毅樂間

補曰魯有樂頤晉有樂王鮒樂徵樂霄鄭有樂耳孔子弟子有樂欬魏有

樂羊樂騰趙有樂池漢有樂說

禹湯言欽夏殷兩王之美順其則也

補曰漢有兒湯貢禹張湯趙禹藥氏後漢有藥崧

溘于登

春秋溘于公如曹度

徒各反

其國危遂不復溘于之地

即北海溘于縣是也後以國為姓戰國時齊有溘于

髡

日昆反

秦始皇時有溘于越漢有溘于長

補曰又溘于意溘于

陵渠溘于恭溘于縣故城在密州安丘縣東北恭溘于人爾雅登成也廣韻升也進也未有華登

費通光

費扶味反一音祕

費氏楚大夫費無極之後也

補曰史記秦紀女華生大費是為相翳大費生

子二人二曰若木實費氏其立孫費昌為湯御以敗  
桀於鳴條夏紀云禹為姁姓其後分封有費氏廣韻  
云夏禹之後殷有費中左傳魯有費庠父費音  
祕疥音琴孟子費惠公戰國有費縶漢有費貽漢有  
費直通光猶言開明補曰後漢王

柘温舒柘之夜反

柘楚地名也後更為縣時屬淮陽國所居之人因而

命氏補曰灌嬰傳柘公王武柘今拱州柘城温舒言

其温裕而安舒漢有路温舒補曰史記樂書聞宮音

有王温舒

路政陽政一作正

路水名也又因為縣在涿郡界居者氏焉補曰陵終子求言為

妘姓路其後別封也唐世系表出姬姓帝摯子玄元  
堯封於路子孫以國氏廣韻本自帝摯之後呂氏春

秋有漢有路中大夫路温舒補曰又路博德政陽言  
路說

其堪為政而有光陽也補曰政一作正謂陽德之政也司馬相如曰正陽顯見詩

譜有徐正陽注

### 霍聖宮

周文王之子有霍叔武處一作者其國在河東今霍邑

縣是也後嗣為晉獻公所滅子孫遂姓霍氏漢之霍

去病霍光即河東人也補曰霍邑今晉州左聖宮言

觀一作觀聖人之奧祕若入其宮室也子贛曰譬之宮

牆夫子之牆數仞不得其門而入不見宗廟之美百

官之富

補曰說文通釋通而充  
識曰聖漢馮立字聖卿

### 顏文章

顏氏本出顓頊之後顓頊生老童老童生吳回為高

辛火正是謂祝融祝融生陸終陸終生六子其五曰

安是為曹姓

補曰世本宋忠曰安名也

周武王封其苗裔於邾為

魯附庸在魯國鄒縣其後邾武公名夷父字曰顏父讀

甫曰故春秋公羊傳謂之顏公其後遂稱顏氏齊魯之

間皆為盛族孔子弟子達者七十二人顏氏有八人

焉四科之首回也標為德行

補曰顏回父顏無繇顏幸顏高顏祖顏之僕顏

曾顏韓子稱儒分為八而顏氏處其一焉

補曰齊有顏庚衛有

顏麟由戰國有顏率漢有顏駟顏異顏安樂以春秋

名家文章言其文章也一作言有文章之材也

管財智管一作莞

管氏之先出自周文王以國命氏也補曰管國在鄭州管城廣韻周

文王子管叔鮮之後齊有管至父管夷吾管于奚管脩因為著

姓父讀曰甫補曰新序楚有蘇戰國策齊有管燕財智言富於財而又多

智也補曰漢書財與材字通鼂錯傳資財不下五帝孟子有達財者亦與材同言有材有智也

莞氏漢儒林傳莞路師古曰莞亦管字蕭該案風俗通姓氏篇有莞管二姓云莞蘇楚大夫見呂氏春秋

漢有莞路為御史中丞莞音官

偏呂張

楚之軍師所類反使主偏者因以為姓也司馬法曰軍

十五乘曰偏春秋左氏傳曰廣有一卒廣工卒偏之

兩補曰廣韻偏姓引急就篇呂張言為心呂之臣可張大王室也

昔者大岳為禹心呂之臣故封呂侯以譬身有脊呂

骨也其為字象形非兩口也補曰國語四岳氏曰有呂謂其能為禹心膺字

林云呂脊骨也又作膺楚為呂臣一云云呂張二氏也與後魏唐同呂姜姓因封呂為氏呂尚其後也又

晉呂錡呂相本魏氏張本自軒轅第五子揮始造弦寔張網蹕世掌其職後因氏焉周有張仲晉有張老

### 魯賀喜

伯禽之後有悼公者為楚所滅子孫以國為氏補曰魯國

在兗州曲阜縣風俗通云氏於國齊魯宋衛是也賀

喜言有喜而可賀也

補日說文賀以禮物相奉慶也漢有陳賀繒賀梁丘賀張賀公

孫賀

觀宜王

觀工喚反一作灌

觀夏之同姓諸侯也國滅之後因而氏焉晉有觀武

楚有觀起觀從皆其肩也

補日地理志東郡觀縣今澶州觀城左傳夏有觀

危國語啓有五觀晉有觀虎武即虎也楚又有觀丁父觀瞻觀射父戰國觀鞅

觀字或作灌

斟之林

灌亦夏時國名也其後為灌氏焉

補日地理志北海壽

光縣應劭曰古埧灌禹後今灌亭是也在青州

漢有灌嬰宜王言有益於王

室者也

補日漢有酒泉侯宜君注宜君侯之名也

程忠信



程氏之先本重黎之後周有程伯休父因姓程焉重文

龍反父讀曰甫補曰雒陽有上程聚古晉有程鄭實

佐下軍漢有程鄭臨邛富室補曰晉語注程鄭荀驩

程嬰韓詩外傳齊程本子忠信為周言不阿黨也補曰

秦程逸漢程不識程嘉曰忠信所以進德也

### 吳仲皇

周大王之子太伯始封於吳吳氏即其後也補曰廣韻云後

季札避國子孫家於魯衛之間吳起衛人趙有吳仲

者次伯之下皇者正也大也

### 許終古

許氏許由之後也太嶽之胤有姜信者封於許國補曰

國語姜伯夷之後也注伯夷炎帝之後四岳之族左傳注許潁川許昌縣今潁昌府太岳神農之後堯四

岳也其後為楚所滅末裔亦姓許晉有許偃補曰左傳

夫鄭有許瑕楚有許伯亦稱許氏補曰趙有許歷漢有許昌許商終

古言不廢絕也補曰考工記注終古常也離騷注古之所終謂來日之無窮也呂氏春秋

夏太史合終古漢有濟北思王終古補曰王子侯表柏暢侯

禦兒侯轅終古轅一作棧

### 賈友倉

賈本姬姓國也晉吞滅之後稱賈氏補曰廣韻周賈伯之後晉

有賈華賈佗徒何反補曰國語注賈季狐偃賈伯賈

辛皆其裔也

補曰漢有賈山賈誼又左傳齊有賈舉賈寅陳有賈僕

友倉言慕

倉舒追而友之

補曰左傳高陽氏有才子蒼舒古今人表作倉舒孟子曰尚論古之人是

尚友也

陳元始

舜後媯滿周武王封之於陳其後為楚所滅子孫因

姓陳焉

補曰陳國今陳州陳公子完奔齊為陳氏孟子子陳良楚產也戰國有陳軫漢有陳嬰陳平

元始長子之稱也

補曰爾雅元始也穀梁傳疏穀梁子名倣字元始功臣表有陶元始

後漢崔實一名台字元始

韓魏唐

周武王之子封於韓其後為晉所滅因稱韓氏晉大

夫韓萬卽其後也及三家篡晉侯王相襲故其宗黨

分布四方補曰韓侯國在同州韓城禮記疏以邑為氏韓趙魏是也或曰韓萬曲

沃桓叔之子也晉滅韓令萬食其地焉因為韓氏補曰

漢有韓信韓安國補曰魏唐取二國之地以為名也補曰

錄漢有孟縱字魏本姬姓亦為晉所滅其地卽河東

河北縣是也補曰地理志河東郡河北縣詩魏國今

因氏焉漢有魏相唐卽晉地也故詩蟋蟀叙曰此晉也而

謂之唐補曰河東本唐堯所居成王封母弟叔虞曰

隨唐唐姬姓左傳唐惠侯唐成公廣韻唐堯之後子

孫氏焉鄭有唐荀魏有唐睢宋有唐鞅楚有唐狡唐

都一云魏唐二氏也

液容調 液音亦 一作掖

上古道術之士善於鍊化能作液湯者後嗣因以液

為姓 補曰素問有湯液論藝文志湯液經法三十二卷事物紀原湯液經出於伊尹廣韻液姓引急

就章容調者言其容止調和 補曰掖縣名在東萊今萊州以邑為氏廣韻有掖姓

容調寬和也荀子曰調而不流寬容而不亂

柏杜楊 杜一作度 揚一作揚

古帝有柏皇氏其後稱柏氏焉一曰晉伯宗伯州犁

之後古通用字柏與伯同故為柏氏 補曰古今人表伯皆為柏又柏

國在汝南西平 魏有柏直漢有柏至 補曰功臣表柏至侯許盎非姓

縣莊子柏矩 杜楊以二木為名也杜甘棠也牡者曰 名也西南夷 傳柏始昌

棠無子者也牝者曰杜有子者也

補曰爾雅注今之杜黎 楊一

名蒲柳可以為矢

補曰爾雅注左傳所謂董澤之蒲柏杜楊皆木也亦馬牛羊之類一

云杜楊二氏也杜本自帝堯祁姓杜柏之後六國有杜赫漢有杜周或作度亦氏也漢有度尚楊本自周宣王子楊侯後并於晉因為氏漢有楊敞亦作楊漢有楊雄

### 曹富貴

曹氏即陸終之子安所出也又周文王之子曰曹叔

振鐸武王封之陶丘號曰曹伯其後為宋所滅亦為

曹氏而齊有曹開亦稱曹族

補曰史伯曰祝融八姓曹姓鄒荀荀子紂臣曹

觸龍廣韻周武王封曹挾於邾魯有曹劇孔子弟子曹邠孟子有曹交漢有曹參魏武家傳自云曹叔振鐸之後曹國本曹州 富貴言滿而不溢高而不危也

廣韻云以國為氏

補曰功臣  
表張富昌

### 尹李桑

尹氏本周大夫也後為官族補曰周有尹佚尹吉甫  
晉有尹鐸齊有尹文尹

士漢有尹更始尹翁歸尹齊尹賞尹咸李桑義與杜楊同補曰漢外戚表有竇桑林

一云李桑二氏也李伯陽之後晉李商李調魏李克李悝趙李牧桑秦公孫枝子桑之後齊有桑掩胥漢

有桑弘羊桑欽

### 蕭彭祖

蕭氏本出殷之六族成王所用封伯禽也又有蕭國

其君子姓宋之附庸為楚所滅亦稱蕭氏補曰風俗通宋樂叔

以立御說之功受封於蕭列附庸之國今徐州蕭縣廣韻本自宋支子食采於蕭後因為氏漢有蕭何蕭

望之蕭奮彭祖者追慕彭鏗尚其長年也鏗口耕反補曰

及有虞下及五伯世本云姓籙名籙漢有張彭祖嚴彭祖補曰又有趙

祖寶彭祖田彭祖趙彭祖劉彭祖鄧彭祖黎彭祖蔡彭祖

屈宗談屈居勿反談徒甘反叶陽韻

屈氏之先楚同姓也屈瑕屈重屈蕩屈建屈平皆其

後焉補曰元和姓纂楚武王子瑕食采於屈因氏焉宋有屈穀韓有屈曰後漢屈豫屈充宗談

言有口辨為談者所宗也補曰說文談語也趙有張孟談以談合桑

古韻疏也補曰詩殷武嚴叶連桑柔瞻叶臧

樊愛君

周大夫仲山甫宣王時為樊侯遂稱樊氏樊皮即其



後也

補曰樊邑在東都畿內殷民七族有樊氏孔子弟子樊遲秦有樊於期漢有樊噲樊重富人樊

嘉愛君言慕嚮拳之爲人也

嚮弋六反拳音權補曰范甯曰以兵諫爲愛君

是人主可得而脅也孔子言事君引詩心乎愛矣遐不謂矣蓋取忠不忘君之義

崔孝讓

讓叶如羊反見詩角弓楚辭大招荀子成相

崔齊邑名也丁公之子於此受封其後有崔天天之

支庶苗裔盛焉

天於表反補曰漢有崔篆

孝讓言既有孝德又能

克讓也

補曰爾雅善父母爲孝說文通釋於文子承老爲孝讓謙遜也後漢張歆字敬讓

姚得賜

姚舜姓也陟方之後末嗣稱焉鄭有姚句耳漢有姚

平

句音鉤補曰秦有姚賈漢有姚定漢王莽時有姚恂

得賜言多受君之寵錫

也

燕楚莊燕烏賢反

燕劭公式亦反本周之同姓其後以國為氏云補曰南燕

姑姓國在今滑州召公封北燕今燕山府廣韻燕為秦所滅子孫以國為氏孔子弟子有燕伋趙有燕周

漢有燕楚莊言慕楚莊王也補曰以楚莊為名字若宋句踐魯句踐劉昆蘇

純字桓公秦周字平王呂氏春秋有鄒公子夏后啓

薛勝客薛私列反勝書烝反

有奚仲者為夏車正受封於薛後遷於邳而仲虺居

薛為湯左相邳皮反其後稱為薛侯及為楚所并餘族

因號薛氏補曰左傳注薛魯國薛縣在徐州滕縣界廣韻本自黃帝任姓之後說文邳在魯薛

縣左傳注下邳縣宋有薛居州趙有勝者克堪之義

薛公漢有薛澤薛廣德薛宣薛萬

客者人禮敬之為上客也

補曰漢功臣表郭亭孫勝

表丙吉玄

孫勝客

聶干將聶女輒反

聶本地名因以為姓也春秋稱齊師宋師曹師次于

聶北救邢補曰聶北邢地廣韻楚大夫食采於聶因以為氏韓有聶政漢有

聶壹干將古之善劍一曰劍師名也補曰吳越春秋

二枚一曰干將一曰莫耶

子虛賦注韓王劍師也

求男弟

求氏本居衛國裘氏之地故稱裘焉後又轉為求字

補曰禮記衛獻公與柳莊邑裴氏莊子鄭八緩呻吟裴氏之地考工記有裴氏漢末有求仲

卽此族也男者以別女弟者有兄之稱也補曰漢功臣表有趙

弟後漢李章字弟公祭遵字弟孫而任力故於文力田爲男弟者弟也相次弟也古謂

章東之相次壓爲弟

過說長過古禾反說音悅

過者夏時國名因爲姓也補曰晉地道記東萊掖縣有過鄉北有過城古過國

世本氏姓篇任姓過風俗通過國夏諸侯後因爲氏漢有兗州刺史過說長言常悅豫

也補曰爾雅悅樂也說文通釋於文心兌爲悅易日兌說也荀子曰樂易者常壽長漢有戴長樂

祝恭敬

祝氏鄭祝聘乃甘反之後也又衛有祝鮀徒何反後嗣傳

職賢而有識亦稱祝氏

補曰祝以國氏周武王封帝堯之後於祝唐世系表出姬

姓武王封黃帝之後於祝後為齊所并祝阿祝丘是也世本祝任姓又以官為氏周有祝跪漢有祝生祝

午祝恬祝良漢祝睦碑云鄭有祝聃君其肩也

恭敬謂不忘恭敬慕趙盾也

補曰國語觀射父曰恭敬明神者以為之祝朱子曰恭主容敬主事恭見乎外敬主乎中

審母妨

母音無一作無妨敷方反害也

審氏之先為周司空屬官主審曲面勢者也後因賜

族漢有審食其

音異其補曰後漢有審忠審配

母妨言勿有所妨害

也

補曰古人云母猶今人言莫也與父母字不同楚辭敬而無妨漢王子侯表安眾繆侯母妨長沙定

王曾孫若韓申不害漢華母害合傳胡害閻母害楊毋害之類

龐賞贛

龐皮江反贛貢同

龐者高屋之名龐氏之先貨產殷富好為室屋鄉黨

榮慕謂之龐家遂以立氏魏有龐涓工玄反補曰廣韻周文王子畢

公高後封於龐因氏焉龐楚邑也越世家云龐長沙楚之粟也蓋以邑為氏燕有龐煖漢有龐真雄參

贛賜也賞贛義與得賜同補曰端木賜字子贛漢吾

薛宣字贛君鄭興字少贛

來士梁來一作釐

來氏殷之別族本子姓補曰商之支孫食采於邾因以命氏後單為來百官表有

來平後漢有來歙士梁言為士君子之棟梁補曰爾雅采廬謂之梁釐讀與

邨同后稷封於釐今武功故城是音台右扶風有釐縣說文邨炎帝之後姜姓所封周棄外家國詩曰邨

有邨家室

成博好

成者周之采地卿士所食成肅公簡公桓公是也故

稱成氏焉

補曰史記武王封弟叔武於成廣韻本自周文王子成伯之後

又楚令尹

子玉若敖孫也號成得臣亦為成氏大心成熊皆其

後也晉有成鱣

上充反

成何何後奔燕宋有成謹

火官反

秦有成差並為成姓

補曰齊有成秩漢有成丹

博大也

補曰荀子曰多聞曰

博言好學之廣博也好呼報反

范建羌

起良反

陶唐氏之後在夏為御龍氏在商為豕韋氏在周為

唐杜氏其後杜伯之孫曰士蔦為晉司空蔦子士穀

亦繼其官為孫士會晉大傅食邑於范為范氏為于彼反

穀胡谷反楚有范山范蜎越有范蠡魏有范雎西楚有范增漢有范方渠范延壽建美言立

功於西羌之地也補曰說文羌西戎牧羊人以羌為名者後漢有范羌唐羌

閻歡欣閻余廉反

閻者里中門也因其所居遂以為姓晉有閻嘉閻沒

齊有閻職補曰閻以邑為氏左傳康叔取於有閻之

秦有閻邊漢有閻澤赤閻奉閻崇閻遷唐世系表出自姬姓周武王封太伯曾孫仲弈於閻鄉因為氏又

昭王少子生而手文曰閻封於閻城又唐叔虞之後晉成公子懿食采閻邑晉滅子孫散處河洛歡

欣言得人之歡心

盍可忘



寧氏與秦同姓秦襄公會孫謚曰寧公支庶因以為

氏一曰寧甯本一姓衛大夫甯俞之後也漢有甯成

史記作寧成

補曰呂氏春秋荆莊王臣寧圍過秦可  
篇甯越史記作寧越索隱曰趙人

忘言其善德不可忘也詩云有斐君子終不可諉兮

斐敷尾反

諉亦忘也

補曰趙充國  
傳羌豪靡忘

### 苟貞夫

苟草名也所居饒之因以命氏漢有苟賓河內人也

今之河內猶有此姓焉

補曰廣韻本自黃帝之子孔  
叢子衛有苟變漢有苟參苟

諫一曰本晉大夫苟氏之後避難改族而稱苟云貞

者言有歲寒之節夫者大夫之謂也

補曰百官表  
有大農令正

夫者扶也  
既壯曰夫

苗涉臧苗一作茅

苗賁皇本楚人後奔於晉其子孫遂為苗氏補曰苗晉邑左

傳若敖之亂伯賁之子苗皇奔晉王莽時有苗訢與

晉人與之苗以為謀主一作芻同篇補曰馮異傳有苗本苗字或作茅國名也周公

子所封其後因為氏又邾有茅地及茅夷鴻皆茅

姓也補曰晉有茅茂秦有茅涉臧言其所涉皆善道

也一日遇難逃禍涉水而藏匿也補曰爾雅曰臧善也

田細兒

田氏之先職賦田者也因為姓晉有田蘇宋有田

景補曰左傳田丙以唐諱改又魯有田饒魏有田子方燕有田光又陳厲公之子完

奔齊代為卿佐遂篡齊國後自稱王又稱東帝其族

亦為田氏蓋以陳田聲相近云及為秦所滅漢興徙

田族於關中今之高陵櫟陽諸田是也櫟音藥補曰漢有田何田

叔田蚡田干補曰若白光胡常王崇細兒言小兒也逢信字少子枚臯字少

孺衛媪次女少兒外戚傳賈長兒郭伋字細侯劉歆字細君又有右師細君江都王建女細君

### 謝丙黃

謝南方國名也周宣王后父申伯於此作邑其後以

為氏魯有謝息補曰謝在南陽棘陽縣今唐州范文

焉歐陽公謝絳誌云黃帝後任姓之別為十族謝其一世木任姓謝呂氏春秋東方墨者謝子漢有謝

謝堯補曰尸子有中黃伯漢功內黃言黃中通理也臣表山都憲侯王中黃

一曰取縣為名也內黃屬魏郡補曰今相州內黃縣

越生子將待事而名之陽州之役獲焉名之曰陽州漢有廣川王汝陽馮野王劉真定東郭咸陽雍鉅鹿

張長安  
田雲中

### 柴桂林

衛人高柴為孔子弟子後居於魯未裔以柴為姓漢

有將軍柴武桂林者取其冬生不凋而眾盛之意補曰

楚辭遠遊嘉南州之炎德兮麗桂樹之冬榮桂林亦郡名漢鬱林郡故秦桂林郡山海經桂林八樹在番

隅東

温直衡衡叶戶郎反見詩采芑韓亦闕  
宮烈祖長發楚辭九歌惜誓

温氏之先出自己姓紀已音又晉之郤至食邑河內之

温號曰温季其後亦為温氏補曰春秋温子奔衛周司寇蘇公之後國於温

國語己姓蘇温今孟州温縣廣韻唐叔虞之後受封於河內温因以命氏漢有温疥温順温序温氏譜序

曰晉大夫郤至封於温子孫因氏居太原郤縣為著姓直衡言其正而平也

### 奚驕叔

奚仲既遷於邳其後遂稱奚氏漢有奚涓工立反補曰又有奚

意驕者父母愛而名之叔者伯仲之下也補曰橋憐也恣也亦

作驕孔子弟子顏高漢蕭由假倉字子驕淮南王安傳有朱驕如東觀記徐宣字驕穉

邴勝箱邴一作勝音柄又音丙勝書丞反

邴泰山下邑也居之者以為姓焉朱氏曰春秋邴字公穀作邴故顏氏

以昉注邴但少邴亦作昉四字而後人不曉乃於注未妄增八字云以邴為昉其注未詳者誤矣補曰魯有邴洩說文邴宋下邑通釋云公羊傳以魯昉田作邴字郭璞注穆天子傳亦同許慎所不取也 晉

有邴豫邴師齊有邴歎音觸邴夏古雅反邴意茲漢有邴

丹補曰又有勝箱言其堪任近侍在東西箱也補曰漢書

注正寢之東西室皆一曰言能負重致遠以牛為喻

也補曰詩睨彼牽牛不以服箱注箱大車之箱也

雍弘敞雍於用反

雍國名也在河內山陽文王之子所封其後以為姓

又宋有雍氏本姑姓也姑其乙反補曰左傳雍文之昭也風俗通文王子雍伯之

後鄭有雍糾齊有雍廩楚有雍子後入於晉其裔皆

雍氏

補曰淮南子晉有雍季漢有雍樂成

漢有雍齒弘敞言其大而高

明也

補曰西京賦赫

劉若芳

劉氏之先與范氏同祖士會自秦歸於晉其族留秦

不去者為劉氏

補曰陶唐氏既衰其後劉累學擾龍事孔甲范氏其後也在秦者復劉累

之姓又周之采地亦名為劉劉康公定公獻公皆王卿

士也其後亦稱劉姓若芳言如蘭若之芬芳也若謂

杜若芳草名也

補曰離騷香草以配忠貞九歌采芳洲兮杜若杜若葉似薑根似旋覆而

有文理味平廣雅所謂楚蘅漢楊興字君蘭

毛遺羽

文王之子封於毛國其後以為姓焉

補曰史記毛叔鄭顯命毛公司

空

又周之采地亦名為毛卿士所食毛伯衛毛伯過

皆是也其後亦稱毛氏趙有毛遂

補曰又漢有毛釋

有毛公

之

補曰又遺羽

自謙之稱言極輕賤也

補曰淮南子云權輕飛羽

毛羽同類

### 馬牛羊

造父既封趙城其後稱馬氏蓋以善御馬云又趙將

趙奢克敗秦師賜號馬服君其後亦為馬姓

補曰馬宮本姓

馬牛羊者愛而諱之比之於畜產者也

補曰愛而比之若司馬相

如名犬子王修名狗子之類以牛羊為名字有司馬牛樂羊冉耕字伯牛邴奚字黃羊見呂氏春秋又牛



羊亦氏也風俗通牛榮為隴西主簿馬文淵為太守  
羊喜為功曹涼部云三牲備具此亦設姓名為戲然  
邾子攬且衛公子歛夫以獸名漢長沙王鮒鮒以魚  
名齊大夫蚺鼃韓公子蟣虱以蟲名古多有之

尚次倩

十見反

呂望為周武王太師號尚父其後或以為姓

補曰戰國策韓

有尚靳漢有尚但尚長子平

次者長幼之第倩者青色而美也

補曰

倩士之美稱說文通釋若草木之葱倩漢江充字次倩以倩為字者蕭望之長倩龔舍君倩楊中倩東方朔雋不疑于定國曼倩

丘則剛

陳有宛丘居之者以為姓

補曰風俗通曰魯左丘明之後又齊太公封於營丘

支孫以又邾有丘弱後亦為丘氏

補曰列子有丘邴章漢有丘子明

則猶象也謂法象於天為剛德而不干時也

補曰說文剛疆

斷也莊子則陽遊於楚注名則陽字彭陽

陰賓上

陰亦周之采地周大夫陰忌陰不佞陰里其後遂為

姓焉

補曰後漢陰識傳其先出自管仲管仲七世孫修自齊適楚為陰大夫因而氏焉

賓上

者見賓禮於君上取利用賓于王之義

補曰漢龔勝字君賓

翠鴛鴦

翠氏楚景翠之後也避入關之遷懷土逃匿改姓為

翠

補曰廣韻翠姓引急就章

鴛鴦取匹鳥為名也

補曰詩箋匹鳥言其止則相耦

飛則為雙列子周宣王之牧正有役人梁鴛者能養野禽獸魏有文鴛翠鴛鴦皆鳥也與馬牛羊同取為

名若榮駕鵝之類駕鵝野鷺也春秋後語楚有昭雁說文春秋傳宋公子若鶴秦有士雅

### 庶霸遂

庶氏之先本出衛之公族以非正嫡遂號庶氏禮記

曰子思之母死於衛庶氏之女也及春秋邾庶其來

奔其後亦為庶氏補曰周有庶子霸遂言能遂成霸

功補曰晉語文公於是乎遂霸霸把也把持諸侯之權漢有黃霸張霸

萬段卿卿叶乞郎反萬王矩反廣韻音矩又音萬

萬亦橘字橘者木名因樹以得姓也詩云橘維師氏

橘音同漢書橘作萬謂女寵之族有姓橘者為師氏之官也漢

有萬章補曰說文通釋萬艸也漢游俠有萬章字子夏橘木也詩橘維師氏考工記萬與矩同

段卿者言其厚重如石之段可為卿也春秋鄭有印

段字子石公孫段字伯石

補曰段本作礮說文引春秋傳鄭公孫礮乎加反廣

韻段徒玩反礮礪石丁孫子曰如段之投卵

洽幼功

洽一作伶音零字從水亦作伶

洽人掌樂之官也因為姓焉黃帝時有洽倫

補曰漢律歷志

作周有洽州鳩秦有洽至漢有洽褒洽豐

補曰詩簡今箋洽官

樂官也洽氏世掌樂官而善焉故後世多號樂官為洽官戰國策韓有洽向呂氏春秋周有伶悝鄭志有

洽剛漢功臣表

幼者少小之次功者言能立功也

補曰

漢張戎字仲功史記公孫季功

武初昌

周大夫武氏子其後因為武姓陳勝之起也武臣自立為趙王項羽之客亦有武涉補曰風俗通宋武公之後柳芳曰氏於謚則文武成宣漢有武虎武讓初昌者言始昌大也漢有夏侯始昌補曰西南夷傳栢始昌王子侯表有臨衆侯始昌功臣表有王始昌初者先後之序也漢有齊王次昌說文通釋云詩東方昌矣昌即明也晉孝武以東方明時生名曰昌明

急就篇卷一

新繁鄧 質校字



急就篇卷二

顏氏注

浚儀王應麟伯厚甫補注

褚回池

褚丑呂反

褚師官名也衛有褚師定子聲子及褚師圃其後因

姓褚焉

補曰左傳注褚師市官宋褚師段共公子廣韻宋共公子石食采於褚其德可師號曰褚

師因而命氏

又周有褚氏之地居者亦因命族

補曰左傳王宿於褚

氏

漢有褚大褚少孫回池猶顏回字子淵之義也

淵

作深避唐諱補曰荀子曰水深則回注流旋也說文淵回水也又云池沼通用陀字徐鉉曰今別作池非是也疑當作淵褚淵字彥回或取於此

蘭偉房

一作防

鄭穆公本因夢蘭而生故號公子蘭其後支庶或為

蘭氏補曰廣韻漢有偉房言其器大衆藝所聚也補曰

偉奇也後漢馮衍傳注豫章舊制曰周生豐  
字偉防防與房古字通用魏志王觀字偉臺

減罷軍罷簿蟹反  
又音疲

減氏之先為晉公族大夫驪姬之難晉廢公族因謂

其人為減氏減者省也省所  
領反漢有減宣罷軍猶言偃

武也補曰漢王子侯表管侯罷軍鄭侯罷軍蘭侯罷  
軍柳侯罷師功臣表成侯重罷軍共侯盧罷師

漢表作氏百官一說久從戎役故疲勞也補曰左傳  
齊有襄罷

師音皮楚有  
公子罷戎

橋寶陽



黃帝葬於橋山羣臣追慕守冢不去者因為橋氏漢

有橋庇

必寐反

橋仁橋桃

補曰孔叢子有橋子良後漢橋玄七世祖仁

空穴

曰竇牆南曰陽言若生於竇陽故為名也

補曰一云竇陽皆氏

也夏后相后緡逃出自竇歸於有仍生少康少康二子曰杼曰龍龍留居有仍遂為竇氏龍六十九世孫鳴犢為晉大夫鳴犢七世孫嬰相武帝陽因邑命氏晉有陽處父魯有陽虎楚有陽句穆王曾孫

原輔輻

輻方六反

周文王之子封為原伯其地今在河內

補曰今孟州濟源縣於

後為晉所滅遷之於冀因稱原氏而晉更以原封其

大夫先軫

之忍反

故號原軫軫之苗裔亦姓原焉又周

之采地亦名為原原莊公襄公皆食之也其後亦命

族孔子之門有原憲原壤補曰又有原亢陳有原仲

涉輔輻言若輻之輔車也補曰詩無棗爾輔員於爾

於輻以防輔車也說文輻輪輻也輻虛皓反有輻曰補曰

配焉肱之臣

### 宣棄奴

周宣王中與國人美其德故支庶以為氏焉補曰風

宣公之後以諡為氏補曰后稷棄奴亦愛而諱之也補曰后稷

漢有宣虎宣義宣秉補曰后稷表有王棄之百補曰后稷官表宗正劉棄補曰后稷

### 殷滿息

微子本殷之族雖封於宋支庶或稱殷氏補曰風俗

唐虞夏殷是也廣韻武王克紂子孫分散以殷為氏呂氏春秋殷整甲徙宅西河戰國策衛有殷順且

又殷水在潁川居之者亦以為姓秦有殷口漢有殷

仲補曰又殷嘉殷滿息言充滿而蕃息也蕃扶元反

### 充申屠

充氏古仙人充向之後也補曰充向見史記封禪書

人之後孟子申屠楚之官號若言司徒也又謂之信時有充虞

都古者申與信同屠都聲相近也補曰漢功臣表張

注韓申都即韓王信也楚漢春秋作信都古信申同

義史記云韓申徒申徒狄殷高上也申徒嘉元者也見莊

子漢有申屠嘉本此官之後也遂因為姓韓信名信都亦有義補曰王子侯表有營平侯信都左傳晉

今猶有申屠姓亦有信都

補曰酷吏傳申屠公風俗通也後魏有信都芳

夏脩俠音協

夏桀為湯所滅其族遂稱夏氏又陳宣公之孫御叔

之子號夏徵舒夏齧夏區

烏侯反

夫皆其後也亦為夏

氏

補曰姓氏辨證夏非夏王之後非國氏陳宣公庶子西字子夏別其族為少西氏生御叔御叔娶鄭

靈公子貉之妹生徵舒姑以王父字為夏氏夏育衛人漢有夏寬

脩俠言其修行游

俠之事也

補曰俠在俠說文俠聘也漢耿况字俠游一云修俠美稱也儒林傳陳俠王后姊君

俠武帝作賦曰美連娟以修嫿佳俠函光修長也俠猶麗也

公孫都

黃帝姓公孫氏支庶遂以為姓也又公子之子皆號

公孫魯公孫敖鄭公孫闕

烏葛反

齊公孫薑

丑芥反

晉公

孫老衛公孫朝凡此等類其後皆為姓矣略舉大綱

不可具記

補曰趙有公孫龍魏有公孫衍孟子弟子公孫丑

漢有公孫賀

補曰

又公孫戎公孫弘公孫敖公孫祿

都美稱也詩曰洵美且都

洵音苟

又

曰不見子都

補曰漢有郅都唐都趙廣漢鮑宣胡母生字子都滿昌君都一鄭敬次都

慈仁他

他一作化一作地

慈氏本高陽氏才子之後也美其宣慈惠和因以為

姓

補曰高陽當作高辛慈氏見姓苑

仁他者所愛及遠也

補曰晉羅友字它仁

儒行曰敬慎者仁之地也

郭破胡

號叔周王季之子也受封於號其地今陝州陝縣是也後為晉所滅號公醜奔周遂姓郭氏郭者號聲之轉也又齊地有郭氏之墟蓋古國滅之後亦為郭

姓齊有郭榮此其族也

補曰春秋郭公晉有郭偃魯有郭重齊有郭最燕有郭隗

漢有郭亭郭欽郭鮮郭忠郭蒙

破胡言能克匈奴

補曰列女傳齊威王倭臣周破胡漢

王子侯表高邱侯破胡功臣表任破胡昭帝紀呂破胡又有趙破奴

虞尊偃

尊一作荀

帝舜之後或為虞姓又周太伯之弟仲雍號曰虞仲

嗣太伯之後武王克商封虞仲之庶孫為之後其地

今在河東謂之虞公為晉所滅其後亦為虞氏

補曰舜後

有虞闕父為周陶正戰國尊偃偃仰自尊高也補曰  
有虞卿漢有虞舍虞約魏高  
柔上疏曰偃息養高御書作荀偃偃晉大夫字伯游  
說文於文旗之游古人名偃字子游漢世名有周舍  
觸龍莊忌熊渠比干專諸孟嘗不韋相如字有周公  
口口顏回仲弓南容子產子路孫卿宜僚邵平皆慕  
其人也此蓋避宣帝諱改荀為孫  
又訛為尊漢有主父偃汲偃徐偃

### 憲義渠

憲氏之先本為周之布憲司寇之屬官也其後以為

姓焉義渠國名也後為縣在北地以縣為名也補曰

西戎之別也百官表高帝五年廷尉義渠韓非子陽成義渠騎將也後漢袁紹將蔣義渠

### 蔡游威

周蔡叔者文王之子為周公所誅而封其子仲於蔡

是為蔡侯其後為楚所滅遂稱蔡氏

補曰蔡今蔡州上蔡叔度所都

子胡徙居新蔡晉有蔡墨楚蔡鳴居秦蔡澤燕人楚有蔡賜漢有蔡寅蔡口蔡義蔡葵蔡千秋游威

威之遠揚也

### 左地餘

左丘明本魯之左史繼守其職遂為姓焉又楚左史

倚相倚於綺反末裔亦為左氏

補曰廣韻齊之公族有左右公子後因氏焉史記紂

有諛臣名為左強周有左儒漢有左咸左吳葉氏曰古有左氏左邱氏大史公稱左邱失明厥有國語春

秋傳左氏而國語左邱氏朱地餘言土地有餘封邑

廣大也漢有歐陽地餘

歐焉侯反補曰廣川王去有幸姬王地餘

### 譚平定

譚徒南反



譚小國也補曰在濟南平陵縣西南為齊所滅譚子奔莒因姓譚

焉補曰周襄王時大夫譚伯廣韻漢有譚閔譚賢平定謂無憂虞也

### 孟伯徐

魯桓公子慶父讀曰甫之後號孟孫氏其後稱孟氏焉

補曰有孟公綽孟子之反廣韻仲孫為三桓之孟孟子孫之後又衛侯之兄孟縶其

後亦曰孟氏補曰晉有孟丙勇士孟賁秦有孟說無終有孟樂漢有孟舒孟喜伯長

也長竹也徐者舒緩之稱也補曰後漢抗徐字伯徐

葛輒軻輒苦感反軻枯我反又音珂

夏時諸侯有葛伯者為湯所征遂失其國因稱葛氏

補曰陳留甯陵縣葛伯國又春秋時亦有葛嬴姓之國也其後亦

為葛氏補曰陳勝傳有葛嬰轆軻言坎墮不平也慮

感反坎蓋欲效孟子名軻字子居耳居一轆軻不遇

也孟子居貧軻軻故名軻字子居軻口箇反交選注

反賀

敦倚蘇敦都

敦氏秦文公時史敦之後也補曰史記封禪書文公

留風俗傳敦氏姑姓之後呂氏春秋陳倚蘇言為萌

有惡人曰敦洽讐康廣韻衛之醜人也

庶所倚賴喜於來蘇也補曰蘇息也字亦作蘇倚一

也周分康叔衛民七族有錡氏韓有錡宣藝文志有

雜陽錡華後漢有錡嵩蘇國名已姓昆吾之後蘇忿

生為周司寇後以為氏蘇秦東周人漢有蘇建

耿潘扈

耿古幸反

耿地名也在河北祖乙所都舊居之者以為姓也又

有耿國在平陽皮氏晉獻公滅之其後亦稱耿氏漢

有耿壽昌

補曰耿國姬姓今河中府龍門縣廣韻晉大夫趙夙滅耿因封焉遂以國為氏漢耿

有耿豐後漢耿弇其先自鉅鹿徙茂陵

潘水名也在滎陽扈廣大也言

生此水土而廣大也

補曰古今人表周共王伊扈一云潘扈二氏也潘周舉公之子

季孫食采於潘因氏焉晉有潘父楚有潘崇潘子臣燕有潘壽扈有扈氏之後趙有扈輒漢有扈雲

焦滅胡

武王克殷封神農之後於焦末葉因為焦氏又有姬

姓小國亦謂之焦為晉所滅後稱焦氏

補曰焦國在陝縣漢有焦

延滅胡猶言破胡也補曰漢有左馮翊賈勝胡水衡

壽名伏

晏奇能

齊有晏弱本齊之公族也號晏桓子桓子生嬰曰晏

平仲其後遂為晏氏又有晏圉晏父戎父讀晏晏釐方

反皆其族也補曰漢有晏稱奇能謂有異材也補曰能才也

多力故有絕人之才者謂之能漢成帝宮人曹偉能

邢麗奢奢叶音都荀子危詩間嬾子奢注云奢當為都漢鼂錯對策奢叶都

邢本姬姓之國周公之胤也為衛所滅因稱邢氏補曰

邢國在邢州晉有邢麗奢言美而不陋也補曰爾雅有

刷邢帶漢有邢穆

伍奢石  
奢趙奢

邵守實

劭詩書左傳  
漢書作召

邵穆公周卿士也繼守其職邵伯廖邵武公皆其後

也

補曰召采地扶風雍縣東南有召亭次子  
留周室世為召公召穆公虎康公爽之後

因為邵

氏焉秦有邵平漢有邵信臣

補曰功臣表有召歐左  
傳齊召忽衛召獲六國

滑召守實謂篤於言行不虛詭也

詭一作誕

宰安期

期叶于韻楚辭  
九章之叶厨

宰氏周大夫宰孔之後也

補曰宰孔宰周公闕孔子  
弟子宰子呂氏春秋魯有

宰讓淮南子魯宰折睢漢農  
家有宰氏十七篇後漢宰鼂

安期取古人安期生之

名也

補曰列仙傳安期生琅邪人賣藥東海邊時人  
皆言千歲期一作其漢蒯通傳善齊人安其生

二字通晉三承  
徐寧字安期

俠却敵

俠氏韓相俠累之後也

補曰俠累戰國策名隗  
俠古挾反累力追反

却敵

謂能折衝禦寇也

補曰若陳公子御寇齊夏御寇  
晉鐸遏寇列御寇楚鬪御疆

代焉于

焉於虔  
反何也

代國名也在常山之北代王為趙襄子所滅其遺族

遂稱代氏焉

補曰代國左蔚州  
廣韻趙有代舉

焉安也于曲也焉于

言無所屈撓也

撓女孝反  
補曰晉有董安于亦曰關  
于齊公子鉏在魯南郭曰南郭且于

且子餘反漢有王然于史  
記景帝子臨江王闕于

司馬衷

衷一作應

程伯休父周宣王時有平徐方之功錫以官族爲司

馬氏其後有適晉者司馬侯司馬叔游司馬彌牟司

馬烏司馬寅皆是也項羽立司馬卬五郎反爲殷王漢

司馬遷卽其族也補曰司馬牛宋向魋之弟漢又裒

大也補曰漢有王裒廉裒柳裒進揚美也

### 尙自於

前已有尙次倩今又言尙自於一姓再見也尙或作

掌蓋魯大夫黨氏之後也黨亦音掌補曰林間婦蜀

晉有掌同自於猶言自益也補曰呂氏春秋豫讓國士也

於猶厚也

陶熊罷彼宜反

陶唐氏之後或單稱陶又虞闕於葛反父為周陶正其

後亦稱陶氏成王封康叔以殷人七族亦有陶氏焉

補曰左傳陶叔授民注司徒晉有陶狐風俗惟熊惟

通氏於事巫十陶匠是也虞有陶舍陶青罷男子之祥故以為名補曰爾雅罷如山陽之祥也舜典

有朱虎熊羆注二臣名史記曰為伯益之佐亦以其能服是獸而得名歟左傳高辛氏有才子伯虎仲熊

注朱虎熊羆史記河渠書有莊熊羆

解莫如解莫

解地名也在河東因地為姓故晉因多解氏焉補曰廣韻

唐叔虞食邑於解今解縣屬解州魏有解扁解張解揚解狐皆其族也漢



有解光解延年莫如言無有能如之者也漢有毛莫

如補曰功臣表有宣莫如王子侯表有柴恭侯莫如齊孝王後毛莫如風俗通姓氏篇漢有屯莫如

樂欣諧

樂氏亦再見也欣諧喜於和合也補曰爾雅欣樂也諧和也

童扶疏一作疎

顓頊許玉反之子號老童者其後因以為姓補曰史記高陽生稱

稱生卷章卷章生重黎世本云老童生重黎及吳回

融即重黎也漢有童扶疏言衆而盛多也補曰上林賦重條扶

疏燕王旦上疏曰支葉扶疏異姓不得間也說文扶疏回布也

痛無忌

痛氏本盛國之後實姬姓也周穆王嬖寵盛姬早死

穆王哀痛不已加禮葬之遂改其族謂之痛氏補曰廣韻

姓出苑無忌言無所避忌也古有僊人宋無忌補曰齊

無忌晉有韓無忌藥弗忌楚有費無忌傳曰无極魏公

子无忌魯有夏父弗忌仲孫何忌後漢有齊惠王无忌伏

向夷吾向式亮反音綱

向者國名本姜姓也其後以為氏補曰春秋莒人入

向又宋之向氏與宋同姓桓公生向父盼許乙反遂為

向氏向戌向儀向寧皆其後也補曰姓氏辨證向出自

子曰盼字向父其孫以王父字為氏夷吾欲效管仲

又衛有向禽秦有向壽後漢向栩

之名也

補曰晉惠公夷吾漢有楚太傅趙夷吾紀夷吾蘇夷吾後漢有謝夷吾

閔并訢

閔一作閔閔獲耕反并卑盈反訢古欣字

閔氏之先本周之閔人閔所以止扉今之門枳

反干結

是也職典其事遂為姓焉漢有閔孺

補曰閔人未詳閔氏周閔天之

後諸本及廣韻皆作閔史記倉公傳有閔都尉按爾雅街門謂之閔注左傳云盟諸僖閔所以止扉謂之

閔注門辟旁長板也左傳曰高其閉閔閔長枝即門

楨也左傳釋文爾雅本止扉之名或作閔字讀者因

改左傳皆作各音此篇亦後人所改顏注引爾雅閔

所以止扉又引漢有閔孺當為閔無疑廣韻閔姓漢

有閔

并訢言眾並訢喜也

補曰古今人表趙有荀訢漢有王訢嚴訢

竺諫朝

竺張六反俗作竺朝叶餘韻漢書敘傳昭叶符驕叶隅

竺氏本天竺國人也來歸於漢而稱竺氏天竺即身

毒也亦謂之捐毒漢有竺次者即其人焉

補曰廣韻後漢竺晏

本姓竹報怨有仇以胄始名賢不改其族乃加二字以存夷齊竹本姜姓封為孤竹君至伯夷叔齊之後以竹為氏後漢有竹曾後漢寶融傳酒泉太守竹曾云諫朝者言可備諍臣於

朝廷者也以朝韻吾者古有此音蓋相通也班固幽

通賦曰巨滔天而泯夏考遘愍以行謠終保已而貽

則里上仁之所廬類此甚多不可具載

遵工豆反補曰說文通釋

於文言束為諫束者分別也能分別善惡以陳於君也

### 續增紀

續氏晉大夫續簡伯之後也號狐鞫居以食續地更

為續氏

補曰廣韻舜七友有續牙古今人表續身呂氏春秋堯舜得續耳趙有續經漢功臣表有

如續相增紀言高年也補曰爾雅增益也左傳絳縣人  
壽

遺失餘遺音

遺氏本魯季氏家臣南遺之後也失餘言所失之餘

惟此一字一作也補曰廣韻遺姓引急就章一云增  
也紀謂增益紀載失餘謂缺失其餘

姓名訖

所陳堪為姓名也訖者其事畧究也補曰爾雅  
訖止也

請言物

次說雜物并一作眾品也補曰釋名曰書  
庶也紀庶物也

綿繡縵純離雲爵

縵莫半反純順倫反

綿織綵為文也

補曰說文錦襄邑織文也左傳重錦三十兩釋名錦金也作之用功重其

賦錦繡襄邑繡刺綵為文也

補曰蘇秦傳錦繡千純

說文繡五采備也

縵無文之帛也

補曰說文縵繒無文也漢律曰賜衣者縵表白裏太

文在內也

純謂刺也

補曰廣韻純刺也絹帛純起

一作純純絲也

離雲言為雲氣離合之狀也爵孔爵

也

補曰周書方人獻孔鳥春秋元命苞火离為孔雀漢南粵獻孔雀二雙

言織刺此象

以成錦繡繒帛之文也自離雲爵以下至鳧翁濯其

義皆同今時錦繡綾羅及氍毹毼毼之屬

氍毹巨于反

補曰聲類曰氍毹毛席也風俗通云織毛褥謂之氍毹

毼一作氍毹吐臘反毼音登埤蒼曰毛席也釋名

曰施之承大牀前小榻上登以上牀也廣韻牕音榻說文皆甌綵之屬摹寫諸物無不

畢備其來久矣一曰離謂長離也雲謂雲氣也長離

靈鳥名也

補曰思立賦注朱鳥郊祀歌長麗舊說曰鸞也麗音离

作長離雲氣

孔爵之狀也

乘風縣鐘華洞樂

縣音立一作懸洞一作墮音瀆樂叶音洛

乘風一名爰居一名雜縣蓋海鳥也言為乘風之狀

作龔虞以懸鐘又為華藻

一作藥

之形兼列眾樂之器

以成文章也洞猶通也言遍載其文綵也

龔息允反虞音巨補

曰潘岳西征賦洪鐘頓於殿廟乘風廢而弗縣注引急就章國語海鳥曰爰居止於魯東門之外是歲海多大風注云爰居之所避也吳都賦爰居避風注似鳳考工記梓人羽者為筍虞樂器所縣橫曰筍植曰

虞華如金支秀華洞如朱  
弦洞越洞蕭皆眾樂之象

### 豹首落莫兔雙鶴

豹首若今獸頭錦補曰獸虎也洞冥記落莫謂文綵

相連又為兔及雙鶴之形也補曰晉盧志賜鶴紋袍唐李德裕傳詔索繚綾

立鵝天馬盤條掬豹文彩怪鳥二枚曰雙補曰說文麗兔口有缺鶴似鵝長喙尾鳥一枚曰隻從又持佳

尾鳥一枚曰隻二佳曰雙

春草鷄翹鳧翁濯翹渠遙反鳥尾濯濯白鳥鶴鶴

春草象其初生纖麗之狀也鷄翹鷄尾之曲垂也補曰

漢輿服志鸞旗者編羽旄列繫幢旁民或謂之鷄翹非也說文翹尾長毛也鳧者水中之

鳥今所謂水鴨者也翁頸上毛也補曰漢郊祀歌赤鴈集六紛員殊翁



雜五采文注翁鴈頸也廣韻翁鳥頸毛 既為春草雞翹之狀又象鳧在

水中引濯其翁也一曰春草鷄翹鳧翁皆謂染彩而

色似之若今染家言鴈頭綠翠毛碧云

鬱金半見細白藪鬱於物反藪或作爚

白此已下皆言染繪之色也鬱金染黃也細淺黃也

半見言在黃白之間其色半出不全成也補曰周禮鬱人注鬱

金香草宜以和鬱本草十二葉為百 白藪謂白素之

精者其光藪藪然也黃氏曰藪音龠白縞也補曰禹貢厥篚玄纁縞說文白藪縞也

縹緗綠純阜紫硃縹敷沼反緗音戾

縹青白色也補曰廣韻青黃 緗蒼艾色也東海有草

其名曰蒺以染此色因名緌云

補曰爾雅蒺菀草注可以染紫一名蒺說

文蒺可染留黃通釋紫赤黃之間古詩流黃素百官表注蓋綠也草名出琅琊平昌縣似艾可染綠因以

為緌名廣韻或作綠音辰紫草青黃色也純即素之阜黑色補曰

爾雅黑謂之黝說文草斗徐鉉云今俗以此為艸木之艸別作阜字為黑色之阜今俗書阜或从白从十

或从白从七紫青赤也補曰紫問色孔子曰惡紫恐

皆無意義自魯桓公始管子云齊桓公好服紫衣齊人尚以

之五素易一紫蘇代曰齊紫敗素也而賈十倍石輾繪色尤光澤也輾女展反黃氏曰扞繪石也補

石

烝栗絹紺縉紅然

絹吉椽反紺古暗反縉子燼反燃而延反音然

烝栗黃色若烝孰之栗也

補曰文選注王逸正部論或問王符曰黃如蒸栗

絹生白縉似縑而疏者也

補曰周禮內司服注素沙者今之白縛也縛音絹聲

類以爲今作絹字說文

一名鮮支

補曰廣雅鮮支絹也子虛賦注縑鮮

支也今

所謂素紺青而赤色也

補曰說文紺深青揚赤色論語君子不以紺緌飾

縉

淺赤色也

補曰說文縉帛赤色也禮有縉緣

紅色赤而白也

補曰紅

雅一染謂之

練今之紅也燃者紅色之尤深言若火之然也

黃氏

勞貌補曰說文絲勞也

青綺綾縠靡潤鮮

綾一作羅綺去倚反綾音凌縠胡谷反

青青色也綺卽今之縉

補曰爾雅青謂之蔥禹貢織文錦綺之屬說文綺文縉也

漢敘傳綺襦注綺今細

綾也魏都賦羅綺朝歌

補曰方

帛之細者曰綾廣韻綾純

縠今梁州白縠

補曰縠訪絲而

織之楊子霧縠之組麗郊祀歌注  
言輕細若雲霧釋名云縠綺也  
靡潤輕浹也浹反

補曰方言秦晉曰靡細好也  
鮮發明也言此縠既有文綵而又鮮

潤也補曰潤謂筒中細布也司馬相如凡將篇曰黃  
潤纖美宜制禪楊雄蜀都賦曰筒中黃潤一端

金數

緋絡縑練素帛蟬緋音帝徒奚反

緋厚縑之滑澤者也重三斤五兩今謂之平紬補曰

傳緋袍注蓋今之紬也說文紬大  
絲縑也緋厚縑也文帝身衣弋緋  
絡即今之生縑始

反又式支也一曰今之綿紬是也補曰說文縑粗緒

廣韻經縑之言兼也并絲而織甚緻密也緻馳二反

補曰說文縑并絲縑也鹽鉄論齊陶之縑魏都  
賦縑縑清河外戚傳作縑單衣注即今之縑  
練者

煮縑而熟之也補曰說文練凍練也明德馬后常衣大練注大帛也考工記幌氏凍絲練

帛漢輿服志重縑厚練浣已復御廣韻白練素謂絹之精白者即所用寫

書之素也補曰小爾雅縑之精者曰縑縑之麤者曰素說文素白綴縑也劉向典校書籍先書

竹可繕寫者以上素古詩中有尺素書帛總言諸縑也補曰周禮注帛如今壁色縑也

蟬謂縑之輕薄者若蟬翼也一曰縑已練者呼為素

白若今言白練者也補曰張說云輕縑素練

絳緹絳紬絲絮綿緹音題又音體絳胡卦反紬音傳

絳赤色也古謂之纁音勳許云反補曰束帛立三纁二立三法天纁二法地考工記

三入為纁爾雅三染謂之纁說文絳大赤纁淺絳緹黃赤色也黃氏曰緹纁也古兵服之

遺色補曰周禮注今亭長著絳衣今時伍伯緹衣說文緹帛丹黃色抽引麤繭緒紡而

織之曰紬紬之尤麤者曰絳繭滓所抽也

滓則仕反董氏曰絳

音畫絲結也補曰說文絳繭滓絳頭也

抽引精繭出緒者曰絲

補曰說文緒絳

也崇漬繭擘之精者為綿麤者為絮今則謂新者為綿

故者為絮古亦謂綿為續續字或作統

並音曠漬材賜反擘布麥

反補曰禮記注續今之新綿也緼今續及舊絮也禹貢續續細綿也說文絮敝綿也續絮也春秋傳曰皆

如挾續莊子泝泝統小爾雅絮細者謂之統魏都賦綿續房子

帀敝囊橐不直錢

帀皮鄙反又并止反音圯敝一作弊橐他洛反

帀者際殘之帛也

際音雪黃氏曰帀際裂也補曰說文際殘帛也先列反又所例反

敝敗衣也

補曰論語衣敝緼袍敝壞也一作幣幣帛

有底曰囊無底曰橐

言帀帛及敝敗囊橐無所堪任賣之不售也

售上救反補曰

詩于橐于囊注小曰橐大曰囊正義左傳箠食實諸橐是其小也公羊傳公子陽生盛之巨囊是其大也漢灌夫曰平生毀程不識不直一錢

服瑣綸帶與繪連

綸大侯反帶子移反繪疾陵反

服瑣細布織為連瑣之文也

補曰說文瑣玉聲左思詩嬌語若連瑣

綸

帶緡布之尤精者也

緡先狄反黃氏曰綸音投布名帶音貲布名補曰說文綸貲布

也緡細布也郊祀歌曳阿錫注阿細緡錫細布也淮南子弱緡羅純唐地理志泗州楚淦黃萊密州貢貲

布夔州貢錫布言此二種雖曰布類其質精好與繪相連次

也繪者帛之總名謂以絲織者也

補曰說文繪帛也

賁貸賣買販肆便

賁音世式制反又傷夜反貸他代反販方萬反便平聲房連反

賁賒也

賒音奢補曰說文賁貨也高帝紀賁酒注賒也賁御書作賁吐得反陳湯傳句賁無節賁

從人求物也貨殖傳貨子補曰孟嘗君貨貸假與也錢於薛說文貸

施也春秋傳陳氏厚貸焉一云出去出曰賣入曰買日賣取入

日買補曰賤買而貴賣之曰販肆謂坐市行列也行

賣街也郎反補曰荀子曰賈分貨而販鼂錯曰商賈小者坐

列販貨注行賣曰商坐販曰賈列者若今市中賣物

也言販賣及買皆因市肆以獲便宜也補曰古史考

資貨市贏匹幅全輶方六反

市亦買也言以資財賄貨市取贏餘之物補曰漢志

金刀龜貝神農日中為市致天下之民聚天下之貨

說文通釋資人所齎持也可以交易曰貨貨化也贏

有餘賈利也左傳賈多積布帛匹幅皆全無虧損也

而欲贏而惡蹠乎



四丈曰匹兩邊具曰幅補曰禮記束五兩注今謂之匹猶匹偶之云左傳幣錦二

兩注二丈為一端二端為一兩所謂匹也周禮注五兩十端也每端二丈純謂幅廣制謂匹長王制幅廣

狹不中量不窮於市儀禮注今官布幅廣二尺二寸疏云緡幅二尺四寸幅廣也食貨志云布帛廣二尺

二寸為幅長四丈為匹左傳如布帛之幅方言度廣為尋有幅廣為充

綌音佗泉縵裏約纏綌一作綌去逆反一綌紵紛反裏音果

綌謂葛之麤者補曰詩葛覃為絺為縵葛也綌粗葛也禹貢

卉服注草葛越 紵織紵為布及疏之屬也疏亦作練補曰

疏曰紵禹貢豫州貢紵高帝紀賈人母得衣錦繡綺

穀縹紵屬說文紵縹屬縹去穎反細者為絳粗者為

紵漢蘇王閩侯遺江都王莖葛注莖細布本作絳詩

可以漚紵左傳子產獻紵衣晉樂志白紵舞紵本吳

地所 泉麤麻也補曰內則女子執麻泉說文泉麻有

縵補曰說文京著也論語衣敝縵袍著竹曰反約猶

束縛也補曰說文裏纏也約纏束言貧乏之人無好

綿帛但以此物自苞裏纏束為衣被也

綸組綸古頑反又音倫組音祖逆綬以高遷逆音宜執反綬音受

綸綸一無青絲綬也補曰爾雅注綸今有秩嗇夫所

繩禮記注綸今有秩嗇夫所佩也仲長統傳身無半

通青綸之命續漢輿服志百石青紺綸采宛轉繆

織長丈二尺楊組亦綬類也其小者以為冠說文

補曰周禮典絲受文織絲組禹貢荊州厥篚組戰國

策衛君束組三百緄漢淮南王安書方寸之印丈二

之組注組者印之綬景帝詔纂組逆者綬之系也言

其迎逆綬也黃氏曰繼古佩璫也補曰說文繼綬維

寸與綬同采而首半之綬者古佩璫也佩綬相迎受  
 故曰綬自黑綬以上一綬皆長三尺翟義傳赤鞞綬  
 注謂逆受之也一綬者受也所以承受環印也亦謂  
 作綬它丁反系綬者受也所以承受環印也亦謂  
 之綬補曰禮記注綬者所以貫佩玉相承受也爾雅  
 鞞佩留其係璫以為章表故詩曰鞞鞞佩璫鞞佩既  
 廢秦乃以采組連結於璫光明章表轉相結受故謂  
 之綬漢承秦制用而弗改加以雙印佩刀之飾明帝  
 為大佩衝牙自諸侯王蓋綬而下有紫綬青綬墨綬  
 黃綬以別秩命之高卑紆青花紫謂公卿之綬也朱  
 浮言綬工李涉笏六家所織綬不能具丙丁文能如  
 組狀募能為丙丁文謹圖畫一綬丙丁制度應劭漢  
 官曰綬長二尺法十二月廣三尺三尺法天地人  
 秩命不同則綵質各異故云以高遷補曰廣韻遷去

遷于喬木

量丈尺寸斤兩銓

銓稱也言量布帛者則計其丈尺及寸稱絲綿者則

數其斤兩補曰說文銓衡也稱銓也十分為寸十寸

十六兩為斤說文周制寸尺咫尋常勿諸度量皆以人之體為法

取受付予相因緣予音與取一作所

言以相付及受取領納皆緣丈尺斤兩以定其數故

得分明無虧失也予相授予也補曰付與也

稻黍稷稷粟麻稭稷音述稭一作稷稭古行反叶古郎反詩大東庚叶箱

稻者有芒之穀總名也亦呼為稌音杜他戶反補曰詩集傳稻即今南

方所食稻米水生而色白說文浦國謂稻為稷徐鍇曰稷儒也許慎謂稷為稌稻為稷今則同之爾雅徐

齊則稻是糯論語食夫稻則稻是稌周官有稻人漢

亦置稻稌音祭補曰黍田使者黍似稌而黏可以為酒者也稌音祭補曰黍苗似蘆高丈餘  
 穗黑色實圓重說文黍禾屬而黏也從大暑而種故謂黍孔子曰黍可以為酒禾入水也月令仲夏登黍  
 蔡邕以為秫似粟而黏亦可為酒補曰說文秫稷之今蟬鳴黍黏者汜勝之云三  
 月種秫稻四月種秫音谷補曰稷五穀之長也徐鍇曰稷即稌一名黍梁  
 稻字林云糯黏稻也稷粟一種但二名耳亦謂之黍即粟之麤者爾雅黍稷注今江東人呼粟為黍稷又  
 名為稌似黍而小呂氏春秋飯之美者有陽山之稌說文糜稌也廣雅黍稌也音牽穆天子傳赤烏之人  
 獻稌百載梁今粟類古不以粟為穀名但米之有子殼者皆稱粟今人以穀之細而圓者為粟內則飯黃  
 梁粟食之美者故稱膏粱黃粱出蜀漢兩浙間亦種之號竹根黃麻謂大麻及胡麻  
 也補曰麻有苴稟二種苴麻有蕒者蕒實也爾雅麇也稟實說文苴麻母也月令仲秋以犬嘗麻幽風九  
 月叔苴胡麻亦有實木生大宛或曰莖圓名胡麻莖方名巨勝陶隱居言八穀胡麻最為良以其胡物而

細故別謂中國之麻為大麻苴七餘反 稭謂稻之不黏者以別於稷也

稷乃貨反補曰說文稭稻屬或作稷周禮注稭稷也 牛宜稭則稭是稭豐年多黍多稭為酒為醴則稭是

稷 稭字或作稷

餅餌麥飯甘豆羹羹叶音郎盧當反一云力當反見魯頌楚辭叶房漿

搜麪而蒸熟之則為餅餅之言并也相合并也補曰說文

餅餅資也麥末謂之麪周禮注養謂乾餅餅之也合 蒸曰餅餅解之曰資熬麥曰麪崔實四民月令立秋無

食煮餅及水搜餅方言餅謂之餈或謂之餈餈音長渾束哲有餅賦搜山九反 搜米而蒸之

則為餌餌之言而也相黏而也餌而志反補曰楚辭

餌謂之餈或謂之柔或謂之餈周禮差邊之實糗餌注擣粉熬大豆為餅 麥飯磨麥合皮

而炊之也補曰說文麥芒穀也麩麩麥也陳楚之間 相調食麥飯曰糗非尾反楚人曰餈在各

反秦人曰饑饉 烏困五困反 甘豆羹以泔米泔和小豆而煮之也

一曰以小豆為羹不以醯酢其味純甘故曰甘豆羹

也 泔音桃泔音甘 補曰廣雅大豆菽也 小豆荅也為羹所調啜菽也 麥飯豆羹皆野

人農夫之食耳 補曰說文鬻五味和羹小篆從

葵韭蔥薤蓼蘇葢 一 薤 戶界反 作薤

葵衛足之菜傾葉而蔽日者也 補曰詩七月亨葵藿

夏及國公儀休拔葵不欲奪園夫 韭之言久也 一種

久生 補曰夏小正曰正月園有韭 詩四之日獻羔 祭韭謂二月 韭曰豐本廣雅韭其華謂之菁 葱

青白雜色之名也 補曰爾雅青謂之蔥木白而未青 曲禮蔥涑處未內則膾春用蔥秋

用芥豚春用韭秋 薤一名鴻薹 音會補曰薤葷菜 蓼脂用葱膏用薤 葉似韭而無實少

儀為君子擇葱薤則絕其本末漢龔遂守渤海  
令民口種百本薤五十本葱一畦非薤曰菜之  
藜有

數種葉長銳而薄生於水中者曰水藜葉圓而厚生

於澤中者曰澤藜一名虞藜亦謂之藜而許叔重云

藜亦名藜虞非也

藜音嗇補曰淮南子藜菜成行說文辛菜爾雅藜虞藜注曰澤藜也

藜者妨稼之草詩曰以婦茶藜然於調和有內則云鶉羹鷄羹鴛鴦醜之藜尹都尉書有種葵藜韭葱篇

蘇一名桂荏

補曰蘇葉下紫色而香俗呼為紫蘇南都賦曰蘇蘇葉拂微羶腥內則

江香蘇荏之屬也蘇味辛而形類荏有數種白蘇水蘇魚蘇一名鷄蘇方言蘇亦荏也周鄭謂之公蕒沉

湘謂之善音轄其小者謂之菜說文通釋荏白蘇也荏荏紫蘇也 薑禦涇菜也辛而

不葷故齊者不撤焉

說文作薑葷虎渾反一云許云反補曰論語不撤薑食孝經援

神契撤薑禦涇呂氏春秋和之美者陽樸之薑禮記燕食三十一物終於薑荏上林賦此薑注以為子薑



本草薑久服通神明  
貨殖傳千畦薑韭

蕪荑鹽豉醢酢醬

醬叶音漿酢七故反  
作醢醬漿

蕪荑無姑之實也無姑一名棒榆生於山中其莢圓

厚剝取樹皮合漬而乾之成其辛味也爾雅曰無姑

其實夷故謂之蕪荑也

棒音姑山榆也補曰爾雅无  
姑其實夷注姑榆也剝取皮

合漬之其味辛香所謂无夷說文梗根杏反山粉榆  
有束者刺莢可為蕪荑本草榆類而差小其寔亦早

成今人多取作屑以筆五味崔寔四  
民月令曰榆莢成者收乾以為旨畜鹽生於鹹水者

也古者夙沙氏初煮海為鹽其後又出河東大鹵臨

邛火井焉今則處處有之矣

補曰夙沙說文作宿沙  
魯連子云宿沙瞿子善

煮鹽周禮鹽人苦鹽不棟治散鹽膏水為鹽形鹽似  
虎形飴鹽活者今戎鹽左傳郇瑕氏之地沃饒而近

鹽音古注狗氏縣鹽池是春秋大鹵原也漢太原晉陽有鹽官地理志河東安邑鹽池在西南續志蜀郡

臨邛有火井取井火煮井水一斛得四五斗鹽漢志鹽食肴之將豉者幽豆而為之

也補曰說文枝是義反配鹽幽未也俗豉醃酢亦一

物二名也補曰內則和用醃注漿酢音載說文酢

晏子曰醃醃鹽梅以烹魚肉楚辭和酸醬以豆合麵若苦陳吳羹又曰吳酸蒿蕪不沽薄

而為之也以肉曰醃以骨曰醢醃音海醬音泥又若犂反醬之為

言將也食之有醬如軍之須將取其率領進導之也

補曰論語不得其醬不食曲禮醃醬處內注近醃醬者食之主周禮醬齊眠秋時醬宜涼內則芥醬醃醬

南粵食唐家蜀狗醬弟子職置醬醋一作漿補曰酒

食陳膳母恃載在醬前左酒右醬二曰漿注今之藏漿也齊民要術有酢漿黃菜為菹說文漿酢漿也廣韻載醋也

芸蒜薺芥菜莢香

蒜蘇判反  
薺齊禮反

芸卽今芸蒿也生熟皆可啗

補曰葉似邪蒿香美可食月令仲冬芸始生夏

小正云正月采芸說文似日宿香

蒜大小蒜也皆辛

而葷

補曰說文葷菜爾雅蒿山蒜本草注小蒜野生小者一名蒿大蒜為葫廣韻云張騫使西域得

大蒜胡荽以自胡中來故名胡蒜字書

薺甘菜也其

實名薺

才何反又音嗟補曰本草薺味甘人取其葉作菹及羹亦佳詩其甘如薺

芥亦有

大小二種

補曰內則芥醬芥辛菜方言蕪菁趙魏之郊謂之大芥其小者謂之辛芥或謂幽芥

菜莢似楸而大食者貴其馨烈故云菜莢香也

殺補音

日說文漢律會稽獻蕪一斗煎菜莢內則曰三牲用菽楚辭注楸菜莢也爾雅注楸似菜莢而小赤色賀

氏云今蜀郡九月九日取菜莢折其枝連其實廣長四五寸一升實可和十升膏名之菽西京雜記漢武

帝言人九月九日佩茱萸說文香芳也從季從甘春秋傳曰黍稷馨香

老菁藟荷冬日藏

菁音精藟音穰

菁蔓菁也一曰冥菁亦曰蕪菁又曰芴菁

蔓音萬又莫干反蕪

音無芴音勿補曰周禮菁菹注蔓菁也呂氏春秋菜

之美者具區之菁詩采葑無以下體注葑須也箋云

蔓菁之類上下可食陸機云葑蕪菁也幽州人謂之

芥郭璞云今菘菜也案江南有菘江北有蔓菁相似

而異爰采葑矣箋蔓菁字書作蕪孚容反方言蕪蕪

蕪菁也陳楚之郊謂之蕪魯齊之郊謂之蕪關之東

西謂之蕪菁其紫華者謂之蘆菹注江東名為溫菘

廣韻蕪蕪菁苗蕪音豐張文潛詩蕪菁至南皆變菘

爾雅翼云蔓菁春食苗夏食心秋冬食根漢永興中

令災傷郡國皆種蔓菁以助民食劉備閉戶將人種

蔓菁諸葛亮所止令軍士種之今呼為諸葛菜蔓菁

根葉及子是菘類與蘆菹全別或以老菁冬藏為非

花說文菁菁華也

菁華也菁菁一名葑苴苴音各反葑葉似薑其根

香而脆可以為菹又辟蠱毒

補曰說文一名菹菹菹音福古今注紫者曰菹

菹白者曰蕘荷解毒用蕘荷史司馬相如賦傳且注

蕘荷也蕘苴根旁生笋可以為苴廣成頌注蕘荷蒲

似薑根色紅紫似芙蓉可食本草云葉似初生甘蔗

根似薑牙性好陰在木下生者尤美中盛者服其汁

臥其葉即呼蠱主姓名圖經引周禮庶氏以嘉草除

蠱毒楚辭膾苴蕘蓋切以為香也柳子厚有種白蕘

荷言秋種蔓菁至冬則老而成就又收蕘荷並蓄藏

之以禦冬也

補曰詩谷風我有旨蓄箋云蓄聚美菜亦以御冬南都賦秋韭冬菁

梨柿柰桃待露霜

柿音侯柰奴帶反

言此四果皆得霜露之氣乃能成熟夏則待露秋則

待霜故總云待露霜也梨一名山檮

音商秋一作秋冬補曰梨果之

適口者三素記御宿有大梨柿赤實果也內則庶羞有柿桃梨上林賦枇杷燃柿廣志曰柰有青赤白三

種夏小正六月煮桃  
詩園有桃其實之殺

棗杏瓜棣餼飴錫錫叶音唐餼思但反飴以

因說眾果遂及口實也補曰棗爾雅有十一名郭氏得九焉詩八月剝棗聘禮其實棗蒸栗擇考工記棗棠十三列蘇秦說燕曰北有

見杏內則庶羞有棗瓜杏瓜詩云疆棣常棣也其子

場有瓜七月食瓜夏小正五月乃瓜

熟時正赤色可啗俗呼為山櫻桃隴西人謂之棣子

棣音吐計反補曰爾雅常棣棣注今山中有棣樹子如櫻桃可食唐棣移注似白楊江東呼夫移常棣與

唐棣異 餼之言散也熬稻米飯使發散也古謂之張皇

亦目其開張而大也補曰說文餼熬稻稭也楚辭有餼餼音張皇注錫也以葉熬

米為之亦謂之飴此其乾者廣韻餼餼飯亦作微方言錫謂之餼蝗注乾飴 以藁消米取

汁而煎之漚弱者為飴言其形怡怡然也厚强者為

錫錫之為言洋也取其洋洋然也強其兩反洋音祥補曰說文飴米菓

煎也錫飴和饊者也糖飴也太玄云干子丘飴方言飴謂之餒錫謂之饒注江東皆言饒後漢野王歲獻

甘醪膏錫淮南子柳下惠見飴曰可以養老說文藥牙米也藥魚列反

園菜果菰助米糧菰郎果反

木實曰果草實曰菰言園圃種菜及殖果菰貧者食

之以免饑饉故云助米糧也補曰爾雅菜謂之藪小爾雅菜謂之蔬說文在

木曰果在地曰菰又張晏云有核曰果無核曰菰應劭云木實曰果草實曰菰周禮注果棗李之屬菰瓜

屬

甘藟殊美奏諸君藟丘舉反又丘據反其一作白

甘麩者煮麥為甘粥也麩之言齶也謂齶爛也一日

麩者糗也音丘反麩糗聲相近實一物也今人通以熬

米麥為之麩音昌繞反又尺沼反一作甘麩者以蜜

和糗故其味甘也齶丘羽反黃氏曰麩麥粥汁補曰

飯也說文云麥甘鬻也奏進也言此殊絕甘美之食宜進之於

君上補曰食之美欲以獻君

袍襦表裏曲領幫幫音羣

長衣曰袍下至足附方于反補曰淮南子伯余初作

明謂之袍廣雅云襄明長襦也詩與子同袍注袍繭

也疏玉藻云績為繭縕為袍純著新綿名為繭雜用

舊絮名短衣曰襦自膝以上一日短而施要一遙者

為袍



襦補曰周禮注衣有襦裳者為端方言襜謂之襦復

袂襦江湘之間謂之襜或謂之箭襦掩於劔反襦即

字衣外曰表內曰裏補曰說文古者衣裘故從毛為

之詩綠衣黃裏賈誼傳表論語當暑衫絺綌必表而出

白穀之表薄純之裏著曲領者所以禁中衣之領

恐其上擁頸也其狀闊大而曲因以名云黃氏曰曲

補曰士昏禮注刺繡為領如今偃領深衣篇曲袷如

矩以應方注古者方領如今小兒衣領廣川王去傳

刺方領繡爾雅衣背謂幫即裳也一名帔一名襪

之襟注交領著竹畧反披襪音碑補曰方言繞衿謂之幫注江東通言下裳

陳魏之間謂之帔自關而東或謂之襪萬石君傳中

幫注若今言中衣說文幫下裳也弘農謂幫

帔也帔披義反釋名幫羣也連接幫幅也

襜褕襜褕音習一作

襜褕襜褕音習一作

襜褕直裾禪衣也禪多安反謂之襜褕者取其襜褕而寬

裕也補曰漢何並傳注曲裾禪衣也小爾雅襜褕謂之童容注亦云蔽膝方言襜褕江淮南楚謂之

襜褕自關而西謂之襜褕武安侯衣襜褕人衣裳施

裏曰袷黃氏曰袷音夾衣無絮也補曰廣韻複衣句

褚之以綿曰複褚丁呂反裝衣補曰南粵傳上褚五

注若今大襦褶謂重反衣之最在上者也其形若袍短

身而廣袖一曰左衽人禁反之袍也黃氏曰褶音習袴

也玉藻帛為褶注有表而無著袴謂脛胡定反衣也大

者謂之倒頓小者謂之絞了音了力鳥反又功巧反了

今襜褕也袴之兩股曰襠徐龍反又丈勇反補曰方言音皎了一作袴說文作袴朱博傳

裏衣大裙注裙袴也方言袴齊魯之間謂之襜或謂之襜關西謂之袴小爾雅袴謂之褰左傳徵蹇與襦  
注褰袴也無襦之袴謂合襠謂之禪最親身者也補曰  
漢外戚傳窮袴注即今之視襠袴廣韻禪褻衣司馬相如著犢鼻禪注即今之粉也姚合戚云醫書膝上  
二寸為犢鼻穴言  
種之長財至此

禪衣蔽膝布毋縛

禪音單縛或作尊祖昆反

禪衣似深衣而裏大亦以其無裏故呼為禪衣

補曰詩衣

錦褻衣褻禪也禪為綱說文禪衣不重今俗皆借單字漢書蓋寬饒斷其禪衣江充衣紗縠禪衣馬援都布單衣陸閔越布單衣方言禪衣江淮南楚之間謂之襜關之東西謂之禪袴續謂之禪今呼謂涼衣覆  
碎謂之蔽膝者於衣裳上著之以蔽前也一名鞞又

曰鞞亦謂之幘

著竹畧反鞞音弗鞞音畢幘昌占反補曰詩赤芾在股箋云芾太古蔽膝

之象也冕服謂之芾其他謂之鞞以韋為之其制上  
 廣一尺下廣二尺長三尺其頸五寸肩革帶博二寸  
 疏云易乾鑿度注古者田漁而食因衣其皮先知蔽  
 前後知蔽後後王易之以布帛而猶存其蔽前者重  
 古道不忘本方言蔽鄆江淮之間謂之禕或謂之袂  
 魏宋南楚之間謂之大巾自關東西謂之蔽鄆齊魯  
 之郊謂之袞襦西南蜀漢謂之曲領或謂之襦禕陳  
 楚江淮之間謂之鞞說文鞞也爾雅衣蔽前謂之襜  
 鞞之言蔽也象裳色鞞亦蔽也爾雅衣蔽前謂之襜  
 注襜蔽膝也雜記神婦人蔽膝小爾雅蔽膝謂之神  
 布母縛者葢貉女子以布為脛空用絮補核狀如襜

褕葢貉者東北之夷也說者或云母縛布名非也音葢

穢貉音陌黃氏曰江東謂鷓鴣為布母布母縛小衣也猶犢鼻耳補曰方言注鷓鴣江東呼布母說文葢貉中女子無袴以帛為脛空用絮補核名曰縛衣廣韻穢貉夫餘國名

鍼縷補縫綻紕緣鍼一作箴之林反縫符容反紕持栗反音秩綻文莧反一作袒緣悅絹反

叶音循鮑明遠東武吟怨字叶軒一作循

鍼所以縫衣也補曰內則箴管縷線也修破謂之補

縫解謂之綻納一作刺謂之紕綻一作袒補曰爾雅

縫以鍼紕衣也袒文見反補縫也說文廣韻袒衣縫

解又作綻綻補完衣也崔實政論補綻決壞注綻直

莫反禮記衣裳綻裂紕純邊謂之緣純曰爾雅緣謂

之純澹衣篇純袂緣純邊廣各寸半注緣緡也

儀禮注飾衣領袂口曰純裳邊側曰繹下曰緡

履舄鞞衰絨緞紉鞞音踏他匣反衰一作衰音壁絨于

單底謂之履或以絲爲之復底而有木者謂之舄補

履也黃氏曰鞞革履也補曰楊雄長楊賦聖文革鞞

不穿鄭崇曳革履說文鞞革生鞞也今俗作鞋

哀謂鞞之深大者也黃氏本作鞞注曰鞞衣也革中

徐鉉曰衣褻積如辨也子虛賦註絨織絲為之一名

車馬飾即今之織成也黃氏曰絨紵布補曰說文絨

夫論葛子升越緞履跟音根之帖也絨緞以絨為緞也黃氏曰

補曰緞廣韻作鞞履跟後帖亦作鞞音紉緣履之圓

條也賈誼諫曰今人賣僮僕者為之繡衣絲履徧諸

緣又曰美者繡繡庶人之妾以緣其履是則古之履

飾通用紉之屬也二曰紉者屬五綵而為之若今之

刺繡鞞矣黃氏曰紉環綵條也補曰禮記組紉注紉

條又紉以五綵注紉施諸縫中若今時條

也周禮注純緣也偏諸若今之織成荀子紉履之士注紉條也偏麻為之麓繩之履也又麓紉之履注云麻履說文云紉圓采也

鞞 鞞印角褐鞞巾

鞞速沓反鞞的齊反印顏當反鞞勿發反从韋俗作鞞非是

鞞一作鞞謂韋履頭淡而兌平底者也今俗呼謂之跣

子補曰孰曰韋生曰革說文鞞小兒履也廣韻或作鞞音堀又先合反跣先典反鞞薄革小

履也黃氏曰鞞鞞革履楊雄方言履禪者謂之鞞粗者謂之履他回反補曰周禮鞞鞞氏注鞞鞞四

夷舞者所屣也今時倡蹋鼓沓行者自有屣屣讀履說文鞞革履也徐錯曰鞞亦履今胡人履連脛謂之

絡鞞儀禮疏無絢謂之鞞履印角屐上施也形若今之木履而下

有齒焉欲其下不蹶音厥當印其角舉足乃行因為名

也黃氏曰方言東北謂之印角印履頭也下邳謂漆履有齒者曰鞞角補曰說文鞞角鞞屬方言東北

朝鮮洌水之間謂之鞞伯徐土邳圻之間大麓曷織  
謂之鞞角注今漆履有齒者廣韻鞞履頭音印

毛爲衣也或曰麤衣也補曰詩無衣無褐孟子云許

也說文褐編臬鞮一曰粗衣荀子豎褐不完注僅豎  
之褐史記索隱謂褐衣而豎裁之省而便事漢貨殖

傳短褐注短布長襦也音豎褐鞮足衣也一曰褐謂

編臬衣也貢禹傳注毛布衣鞮足衣也一曰褐謂  
編臬爲鞮也補曰韓子文王鞮係解因自結左傳褚

之與王生結鞮巾者一幅之巾所以裹頭也一曰裹足之巾

若今人裹足布也補曰周遷輿服雜事巾以葛爲之

謹也二十成人土冠庶人巾說文幘一幅巾也後漢  
符融幅巾奮裹幅巾以一幅爲之郭林宗巾一角

列子北國之人鞞巾而裘方言絡頭帕頭也河北曰  
幘頭古詩少年見羅敷脫巾著幘頭向柳周黨著綃

頭綃當作幘七消反儀禮注如今著幘頭目項交額  
繞髻詩邪幅在下如今行滕邪纏於足左傳幅舄幅



若今行  
滕音逼

裳韋不借為牧人

韋一作幃

韋柔皮也裳韋以韋為裳也

補曰考工記攻皮之工有韋氏左傳裳下之飾

也賈山云布衣韋帶之士一作幃國語注裳正幅曰幃

不借者小屨也以麻為

之其賤易得人各自有不須假借因為名也言著韋

裳及不借者卑賤之服便易於事宜以牧牛羊也

並易

弋鼓反著竹畧反便頻綿反黃氏曰方言草作者謂之履麻作者謂之不借補曰古今注不借草履也漢文帝履不借視朝儀禮注繩菲今時不借也疏云周時人謂之屨子夏時人謂之菲漢時謂之不借漢卜式布衣中躡而牧羊詩牧人乃夢

完堅耐事踰比倫

耐乃代反

耐堪任也

補曰耐忍也禮運注耐古能字最錯傳其性能寒能讀曰耐

比例也倫

類也言著此衣履屨者必須完全堅韌堪任事務經

歷長久乃得踰於等類不破壞也

韌音刃補曰禮記深衣篇云完且弗

費

屨屨繫羸羸窶貧

屨居勺反繫方孔反窶其羽反素羸一作蕉平表反窶其羽反

屨者以木為之而施兩齒所以踐泥

補曰爰盜傳屨步行七十里莊

子云墨者以跋蹻為服注麻曰屨木曰屨屨與屨即

今之鞋也

補曰史記虞卿蹻屨人圓頭男子方頭

屬也亦繫圓頭掩上之履也

補曰說之紉象履也廣韻繫小兒皮履音恭又

巴講羸者麻象雜履之名也南楚江淮之間通謂之

羸黃本作羸補曰說文羸艸履也村呼反苞南陽以

羸為羸履方言屏屨羸履也徐衮之郊謂之屏南楚

注凶服苞蔗也白表反草名履羸困弱也窶無禮者

一作也補曰詩釋文謂貧無財者也言羸窶其人無

有華飾也補曰說文羸瘦也羊瘦則羸國語周固羸

且貧說文貧國也漢賈山曰諸儒生多窶人子詩終窶

旃裘鞞鞞蠻夷民旃一作鞞鞞先

鞞鞞胡履之缺前雍者也黃氏曰音索鞞胡履也補

也鞞履言蠻夷之人唯以氈為裘而足著鞞鞞也今西

羌其服尚然補曰匈奴傳補旃裘旃與氈同說文氈

裘皮衣說文南方蠻從虫東夷從大大人也書九夷八蠻

去俗歸義來附親

去其本俗歸於德義附化而親近也補曰董仲舒曰殊方萬里說德

歸義

譯導贊拜稱妾臣

譯傳言也導引也贊見也始來歸義言語未通故須

傳譯導引進見而拜依臣妾之禮也一日贊助也謂

譯導者佐助之也補曰杜篤通邊論親錄譯導緩步四來國語注舌人能達異方之志

象胥之官也太史公曰海外殊俗重譯歛塞周禮有象胥傳四夷之言王制東方曰寄南方曰象西方曰

狄鞮北方曰譯說文譯傳四夷之語者漢百官表有九譯令匈奴傳呼韓邪朝天子於甘泉宮贊謁稱臣

而不名男曰臣女曰妾

急就篇卷二

新繇鄧  
質校字



急就篇卷第三

顏氏注

浚儀王應麟伯厚甫補注

戎伯總關什伍鄰

總一作惣伯一作貉莫白反鄰一作陳

戎謂編士卒之列也百人為伯則置長

竹丈反

以總統

閱視之也五人為伍二伍為什五家為鄰又依此法

各有部署安居服役皆遵制令無乖刺

來葛反

也篇本

伯字或作貉貉即上歲貉之類者也言戎貉者廣說

四夷也

補曰周書大聚篇五戶為伍以首為長十夫為什以年為長周禮官正會其什伍說文通

釋五人相雜謂之伍十人相雜謂之什百人相雜謂之伯古今注五人曰伍五長曰伯故稱伍伯一曰戶

伯漢制兵吏五人一戶一竈置一伯韓延壽為東郡太守置正伍長總合也總字同老子曰有什伯之器

漢有尺籍伍符管子曰善攻民者輔之以什司之以伍李本十人為什葳貉貉漢書作穢貉北方曰貉說文東方貉鄰一作陳謂陳列其什伍也詩云左右陳行

**稟食縣官帶金銀**  
稟筆錦反讀曰廩 一作廩食音飼

**稟食縣官官給其食也帶金銀者或得封侯或受職**

**任皆佩印也**  
補曰稟賜穀也漢書縣官謂天子也史平準書衣食仰給縣官索隱云夏家王

畿內名縣內即國都也王者官天下故曰縣官西域傳稟食注稟給也讀曰廩貢禹傳云廩食大官百官

表金印紫綬銀印青綬爾雅黃金謂之盪白金謂之銀

**鐵鈇鑽錐釜鍍鍪**  
鈇音膚方符反鑽借官反錐職追反 一作鏗鍪音富分副反一音腹鍪音

牟莫浮反鍪叶音毛楚辭大招悠叶寥九章流叶昭

**因說金銀遂陳用器也鐵鈇以鐵為莖刃也一曰以**



鐵爲椹也

椹竹林反補曰周禮注莖謂劔夾人所握齊人言鉄椹說文鐵黑金也鉄莖斫刀也

錐所以刺入也鑽所以穿通也

補曰說文錐銳也平原君曰說文錐之處囊

中其未立見鑽所以穿也又子算反方言鑽謂之端錐謂之銘考工記函人眠其鑽空太玄凡鑽于內

釜所以炊煮也大者曰釜小者曰鍑北燕朝鮮泃水

之間謂之鍑

泃音列鍑他典反方言音隲黃氏曰鍑釜而大口者補曰方言釜自關而西或

謂之釜或謂之鍑注鍑亦釜之總名江淮陳楚之間謂之鍑或謂之鍑吳揚之間謂之鬲音厯匈奴傳多

齋輔鍑鬲古釜字廣韻鍑或作鍑鍑小釜 釜似釜而反脣一曰釜者小釜

類卽今所謂鍋

工禾反也 亦曰鍑

音族鍑未戈反黃氏曰鍑鍑屬補曰內

則敦牟卮匱牟木侯反齊人呼土釜爲牟讀曰莖隱義曰莖土釜也說文銍鑊也魯戈反體土釜也侯抱

反

鍛鑄鉛錫鐙錠

鐙丹增反音登錠徒經反  
錫了消反音譙廣韻音焦

凡金鐵之屬椎

直追反

打而成器者謂之鍛銷治而成

者謂之鑄

補曰蒼頡篇曰鍛椎也說文鍛  
小治也通釋曰椎之而已不消

鉛青金也

錫一名鋟

引音

在銀鉛之間即今白鐵也

鐵音臘補曰禹貢青州貢

鉛職方氏揚州其利金錫

鐙所以盛

音成

膏夜然燎者也

燎力召反其形

若杆

音干

而中施釭

音工

有柎

方干反

者曰鐙無柎者曰錠

柎謂下施足也

黃氏曰豆有足曰錠無足曰錠補曰  
爾雅瓦豆謂之錠注即膏鐙也楚辭

蘭膏明燭華鐙錯注鐙錠也徐鉉曰錠中置燭故謂  
之鐙華謂其刻飾華好集古錄有林華宮行鐙銘漢

五鳳中造博

鐙謂鐙斗温器也似鈔而無緣

弋絹反黃氏曰

鐙刁斗也温器三足而有柄補曰漢李廣傳刁斗注  
以銅作鐙受一斗晝炊飲食夜擊持行夜形如銷無

緣銷銚也杜欽曰五分夜擊刁斗自守博  
古圖有漢熊足銚斗龍首銚斗可以温物

鈐鑿鈎銚斧鑿鉏  
銚知栗反一作銚鈐巨廉反鑿特安  
反音墮又徒猥反鉏叶音銚吐雕反

見前竺諫朝  
注一作鋤

鈐鑿大犁之鐵  
黃氏曰鈐鑿大犁也音墮補曰鈐廣  
韻作鈐鐵鋤也巨淹反說文鈐鑿大

犁一曰類柜鑿玉篇作鑿車轄又犁  
錯徒果反廣韻鑿鍊車轄徒猥反鈎卽鎌反力詹也

形曲如鈎因以名云亦謂之鋏  
苦節反說文苦節反  
鎌也補曰龔遂傳持

鉏鈎田語注鈎鎌也方言刈鈎江淮陳楚謂銘鋤關  
西謂鈎鎌鋏釋名曰鎌廉也薄其所刈似廉也鋤音

昭錙錙刈黍短鎌也  
黃氏曰穫禾短鎌一作銚音注  
補曰詩奄觀銚艾注銚穫也釋

音果錙刈黍短鎌也  
名穫鐵也管子一農之事必有一銚一銚一銚也  
然後成農小爾雅截穎謂之挫國語注刈鎌也斧所

以伐木也鑿所以穿木也  
補曰周書神農作陶冶斤  
斧詩析薪如之何匪斧不

克既破我斧注隋釜曰斧太立斧鉏去草之具也一

刃蛾蛾鑿塹也古史考孟莊子作鉏去草之具也

名茲基去邱呂反補曰說文鉏立罇所用也釋名曰

不如待時國語耨茲其也周禮薙氏春始生而萌之

夏日至而夷之秋繩而芟之注萌之者以茲其斫其

生者夷之以鉤鎌迫地芟之也若今取芟矣疏漢時

茲其即今之鋤也爾雅斫斫謂之定注鋤屬齊語惡

金以鑄鉏夷斤櫛

銅鍾鼎鏗銷鈹鈹鏗胡經反一作銷又作銷錫火

銅鍾以銅為鍾鍾酒器也補曰孔叢子堯飲千

足兩耳繫器也補曰爾雅鼎絕大謂之鼐圓弁上謂

周易注鼎亨鈺調和之器曰崇曰貫名其國也曰讒

曰刑著其事也曰牢曰陪設之異也曰神曰寶重之

也極鏗温器圓而直上也鏗字或作鉏鉏似鐘而長頸

也鉞胡經反說文賢星反補曰廣韻鏗温器似鐘而

銷亦温器也黃氏曰銷銅鈹也補曰說文銷小盆也博古圖有梁山銷元康元年造

系而提之黃氏曰鈹有柄可以注水補曰一作區廣韻杯似桶可以注水桶音移左傳注沃

盥器也國鈹黃氏曰鈹燒器補曰說文鈹温語奉盤區鈹器一曰田器世本日垂作鈹

釭釭古紅反音工古雙反又音江銅音釭鑄釭鑄鑄治鋼鑄  
諫古鴈反鍵渠偃反鈹其沾救淹二

反一作鑄音轄  
鑄音喬渠驕反

釭車穀中說文鐵也鋼軸上鐵也施釭鋼者所以

護軸使不相摩壑也壑口狠反黃氏曰鋼車間鐵補

日史記炙穀過髡索隱云過與鍋字相近即脂器也別錄作輅方言車釭齊燕海岱

之間謂之鍋音戈或謂之銀音衣關西謂之釭盛膏者謂之鍋釋名云鋼間也鍵以鐵有所豎關若門牡

之屬也

補曰小爾雅鍵謂之籥廣韻鍵管籥方言戶鑰關東陳楚之間謂之鍵關西謂之鑰月令

修鍵閉注鍵牡閉牡也牡謂鑰須五行志長安鑰以

鐵有所鑷取也

鑷女輒反補曰蒼頡篇鑷持也說文鐵鉞也鉞陟葉反廣韻持鐵一日膏

車鐵鉗御書作鑷車軸頭鐵也與牽同

治銷金鐵之鑪也錮者鑄而補

塞之令其堅固也

補曰尸子曰蚩尤造九冶考工記治氏攻金之工說文錮鑄塞也

鑄者以鐵有所輔助若橋梁之形也

黃氏鑄似鼎長足

竹器簦笠簞籩篠

簦音登籩巨於反篠直於反音渠儲篠叶篝韻詩羔裘濡叶侯漢敘傳車

侯叶

竹器總言織竹為器也簦笠皆所以禦雨也大而有

把音霸手執以行謂之簦小而無把首戴以行謂之笠

虞卿躡屣擔

反丁甘

簠即謂此也

黃氏曰簠長柄也補曰說文簠笠也

笠簠無柄也國語簠笠相望於艾陵注備雨器詩何

簠何笠注笠以禦暑又臺笠其笠伊糾注笠以禦暑

雨儀禮注笠織竹為席謂之簠織葦而麤文者籩條

也

黃氏曰籩條蘆蕨補曰方言籩宋魏之間謂之笙或謂之籩苗關西謂之簠其粗者謂之籩條注江

東呼籩條為蕨音廢詩下莞上簠箋竹葦曰簠說文

籩條木竹席之名人或編以為困其狀如人擁腫不能俯

箠笱復筥奠算箐

箠徒本反笱市緣反又市專反筥音編婢連反筥居呂反奠於六反算必

至反又博計反箐古侯反

箠笱皆所以盛米穀也以竹木簠席若泥塗之則為

箠箠之言屯也物所屯聚也織草而為之則曰笱取

其圓團之然也

黃氏曰筯音鈍筯音遄補曰說文筯也通釋今俗言倉筯廣韻固小廩

也淮南子云守其筯筯注受穀器筯音韻說文筯以判竹圍以盛穀也今俗作圓

竹器之盛

飯者大曰筯小曰筯筯一名筯受五升一曰復者織

竹之輿也

籊一作筯山交反輿弋庶反黃氏曰復音籊竹輿補曰史記張敖傳貫高問之復輿

前注編竹木以為輿形如今之食輿何休注公羊傳筯者竹篋一名編齊魯已北名為筯詩維筐及筯注

方曰筐圓曰筯聘禮以二竹筯方注器以竹為之狀如筯而方如今寒具筯筯者圓此方說文筯籊也陳

留謂飯籊曰籊一曰飯器容五升宋魏謂箸筯為籊所交反徐錯曰今言籊籊籊飯筯也秦謂筯曰籊山

反籊炊之漉米箕也或謂之縮或謂之箕或謂之區

音還方言音旋漉音鹿箕音叟黃氏曰箕可以漉米補曰炊籊之名見方言注漉米籊也江東呼浙籊漢

書音義烽如覆米籊字林云籊漉米籊籊要云浙箕也籊炊籊也廣韻云漉米器 算蔽甑底



者也其字從界

界音必寐反黃氏曰算音卑取魚器

蔽甌底世說陳元方聽客語炊忘著算飯落釜中

箒一名箸盛杯器也亦以

為薰籠楚人謂之牆居

箸音落薰許云反黃氏曰箒燠籠也補曰楚辭秦箒齊縷

鄭綿絡注箒落也又籠也可熏衣方言陳楚宋衛謂之牆居注今熏籠栝落陳楚宋衛又謂之豆筥注盛

栝器籠也說文箒箸也可熏衣宋魏謂竹箒牆以居也史記陳涉世家夜篝火以籠覆火也龜策傳亦然

筵筴箕帚筐篋

筵山奇所綺二反筴并弭反音俾筐音匡篋洛侯反篋音婁

筵所以籬去麤細者也今謂之篩大者曰筵小者曰

筴其字從卑

卑下之卑必彌反黃氏曰筴竹籬補曰廣韻筴籬也所綺反韓文公詩春雲墮

如筴所宜反賈山傳篩土注篩以竹筴為之筴山爾反

箕可以簸揚及去糞帚

所以掃刷古者杜康作箕帚

簸波我反又甫佐反去並丘呂反補曰詩維南

有箕不可以簸揚曲禮凡為長者糞之禮必加帚於箕上弟子職曰執箕膺騰音葉厥中有帚說文箕簸

也方言云注箕謂之籬少康初作箕帚杜康也箕帚也莊子曰開之曰操拔箕以待門庭史記騶子如燕

昭王擁彗先驅說文婦从女侍帚灑帚也東觀漢記家有弊帚亭之千金筐亦筥屬也筥

圓而筐方補曰詩不盈頃筐注畚屬韓詩云歆筐也承筐是將筐篚屬所以行弊帛也賈誼曰

俗吏所務在於刀筆筐篚篋長筥也言其狹長篋篋然也筥先寺反補曰

篋箱篋莊子盛以行左傳一篋錦漢張安世傳二篋說文筥飯及衣之器也篋者疏曰

之籠亦言其孔樓樓然也黃氏曰篋竹籠補曰方言篋小者南楚謂之篋自關

而西秦晉之間謂之篋注今江南亦名籠為篋

楸杆槃案栝盥楸禿頗反一作楸杆一作孟槃一作盤栝一作杯栝呼雅反篤烏管反一

挽作

楯小桶也所以盛鹽豉

盛音成桶徒孔反黃氏曰楯器之狹長者補曰說文楯車

等中楯通釋曰楯者器長狹中廣末殺

杆盛飯之器也一日齊人謂盤

為杆

補曰說文孟飯器也梓木可屈為杆史記田蚡學孔甲盤孟諸書東方朔傳置守宮孟下注孟

食器也若盞而大今所謂盞盞盞音撥方言盞宋魏或謂之盞盞謂之盞或謂之銚銳盞謂之柯尸子

曰君如杆民如水杆方則水方杆圓則水圓

無足曰盤有足曰案所以陳

舉食也

補曰大學湯之盤銘踐阼篇於盞盤為銘說文槃承槃也西京雜記中山王文木賦曰製

為盤杆籀文從皿考工記案十有二寸萬石君對案不食張敖自持案進食說文案几屬通釋曰案所凭

也方言案陳楚宋魏謂之檣關東西謂之案鹽鐵論常民文杯畫案杯飲器也一名匱

音感又音貢

問大杯也

黃氏曰問大杯也見方言補曰孟

飾方言孟音雅械盞盞問盞盞栝也秦晉之郊謂之盞自關而東趙魏之間曰械或曰盞或曰盞其大者

謂之鬯吳越之間曰盞齊若平原以東或謂之盞栝其通語也史記箕子曰彼為象箸必為玉栝籜小栝之別名

盃似盃而深長盃字或作椀其音則同補曰說文盃小

盃也方言盃謂之擢海岱或謂之盃漢淮南王傳注食器盃椀之屬

盃升參升半卮觥俗作參卮音麗升一作斗一作計參盃升參升半卮觥

黃氏曰盃方言瓠勺也補曰方言盃陳楚宋魏之間或謂之單或謂之檝或謂之瓢周禮鬯人崇門用瓢

齊注瓢為瓠盃也盃力兮反或郎戈反東方朔傳以盃測海注盃瓠瓢也來奚反廣韻盃以瓢為飲器說

文通釋半破瓢以酌水為盃參升亦以其受多少為名也半者受

五升之半謂二升五合工沓反也此二者皆鬯壺之類

也補曰禮器貴者獻以角賤者獻以散尊者舉禪卑者舉角疏曰韓詩說一升曰爵二升曰觚三升曰

觶四升曰角五升曰散古周禮說爵一升觶二升毛詩說觶大七升罰爵曰觶然則參升者觶也半者散之半也

**卮飲酒圓器也**

補曰漢高帝奉玉卮古字作觥

**觥謂觶之小者**

**行禮飲酒角也**

觶之豉反黃氏曰觥小觥補曰說文

曰觶胡氏曰古者制器隨物具義爵足也一爵已足也觥寡也飲當寡少也觥適也適可而止也角觥也惡觸罪過也散訕也罪而失禮為人所訕也觥傷也飲而過度傷己傷人也觥廓也君子有過廓然著明如日月之食人皆見之也

**樽榼棹匕箸簋**

樽音鄭市充反一作樽榼上答反棹音輦頻奚反梳息移反箸陟慮反簋

**音**

**櫛小卮也上有蓋**

黃氏曰櫛音遄木名恐非此櫛小卮也音剿恐是補曰碑本作樽字

當从卮說文樽小卮有耳蓋者市洗反櫛度也兜果反**榼盛酒之**

器其形榼榼然也

補曰孔叢子云子路嗑榼裨圓榼也

一曰厚榼也

黃氏曰裨圓榼也漢書美桴補曰說文酒一裨補曰見說文廣韻桴桴也爾

雅亦匕匙也

反上支亦謂之杓音四補曰易匕鬯詩有

實儀禮有司徹云桃匕

匕雜記匕用桑長三尺吉

禮用棘弟子職右執挾匕

太立反其几雙其匕注杓

與匕同周禮

注杓匕也箸一名挾字從木所以挾食也黃氏曰

字補曰說文箸飯歛也今俗訛

作筯史記張良請藉

前著條侯顧謂尚食取箸漢書

作箸箸者食所用也

曲禮羹之有菜者用挾挾亦箸

簪盛匕箸之籠也補

之類注云今人謂箸為挾提

魏謂之筯或謂

方言箸筯盛化箸簪也陳楚宋

反廣韻簪竹器

之簾自關而西謂之桶摠蘇勇

反廣韻簪竹器

甄缶益盞甕罍壺

甄直睡反盞益盞一

浪反罍

甄小口罍也

黃氏曰甄罍也補曰淮南子云抱甄而

汲列子云狀若甌

甄戰國策醢壺醬甄

音 缶 益 益 一類耳 缶 卽 益 也 大腹而斂口 益 則斂底

而寬上 缶 字 或作 瓠 瓠 甄 小嬰也 補音部 甄 洛口反

鉢也 易鼓缶而歌 用缶 詩坎其擊缶 左傳具 緘缶 說

文 缶 瓦器 所以盛酒漿 秦人鼓之以節 譌 楊惲曰 仰

天 拊缶 逢萌 首戴瓦 益 方言自關而西 晉之舊都 河

汾之間 其大者謂之 甄 其中者謂之 瓠 甄 自關而東

趙魏之郊 謂之 瓮 或謂之 嬰 齊東北 海岱之間 謂之

詹 周洛 韓鄭 謂之 甄 或謂之 罍 缶 謂之 甄 甄 小者謂

之 瓶 罍 甄 謂之 益 自關而西 或謂之 罍 缶 謂之 盆 或謂之 益 其

小者謂之 升 甄 蘭相如 使秦王擊缶 詩正義 缶 可以

節樂 若今擊 甄 又可以盛水 盛酒 卽今瓦盆 考工記

陶人 盆 實二 鬲 厚半寸 脣寸 爾雅 益 謂之 缶 注 盆 也

甄 甄 謂之 甄 注 小 甕 謂盛酒漿 米粟之 甕 也 補曰 易

嬰 長沙 謂之 甄 漏 鄭云 停水器也 說文 甕 汲 餅 也 瓮 嬰 也 李斯 書 擊

甕 卽 甄 莊子 漢陰 丈人 抱甕 出灌 周禮 醴 醢 百有三

十 罍 長頸 餅 也 餅 步丁反 黃氏曰 罍 備火 長頸 餅 也

補曰 方言 罍 陳 魏 宋 楚 曰 甄 曰 甄 罍

謂之甌 音聾 壺圓器也腹大而有頸 補曰投壺禮壺頸修七寸腹修五寸口徑二寸半容斗五升詩清酒百壺禮記注壺大一石瓦甌五斗廣韻壺酒器也太玄豎子提壺左傳樽以魯壺

甌裳甌甌瓠盧 盧一作甌裳丁浪反甌音邊瓠胡雙反又侯降反

甌一名甌亦謂之鶯又呼為鈔 甌魚偃反又音言鶯村林反又音潛鈔音

修補曰古史考黃帝始作甌爾雅謂之鶯鶯鈔也注詩曰甌之釜鶯涼州呼鈔孫炎曰關東謂甌為鶯

考工記陶人為甌甌無底甌也左傳齊賂 裳大盆 一作

甌也 黃氏曰裳大甌又井甌補曰楊雄酒箴觀瓶之居居井之眉一旦更甌為裳所輻注裳井以甌

為甌者也說文 甌甌瓦杆也其形大口而庠一曰甌 晏亢反大盆

小盆也 庫音婢黃氏曰甌小盆補曰說文甌似小甌大口而卑方言甌陳魏宋楚之間謂之甌自



關而西謂之甌其大者謂之甌今河北人呼小甌短

盆為甌子杜啓反淮南子狗彘不擇甌而食

頭長身之甌也黃氏曰甌長頸受十升貨殖傳醢醬干瑛廣韻

作缸儀方言靈桂之郊謂甌嬰甌之大腹者也補曰

注今江東通名大瓮為甌以木罌缶度軍注瓶之大腹小口者

韓文公詩旒大甌嬰小所任自有宜盧小甕今之作

盧酒者取名於此黃氏曰甌音盧酒器補曰說文盧

推盧罌食貨志官作酒開一盧以賣臣瓚曰盧酒瓮

也師古曰賣酒之區也廣漢所破盧亦謂所居罌瓮

之處司馬相如傳注累土為盧以居酒瓮

纍縞繩索絞紡纍纍力追反一作縞音纍

纍大索也黃氏曰索也補曰說文纍大索孟子云係

縞汲索也一名縵汲音急縵音梗縞黃氏本作縞注

補曰易亦未綉井鄭云縷也太玄綉陸陸餅寘腹又云餅壘于編方言綉關東周洛韓魏謂之縷或謂之絡關西謂之縷縷謂紂兩股以上總而合之者也索

總謂切撚乃典反之令繁工忍反者也一曰麻絲曰繩草

謂之索補曰老子善結無繩約而不可解爾雅繩之謂之索謂之縮注縮者約束詩宵爾索綯注綯絞

也箋夜絞即糾也補曰易係用微纆三股曰微兩股

文徽三糾繩也廣韻絞縛也方言縹縹絞也關東西

或謂之縹或謂之縹注謂履中絞也通俗文云合繩

曰紡謂紡切麻絲之屬為盧縷也已紡而成謂之紗

篇本紗字或作縷黃氏曰縷布縷也補曰說文縷繩

約也陳仲子妻辟縷注練麻曰縷史記貨殖傳縷注

簡札檢署槩牘家札側滑反檢其閃反

竹簡以為書牒也札者木牒亦所以書之也

補曰爾雅簡謂

之畢注今簡札王制太史執簡記聘禮百名以上書於策不及百名書於方方版也策簡也說文簡札牒也釋名札櫛也編之如櫛齒相比也司馬相如令尙書給筆札公孫卿有札書注札札簡之簿小者冊其札一長一短中有二編文心雕龍牒者葉也短簡編牒如葉在枝檢之言禁也削木

施於物上所以禁閉之使不得輒開露也署謂題書

其檢上也

補曰說文檢書署也帖帛書署也扁署也從戶册者署門戶之文也通釋檢書函之

蓋也蕭子良云署書蕭何所定以題蒼龍白虎二關周禮注璽節印章如今斗檢封矣廣韻書檢印窠封題也漢書注封槩板之長三尺者也亦可以書謂之

槩者言其修長漸漸然也

補曰槩廣核也楊雄把三寸弱翰齋素油四尺以問

其異語歸卽以鉛摘次牘木簡也既可以書又執之

以進見於尊者形若今之木笏但不挫于臥其角耳

補曰說文牘書版也韓詩外傳周舍曰墨筆操牘何

奴傳漢遺單于書牘以尺一寸周禮以方出之注今

時牘也陳遵與人尺牘皆藏去為榮北海王睦作草

書尺牘長一尺因取名焉周勃傳獄吏書牘背示之

注吏所執簿簿即牘也秦宓以簿擊頰亦簡牘之類

昌邑王傳簪筆侍牘趨謁注牘木簡也車服雜事漢

高祖始置手板家伏几也今謂之夾膝補曰爾雅展內謂之

謂槩人也

板柞所產谷口斜柞一作笮在各反斜弋奢反

板謂木瓦也柞屋棧也亦謂之簣補曰秦風小戎在

水隴西民以板為屋說文笮迫也在瓦之下禁上  
爾雅屋上薄為之笮注屋笮棧仕諫反簣音責  
谷口在北即今之雲陽泊谷是也斜口在南山今斜谷

是也補曰郊祀志寒門谷口注谷口仲山之谷也漢

策范雎說秦王曰北有甘泉谷口郡縣志京兆醴泉

縣本谷口縣在九嶷山東仲山西當涇水出山處故

謂谷口西都賦右界襄斜郡國志武功有斜谷郡縣

志鳳翔府郿縣城南當斜谷襄谷山在興元府褒城

縣北五里南口為襄北口為斜長四百七十

里蜀都賦良木攢於襄谷注襄斜出良材 言二處

皆足林木板柞從之而出生也一曰谷口不出板柞

而言谷口斜者止謂斜谷之口也陽陵朱安世曰斜

谷之木不足為我械補曰柞櫟也在各反詩維柞之

顏注字當作竿廣韻竿竹索西南夷尋之以渡水柞

竿音同或是假借 陽陵縣屬左馮翊郡縣志在京

兆府咸陽縣東四十里唐百官志斜谷監掌采

水蟲科斗蠅蝦蟇蠅烏瓜反蝦

水蟲摠言在水之蟲也科斗一名活胡闢反東亦曰活

師即蝦蟇所生子也未成蝦蟇之時身即頭並圓而

尾長漸乃變耳補曰古有科斗篆取象於此字源云高陽作科斗書古今注一名懸針一

名玄魚以其狀如魚尾如針併頭尾言之則似斗也始出有尾無足稍大足注尾脫翅一名螻

蝮俱獲反色青小形而長股蝦蟇一名螿音警又音加大

腹而短脚黃氏曰蠅即蛙字補曰月令螻蝈鳴蛙也周禮注蠅今御所食蛙也蝮尤怒鳴齊魯

之間謂蠅為蝮越句踐式怒蠅語蠅之與同階霍山曰丞相擅滅宗廟羔菟蠅爾雅蝮蝮注蛙類元鼎

五年蠅蝦蟇關

鯉鮒蟹鱗鮎鮑鮒音附鱗音善一作鱗鮎音台又鮑音鮑一作鮑於業反鮑音遐

鯉即今之鯉魚也補曰爾雅注今赤鯉魚古今注充州人謂赤鯉為赤鱗青鯉為青馬

黑鯉為黑駒白鯉為白驥黃鯉為黃騅魚麗美萬  
物盛多終之以鯉淮南子魚上頁冰注曰鯉也

今之鱖魚也亦呼為鮓鮓音積鮓音即補曰鮓小魚

谷射鮓音付子夏傳謂蝦蟇廣雅蟹八足二螯旁行

蓋音敖補曰淮南子蟹與月盛衰大立蟹之郭索復

十二種周禮庖人共好羞注若青州蟹蟹似蛇補曰

胥考工記凡行蟹屬今人謂之旁蟹蟹似蛇補曰

鱧似蛇假鱧為鱧後漢楊震傳鶴雀銜三鱧魚假借

為鱧鮓之鱧案魏武四時食制鱧魚大如五斗匱長

况三乎鱧純灰色無文章鱧黃地黑文故都講云魚

海魚也補曰貨殖傳鮓斤鹽鐵論鮑亦海魚加

鈞顏注鮑今之鮑魚也福室乾之蓋今巴荆所呼鮓魚是也居偃反秦始皇載鮑亂臭則是鮑魚而福室者本不臭也福蒲北反家語與不善人居入鮑魚之肆一作鮑黃氏注曰鮑魚鮓謂今之海

鮓堪為鮓脯及所呼鮓米者又所在水中小鮓可生

啗若燭而食之皆是也鮓之大者為鮓音燭初絞反鮓

多鬚善游而好躍爾雅鮓大鮓注出海中長二三丈鬚長數尺今青州呼鮓魚為鮓南都賦駁瑕蝦古字

通說文鮓鮓也

妻婦聘嫁齋媵僮聘一作媵媵以證反一作媵

妻者齊夫之名婦者服事舅姑之稱補曰說文妻婦

服也爾雅子之妻為婦儀禮婦人有三從之義無專用之道聘謂因媒而問也嫁

謂自家而往適人也補曰媒謀也謀合二姓聘謂昏禮問名左傳聲伯之母不聘內



則聘則為妻嫁家也故婦人謂嫁曰歸  
方言女謂之嫁子自家而出謂之嫁  
齋者將持而

遣之也媵送女也僮謂僕使之未冠笄者也言婦人

初嫁其父母以僕妾財物將送之也  
篇本贖字或作媵音義並同補

曰齋裝也送也左傳晉人來媵爾雅媵將送之也廣韻媵送也又物相贈音與媵同

奴婢私隸枕牀杠  
杠音江叶音工隸郎計反枕章在反

奴婢男女賤者之稱也隸附著之義也私隸者言屬

著私家非給公役者  
補曰方言臧甬侮獲奴婢賤稱也隸僕隸左傳與臣隸隸臣僚

枕所以支頭也  
補曰說文臥所薦枕粲兮牀所以坐臥也補曰首者詩負枕粲兮

說文安身之坐者方言牀齊魯謂之簀陳楚謂之第爾雅簀謂之第注牀板莊子匡牀注正牀杠者

牀之橫木也亦謂之北  
補曰方言牀其杠北燕朝鮮謂之樹關西秦晉謂之杠南

楚謂之北東齊海岱謂之梓音詵牀前橫也

蒲蒻蘭席帳帷幢 幢叶音童東賦樹羽幢

蒻謂蒲之柔弱者也 補曰蒲水艸可以作席蒻蒲子

底席注蒻萃是也蒻即根上初生萌葉時殼也音弱

周禮淡蒲注蒲蒻入水淡故曰淡蒲縹席注削蒲蒻

展之編以五采若今合歡考工記注今人謂蒲本在

水中者為弱疏引史游章謂取蒲之本在水者為席

禮記越席注翦蒲席也詩下莞上簟箋莞小蒲之席

也爾雅注西方亦名蒲中莖為蒿用之為席楚辭蒻

阿拂壁注蘭草名也亦莞音完又之類也蒲蒻可以

為薦蘭草可以為席補曰說文蘭莞屬也通釋曰荔

蒲為席荔似蒲而小廣雅云馬薙通俗自上而下覆

文云馬蘭子虛賦注馬荔今之馬蘭謂之帳帳者張也在旁蔽繞謂之帷帷者圍也形如

車蓋者謂之幢言其童童然也

補曰爾雅幢謂之帳詩小星抱衾與襦箋

裯牀帳也鄭志今人名帳為裯楚辭羅幃注幃禪帳也周禮注在旁曰帷在上曰幕四合象宮室曰幄詩

漸車帷裳箋云帷裳童容也疏容謂禭車山東謂之

裳幃或曰童容以幃障車之傍如裳以為容飾故或

謂之幃裳或謂之童容其上有蓋四傍垂而下謂之

禭幃宅江反方言關西關東曰幢釋名其兒幢幢然

也孔子世家夫人在絺帷中列女傳

齊孝孟姬使侍御者舒帷以自鄣蔽

承塵戶幪條續總叶子公反詩素絲五總一作縱說文

作縱兒容反

承塵施於牀上以承塵土因為名也

補曰周禮注帝承塵楚辭朱塵

承塵也戶幪戶上之幔也

幔莫字或作簾黃氏曰幪

日說文幪帷也釋名幪廉也自障蔽為廉恥俗作簾風俗通卿大夫帷士以廉外戚傳置飾室中簾南

注簾條一名偏諸織絲縷為之所以懸係承塵戶幪

因為飾也補曰雜記注紉若今時條廣韻條編絲繩也賈誼傳偏諸注若今之織成以為要磔

及標領五行志解帷組結佩之績亦條組之屬也似纂而色赤補曰曲禮

飾羔鴈者以績注績畫也楚辭注纂似組而赤國語注纂織文也總以絲縷為之所

以束髮也一曰絨屬也所以緣飾衣裳也字或作縱

音義皆同補曰詩總角之宴注結髮也總角非兮注聚兩髦也內則笄總注總束髮也垂後為

飾說文總聚束也又日縱絨屬絨王伐反

鏡斂疏比各異工斂音廉疏所蒞反比類寐反

鏡斂盛鏡之器若今鏡匣也黃氏曰斂即奩也補曰說文鏡景也後漢明帝

視太后鏡奩中物匱亦作斂俗作奩櫛之大而麤所以理鬢者謂之疏

言其齒稀疎也小而細所以去蟣虱者謂之比言其齒密比也皆因其體而立名也櫛側乙反蟣居豈反  
婢今作批細櫛也補曰漢匈奴傳比疎史記作比余  
蒼頡篇靡者為比麤者為疏說文梳理髮也廣雅比櫛也長楊賦頭蓬不暇疏後漢章帝諸王傳頭不枇沐玉藻云髮喻用象櫛櫛疏比之總名詩其比如櫛

芬薰脂粉膏澤笏

笏大東反

各異工者言施用不同廢一不可也

芬者蘊糅其質以為香也薰者燒取其煙以為香也

補曰芬芬芳說文草初生其香分布離騷

一曰芬薰總舉香草之大稱也芬至今猶未迷說文薰香草也徐鍇按薰草蘼蕪又博物志東方君子國薰草朝朝生華左傳一薰一蕕注薰香草山海經浮山有草名薰草音訓麻葉方莖赤華黑實臭如蘼蕪可以已厲楚辭章句茵薰也葉

曰蕙根曰薰本草薰草一名蕙廣志  
云蕙草綠葉紫莖魏武以此燒香  
脂謂面脂及唇

脂皆以柔滑膩理也補曰釋名脂砥也著面軟滑如砥石也爾雅冰脂也盧公家範

臘月上澡豆頭膏面脂口脂景  
龍文館記臘日賜口脂脂膏也  
粉謂鉛粉及米粉皆

以傅面取光潔也粉之言分也研使分散也補曰虞書粉米

周禮粉餈說文通釋古傅面亦米粉齊民要術有傅  
而英粉漬粉為之又紅染之為紅粉燒鉛為粉始自

夏桀博物志燒鉛成胡粉紂作粉呂氏春秋注紂作

胡粉墨子禹造粉太玄粉其題顏戰國策粉白墨黑

楚辭粉白黛黑施芳澤膏澤者雜聚取衆芳以膏煎之乃用塗

髮使潤澤也筓者木用竹筓其後轉用金玉雜物寫

竹狀而為之皆所以盛膏澤者也補曰詩伯兮豈無膏沐國語魯遣展

喜以膏沐勞齊師膏所以膏首面列子云施芳澤史  
記溱于髮曰羅襦襟解微聞薝澤淮南子不待脂粉

芳澤而性可說者西施陽文也

沐浴揃搷寡合同揃音翦 搷音威

濯髮曰沐澡身曰浴濯直角反澡子老反補曰禮記注浴用湯沐用潘潘米汁也夏

小止五月畜蘭為沐浴也揃搷謂髮拔眉髮也蓋去其不齊整者

揃即淺反搷亡別反髮吐計反去邱呂反黃氏曰揃搷泊須髮也補曰莊子外物篇貲搷可以作老貲子

斯反音咨亦作揃三蒼云揃猶翦也搷亦作揃說文字林云批也批側氏干米反廣韻搷手拔也寡

也 少也寡合同者言其妍澣才性反少對偶也補曰妍淨也淨無垢

襍飾刻畫無等雙襍音象畫胡卦反雙叶所終反詩南山雙叶庸從

襍飾盛服飾也黃氏曰襍未笄冠之首飾補曰漢平帝王后傳令孫建世子襍飾注盛飾

也一日首飾在兩耳後刻鏤而為之刻畫裁製奇巧也無等雙亦名殊絕異於眾也裁在代反補曰釋名畫挂也以五色挂物象也等類也雙偶也

係臂琅玕虎魄龍

琅玕火齊珠也一日石之似珠者也齊材詣反補曰列女傳連大珠

為係臂禹貢雍州曰琅玕爾雅崑崙虛琅玕本草注流離之類說文似珠者符瑞圖百珍寶用則琅玕景

山海經崑崙山有琅玕樹韻集玫瑰火齊珠也言以虎魄為韻并取琅玕係

著臂肘取其媚好且珍貴也補曰山海經楓脂人地

魄生地中其上及旁不生草淡者八九尺大如斛削去皮成虎魄如斗初時如桃膠凝堅乃成博物志曰

松脂淪入地千年化為茯苓茯苓千歲化為虎魄篇本龍字或作璽字蓋謂

以玉為龍者也補曰璽字唐明皇雜錄有玉龍長數



寸

璧碧珠璣玫瑰瓊致音枚瑰音回瓊廣韻於容反音容一作瓊

璧玉璧也肉倍好謂之璧肉謂外邊之質好謂孔子

言質大而孔小居一倍也好音耗補曰璧有垂棘和氏肉璧之身好其孔也說

文璧瑞碧縹玉也補曰說文碧石之青美者子虛賦注碧謂玉之青白色者山海經耿

山多水碧廣志曰碧有縹碧有綠碧圓者曰珠不圓曰璣皆蚌平頂之

陰精也補曰國語珠禦火災禹貢淮夷蠙珠荆州厥

璣之玫瑰美玉名也補曰說文火齊玫瑰也今南方

黃一曰石之美者史記司馬相如傳注玫瑰石以美

珠也說文通釋火齊象珠赤色起之層層各異王為舊舊汲餅也言既帶珠璧又服玫瑰之舊備眾



上橫者下垂三組貫以蠙珠璜如半璧繫兩旁之下  
璫如圭兩端正方在珩璜之中璫如大珠在中組之  
半別以珠貫下繫於璜而交貫於璫復上繫珩之兩  
端衝牙如牙兩端皆銳橫繫於璫下與璜齊行則衝  
璜出聲大戴禮保傅篇佩玉上有雙珩下有雙橫衝  
牙蠙珠以納其間璫璫以雜之書傳后夫人鳴佩玉  
于房中杜欽曰佩玉晏鳴關雕歎之玦一作璫美石  
次玉聘義君子貴玉而賤珉

珉靡者順美之稱也從容言行止有節度者也補曰玉藻

云古之君子必佩玉右徵角左宮羽趨以采齊行以肆夏周還中規折還中矩進則抑之退則揚之然後

玉鏘鳴也玉說文本作王隸加點以別王字

射魃辟邪除羣凶射食亦反魃音奇巨宜反辟音壁

射魃辟邪皆神獸名也魃小兒鬼也射魃言能射去

魃鬼補曰東京賦魃蠶注魃小兒鬼說文魃鬼服韓詩傳鄭交甫逢二女叶服奇寄反辟邪

言能辟禦妖邪也

補曰考工記鍾旋注今時旋有蹲熊盤龍辟邪漢書西域傳注桃拔

一名符拔似鹿長尾一角者或為天鹿兩角者或為

辟邪續輿服志皇后步搖以黃金為山題貫白珠為

桂枝相繆八爵九華熊虎赤羆天鹿辟邪南山豐大

特六獸公主封君皆黃辟邪南陽宗資碑旁有兩

石獸鑄其膊一曰謂以寶玉之類二獸之狀以佩

天緣一曰辟邪

帶之用除去凶災而保衛其身也

補曰杜陽編一曰有香玉辟邪

射魃謂大剛卯也以金玉及桃木刻而為之一名殺

改其上有銘而旁穿孔系以綵絲用係臂焉亦所以

逐精魅也

殺音該改弋亥反此改字從己已弋止反改更之改字從己已居擬反魅音媚補曰

續漢志佩雙印刻書文曰正月剛卯既決靈凡六

才六字以正月卯日作說文殺改大剛卯也以逐精

鬼齊桓公出遊遇一丈夫褰衣應步帶著桃爰公恠

問之曰是名二桃桃之為言亡也夫日日慎桃何患

之有故亡國之社以戒諸侯人之戒在於桃  
及公說其言與其載來年正月庶人皆佩

竽瑟空侯琴筑箏

竽音于筑音竹箏一作錡

竽笙類也列管瓠中施簧管端官管在中央三十六

簧

補曰周禮笙師教緘竽韓子曰竽者五聲之長竽先則鐘瑟皆隨竽唱則諸樂皆和荀子調竽奇聲

注竽八音之首黃帝使伶倫取竹作管是竹為音聲之始莊子天籟地籟亦其義也瑟庖犧氏

所作也長七尺二寸二十七弦今則二十四大瑟謂

之灑

山爾反

長八尺一寸廣尺八寸者也

補曰樂記清廟之瑟朱弦

疏越爾雅疏禮圖雅瑟二十三弦常用者十九弦頌

瑟二十五弦盡用之呂氏春秋帝堯為十五弦之瑟

舜益之八弦為空侯馬上所彈也一名坎侯補曰釋

侯師延所作靡靡之音段安節樂府錄以其亡國之聲故號空國之侯亦曰坎侯吳兢解題云漢武依琴

造坎侯言坎坎應節也案史記封禪書云公孫卿言  
 太帝使素女鼓五十弦瑟悲帝禁不止故破其瑟為  
 二十五弦於是武帝益召歌兒作二十五弦及空侯  
 應劭曰帝令樂人侯調始造此器郊祀志言空侯瑟  
 自此起續漢書云靈帝作非也琴神農所作也長三尺六寸六分五

弦曰宮商角徵羽周文王增二弦曰少武劭宮少商

大琴謂之離二十七弦者也補曰說文神農作洞越

云文武二王所加楚辭伏羲駕辯伏羲作琴始造此  
 曲山海經帝俊生晏龍是為琴瑟樂記舜作五弦之  
 琴以歌南風古琴今有五曲十二操九引筑形如小

白虎通琴禁也以禁止淫邪正人心也

瑟而細頸以竹擊之補曰高漸離善擊筑漢高帝擊  
 筑歌大風之詩應劭曰狀似琴

而大頭安弦通典筑不知誰造似箏身長四尺箏亦  
 三寸項長三寸圍四寸五分隋志筑十二弦

瑟類也本十二弦今則十三補曰隋志箏秦聲蒙恬  
 所作集韻箏秦人薄義

父子爭瑟而分之因  
為名古以竹為之

鐘磬鞀簫鼗鼓鳴

鞀徒刀反鼗一作鞀部迷反佩  
鰲云鼓从支从皮皆非

鐘則以金磬則以石皆所用合樂也古者倅作鐘母

句作磬大鐘謂之庸中者謂之剽小者謂之棧大磬

謂之馨

補曰呂氏春秋黃帝命伶倫鑄十二鐘山海  
經炎帝孫鼓延始為鐘明堂位垂之和鐘叔

之離磬虞書笙鏞以間商頌作庸周雅賁鼓維鏞爾  
雅注大鐘亦名鏞音博書鳴球玉磬也擊石拊石泗

濱浮磬石磬也倅音垂母音無句音鉤  
剽音飄類遙反棧側限反馨虛驕反鞀貫把鼓也

搖而鳴之大者謂之麻小者謂之料

把音霸料洛堯  
反補曰周禮注

鼓如鼓而小持其柄搖之旁耳還自擊淮南子武王  
有戒慎之鞀鞀小鼓著柄亦作鞀周頌鞀商頌置  
我鞀鼓爾雅注麻者音概  
而長料者聲清而不亂簫一名籟編管而列之參

差象鳳翼也大者二十四管長一尺四寸謂之言廣韻

管作小者十六管長尺二寸謂之笄胡交反補曰風俗

九成孔氏注言簫見細器之備楚辭吹參差兮誰思詩簫管備舉周禮注簫編小竹管如今賣飴錫所吹

者無底而善應謂之管有底而交鳴謂之笄三禮圖

雅簫二十四管廣雅大者二十四管爾雅注釋名二十三

管騎上鞞補曰呂氏春秋帝嚳有倕作為鞞鼓宋樂志

小鼓有柄曰鞞大鞞謂之鞞仲夏修鞞鞞是也

大射禮有應鞞朔鞞大司馬振旅帥執提謂馬上鼓旅帥執鞞大闕中軍以鞞令鼓司馬法鞞聲不過

闕釋名鞞鞞也鞞助鼓節也鼓之言郭也張郭皮革而為之也大

者謂之鞞扶云小者謂之應補曰世本巫咸作鼓明

縣鼓周禮六鼓雷靈路鼗鼗晉鼓長八尺鼗尋有四尺是大也應鼓應鞞也徐鍇曰郭者覆冒之意



五音總會歌謳聲

總一作集謳鳥  
侯反一作德

五音宮商角徵羽也聲成文謂之音

補曰爾雅宮謂  
之重商謂之敏

角謂之經徵謂之迭羽謂之柳樂記宮為君商為臣

最濁君象也三分羽益一以生徵數五十四清濁中民象

也三分官去一以生徵數五十四清濁中民象

商去一以生羽數四十八最清物象也數多者濁數

少者清濁者尊清者卑

大不過宮細不過羽

會謂金石絲竹匏土革木總

合之也

補曰舜典八音克諧無相奪倫  
楚辭九歌云五音紛兮繁會

長言謂之歌

齊歌謂之謳

補曰舜典歌永言楚辭吳  
飲蔡吟歌詠也謳吟也

倡優俳笑觀倚庭

倚作伎咲作  
笑俳音排

倡樂人也優戲人也俳謂優之褻狎者也笑謂動作

云為皆可笑也倚立也觀倚庭者言人來觀倡優皆

倚立於庭中也倚字或作伎謂觀俳倡之伎於庭中

也褻先列反伎渠綺反補曰國語曰優笑在前注倡俳也史記楚之鐵劍利而倡優拙周禮注散樂若

今黃門倡禮樂志黃門名倡丙疆景武之屬優諧戲者也滑稽傳優孟優旃東方朔詼笑

### 侍酒行觴宿昔醒

侍酒謂侍坐才臥反而飲酒也行觴傳觴也一日侍酒

佐酒也行觴使佐酒者行觴也補曰韓詩說總名曰爵其實曰觴觴者餉

也史記魏公子傳趙王侍酒至暮高帝紀悉召故人父老子弟佐酒注助行酒禮記投壺命爵曰請行觴

博物志行酒為遺也昔夜也病酒曰醒直貞反謂經宿飲酒

故致醒也補曰穀梁傳日入至於星出謂之昔左傳為一昔之期詩注一宿曰宿

厨宰切割給使令力呈反

厨庖屋也宰主烹飪者補曰左傳宰夫和之齊之以味公羊傳注膳宰主宰割殺

膳者若今大官宰人烹煮也飪熟食飪入甚反鬻牒曰切胖解曰割給供也

主供此使役也鬻力轉反牒直輒反說文薄切肉也

割肆解肉也肆託厯反掌共膾胖注膾牒肉大鬻胖如脯而腥者膾火吳反司馬相如賦將割將與鬻同

也

薪炭萑葦炊孰生葦戶官反一作萑孰一作熟

取木而然之曰薪木之已燒者曰炭補曰說文薪萑也月令季秋草

木黃落乃代薪為炭藪為萑謂荻也藪五患反荻音敵其新生者曰莛

他覽反葭為葦謂蘆也葭音加蘆音盧二者亦薪之類可然燎

也補曰周禮注菴如葦而細者爾雅茨藟注似葦而小實中江東呼為烏藍音上月令季夏命澤人納

葦材炊孰生者謂烝煮生物使之爛孰也

臄臄炙載各有形臄房吻反臄古外反炙之夜反載側吏反

臄麤切生肉也臄細切生肉也亦或以魚黃氏曰臄音憤切孰

肉也補曰說文臄臄也內則肉腥細者為臄大者為軒注大切細切異名庶羞有牛臄魚臄少儀牛與羊

魚之腥聶而切之為臄東方朔曰生肉為臄乾肉為脯詩臄鯉論語臄不厭細炙謂炙之於

火上也其字从肉補曰周書曰黃帝始燔肉為炙曲禮臄炙處外母嘍炙內則牛羊豕炙

禮臄炙處外母嘍炙內則牛羊豕炙大臄也補曰

孟子者秦人之炙左傳行爵食炙大臄也詩毛

魚臄羹曲禮左殺右臄延客食臄然後辯殺注臄切

肉也史記景帝召條侯賜食獨置大臄無切肉易噬

乾肺肉之帶骨者與臄通特性饋食各有形言別異

禮四豆臄炙載醢肉則牛臄羊豕臄

各有形言別異

不同也

酸醎酢淡辨濁清

酢音醋黃本倉故反

言飲食衆品滋味各別清濁異宜也大酸謂之酢平

一作薄謂之淡 補曰醎水味酸木味鹹鹽也酸酢也

味 辛甘行和酸若苦陳吳羹注醎一作鹹北方味也酢

酸也俗作醎表記注淡無酸酢少味漢書注淡謂無

肌弱脯醋魚臭腥

弱音

肌肉也 補曰肌膚也祭有膚鼎肉之柔 肉表皮裏曰

脯 而灼反說文云肉表革 脯而乾者謂之脯合骨全

乾 裏黃氏曰脯脆腰也 脯 膊普各反補曰周禮腊人注薄析曰

易曰噬臍肉謂獸脂全體骨為之貨殖傳曰胃脯謂  
沸湯潯羊胃未椒薑豢之暴燥說文脯乾肉也膊薄  
脯膊之屋上論語束脩謂十脰脯曲禮以脯修置  
者左胸右未少牢禮雍人陳鼎五羊豕膚魚腊腥

者魚之臭

補曰說文  
鮓魚臭也

酤酒釀醪稽極程

酤音沽醪音勞極一作槩今  
按稽極當作積緻音止矩

買酒曰酤醞之曰釀汁滓酒曰醪

醞於問反補曰詩  
無酒酤我論語酤

酒不食說文作酒曰釀醪濁酒周禮酒正泛齊注云  
成而滓浮泛泛然如今宜成醪疏云宜成地名曹植  
酒賦宜成醴醪馬融以為宜  
成酒名爰益傳買二石醕醪稽分也極盡也言所飲

之酒或酤或釀皆欲作經分然後成熟極盡功程乃

為善也

補曰稽極一作稽槩按說文稽槩止也一曰  
木名從禾木之曲頭止不能上也通釋云槩

槩曲不伸之意字書曲枝果也其狀詰屈取此為  
名木草枳椇樹徑尺葉似桑柘子作房似珊瑚核在

其專江南謂之木蜜其木近酒能薄酒味卽稭穞也  
奇之已俱兩反蓋象枳棋之曲曲爲酒經程寓止酒  
之義般俎亦以棋似棋之曲棋亦作枸詩南山有枸  
注枳棋韓詩外傳齊桓公置酒合諸侯大夫曰後者  
飲一經程管仲後當飲一經程飲其半而棄其半說  
文程也又陶器有酒經晉安郡人餉酒云一經二  
經至五經  
古者儀狄作酒醪禹嘗而美遂疏儀狄杜康又  
作秫酒補曰說文少康初作秫酒杜康也戰國策禹  
疏儀狄絕旨酒曰後世必有以酒亡其國者

孟子禹  
惡旨酒

碁局博戲相易輕易以  
豉反

碁局謂彈碁圍碁之局也博亦局戲也十二碁六箸

丈慮反古者烏曹作博補曰方言簿秦晉謂之簿吳楚  
謂之蔽或謂之碁所以投簿謂

之枰所以行碁謂之局或謂之曲道圍碁謂之奕楚  
辭篋箠象碁有六簿篋音昆竹名箠一作蔽博雅云

投六箸行六棊故為六博傳立彈棊賦敘曰漢成帝  
 好蹴鞠劉向以為勞體竭力非至尊所宜御乃因其  
 體作彈棊平原女子遲昭乎能說經博以八投晉陶  
 侃嘗檢校佐吏得樗蒲博奕之具投之曰樗蒲老子  
 入胡所作外國戲耳圍棊堯舜以教愚子博奕紂所  
 造諸君國器何以為此說文通釋曰棊者方正之名  
 古通謂博奕之子為棊故樗蒲之子用木為之凡人  
 也左傳奕者舉棊不定博局外有垠堦周隈也凡人  
 相與為棊博之戲者因有爭心則言辭輕侮失於敬

讓故曰相易輕也補曰易相輕慢也

冠幘簪簧結髮紐幘音責簧一作黃

冠者冕之總名備首飾也幘者韜髮之巾所以整嬾

髮也常在冠下或但單著之冠幘非一稱也韜吐高反嬾初

責反補曰冠首飾說文紒也所以紒髮世本黃帝作冕冕俛也後高前下有俛俯之形夏母追殷章甫周



委貌俱用緇布而其形殊士冠禮注緇布冠今小吏  
 冠其遺象也詩云緇撮無笄者著頰今未冠笄者著  
 卷幘頰象也滕薛名齒為頰齒古內反說文髮有巾  
 曰幘方言覆結謂之幘巾或謂承露續漢志童子幘  
 無屋示未成人也劉盆子半頭幘卽空頂幘也蔡邕  
 獨斷幘者古之卑賤不冠者之所服也董偃絲幘傳  
 講元帝額有壯髮不欲使人見始進幘服之羣臣皆  
 隨焉然尚無巾如今半頭幘而已王莽無髮乃施巾  
 語曰王莽  
 秃幘施屋簪一名笄簀卽步搖也  
 笄工奚反搖式昭  
 反補曰釋名皇后  
 首飾上有垂珠步則搖之續漢志皇后步搖以黃金  
 為山題貫白珠周冕天子玉笄朱紘詩副笄六珈注  
 副后夫人首飾編髮為之笄衡笄也珈笄飾箋云副  
 既笄而加飾如今步搖上飾士冠禮注笄今之簪史  
 記趙使欲夸楚為瑋瑋簪周禮注副以覆首為飾其  
 遺象若今步絲疏謂在首之時行步絲動簀未詳疑  
 是箇字箇古誨反後漢烏桓傳中國有箇  
 步搖注箇婦人首飾也或為幘志作箇  
 結髮謂作  
 結也紐謂結之鬢也凡結之可解者曰紐  
 鬢正位反  
 補曰作結

音髻縮髮也髻屈髮髻總髮也周禮注編者編列髮為之其遺象若今假紒也土昏禮注纒韜髮說文髻簪結也解古拜反廣韻髻假髻髻音副續漢志皇后假髻步搖簪珥

頭頰頰頰眉目耳頰音過頰之劣反一作准眉一作麋

叶舅甫田籽叶畝有駝子叶有離騷芷叶晦古韻通漢敘傳始叶有

頭者首之總名也頰頰也補曰方言中夏謂之頰東

垠堦也說頰鼻莖也補曰孟子頰兩頰之權也補曰

策准頰權衡史記高祖隆準服虔曰準音拙應劭曰頰權準也許負云鼻頭為準廣韻頰面秀骨眉

在目上之毛也補曰眉荀子太玄目眼也耳主聽者

也補曰淮南子堯眉八彩舜二瞳子禹耳參漏說卦乾為首坤為腹震為足巽為股坎為耳離為目艮

為手兌為口國語耳目心之樞機也

鼻口脣舌斷牙齒斷魚斤反音

鼻所以引氣也口所以言食也脣口端也補曰荀子

腥臊孟子口之於味也鼻舌主知味又所以言也斷

齒根肉也補曰易咸其輔頰舌太玄珠齒牡齒曰牙

齒者總謂口中之骨主齧齧者也齧仕客反齧五結

曰病從口入禍從口出晉語史蘓占之曰遇北挾以

街骨齒牙為猾男八月而齒生八歲而齒女七月而

頰頤頤項肩臂肘頤居郢反

面兩旁曰頰下頷曰頤補曰方言南楚謂之頷秦晉

嗑觀我頤頭莖也項謂頤後頭下也肩膊音博也臂手

上也

補曰孟子失其臂背太玄何福滿肩賈

肘臂曲

節也

補曰家語舒肘知尋肘寸口手腕動脈處也弟子職亦有據膝毋有隱肘

捲腕節爪拇指手

捲一作拳巨負反腕一作腕烏貫反爪一作搔拇我后反

捲謂掌握也

補曰史記孫子傳控捲即拳也淮南子

之腕手臂之節也

補曰字又作腕擊史記搯腕自言貌

手足擊

節衆指之節也爪指甲也

補曰說文覆手曰爪古文作又手足

甲也亦作蚤荀

子爭利如蚤甲 拇大指也一名將指指總謂衆指也

將子亮反又讀如本字

補曰易咸其拇儀禮鄉射疏

第三指為將指左傳闔廬傷將

指注足大指春秋正義手五指之名曰巨指食指將

指無名指小指小指亦曰季指

及掌謂之手 補曰內則子能

食食教以右手注左陽右陰

女拜尚右手注左陽右陰

脾腴胷喉咽髑脾音身以人反胸一作匈脇一作脊音宛咽音烟髑音偶

脾夾脊肉也補曰脾胸也易咸其脢脾謂之脢腴腹下肥也胷

膺上也脇助音勒也補曰說文公駢脇喉即喉嚨咽所

以吞咽一見反物也補曰詩王之喉舌韓詩外傳喉咽

鼓嚙胡說文喉咽也咽嗑也嚙喉也髑肩前也補曰詩傳殺中髑

### 腸胃腹肝肺心主

腸大小腸也胃穀府也補曰韓詩外傳大腸者轉輸之府小腸者受成之府釋名

腸暢也通暢胃氣也素問脾胃倉廩之官胃者水穀之海白虎通大小腸心之府腸為胃紀胃為脾府心

為支體心腹者肚杜音之總名謂之腹者取厚為義也故有兩府

肝木藏也肺金藏也補曰詩自雷肺為氣心火藏也

主者言心最在中央為諸藏之所主藏徂浪反補曰

虛以治五官是之謂天君太玄藏心于淵美厥靈根

素問心者君主之官神明出焉通釋心者人之本也

脾腎五藏臄齊乳臄音輦又音毗一作肥

脾土藏也腎水藏也五藏總謂脾肺肝心腎也補曰

腎作疆之官文子臄齊即毗齊也毗步迷反補曰說

文齊毗齋也廣韻

尻髓脊脊腰背呂尻苦高反髓音

尻椎也連椎音誰補曰東方朔傳尻益高髓髀上也髀音

陸又必尔反黃氏曰髓兩股間補曰賈髓曰髓髀之所非斤則斧注髀股骨也膂夾脊內肉

也呂脊骨也補曰要身十也今作腰背脊也詩旅力

背廣韻呂太嶽為禹心呂之臣故封呂侯易艮其限列其夤限身上下之際即腰膝也黃膺也

股脚膝臏脛為柱臏音牝一作臏脛尸定反脚一作脚

股髀肉也補曰脛本日股脚說文脛也膝

脛頭節也臏膝蓋也脛胛骨也胛音衡下更反黃氏

補曰古臏刑去膝說文臏膝端也胛為柱者言在體

髀之下總裁眾支如屋之有柱也

蹲踞跟踵相近聚蹲一作踞並時亮反踞戶把反跟音根近其靳反

蹲腓肥音腸長音也字或作腓其音亦同補曰易咸其腓

行則先動鄭云腓腸也腓市衡反說踝足之內外踝

也足後曰跟亦謂之踵跟猶根也下著於地如木根

也踵者鍾也上體任之力所鍾聚也補曰莊子真人之息以踵機發

於踵孟子摩頂放踵著直略反相近聚者蹲踞及跟踵不離迹也補曰

風俗通曰涉始於足足率十寸十寸則尺一躍三尺法天地人再躍則涉

矛鋌鑲盾刃刀鉤鋌時連反鑲音襄又音攘

矛酋在由反矛也長二丈補曰方言或謂之曰凡矛骸細如鴈脰者謂之鶴膝上大

下小詩畝矛三隅矛也周禮車之五兵有酋矛夷矛酋矛常存四尺夷矛三尋說文酋矛建於兵車吳越

春秋越以屈鋌鐵把小矛也江淮吳越或謂之鋌把音

霸鏹式支反音施補曰方言鋌音蟬或謂之縱鼂錯

賦藏鏹鏹之地長戟二不當一西京賦鋌不苟躍吳都於人鑲者亦刀劍之類其刃却偃而外利所以推



攘人羊反而害人補曰鉤盾一名敵亦謂之干即今

旁排也敵音伐黃氏曰盾作楫補曰詩蒙伐有苑注

以扞身蔽目山海經有獸載敵方言盾關東謂之敵

或謂之干關西謂之盾釋名盾逐也跪其後避之以

隱逃也彭排軍器也彭旁也在旁排敵御攻也周禮

司兵掌五盾注干櫓之屬其名未盡聞疏云朱干中

干及櫓其二未聞詩龍盾之合盾所以蔽身國語文

犀之渠謂楯也韓子曰趙簡子犀楯犀櫓左傳樂祁

楯楊刃總言諸兵刃也刀大小衆刀也補曰考工記

大刃刀劍之屬又曰鑠金以為鉤亦鑲屬也形曲如

刃鄭之刀周禮寶赤刀孟勞黃氏曰鉤兵器補曰

鉤而內利所以拘牽而害人漢書韓延壽鑄鉤鐔

注鉤似劍而曲所以鉤殺人廣韻劍屬吳郡

鍬戟鉞鎔劔鐔鑊鍬音淫又音尋又徒南反鑊音侯

鍛短矛也戟枝刃之矛也楚謂之子

古薛反黃氏曰鍛音澀戟也補

日說文鍛鋌也左傳楚武王授師子焉方言戟楚謂之射凡戟而無刃秦晉謂之鎗吳揚謂之戈東齊秦

晉謂其大者曰鏐胡其曲者謂之鈎鈇鏐胡注即今雞鳴句矛戟小爾雅戈句矛戟也釋名戟格也旁有

枝格也說文戟有枝兵也史記趙良曰操闕戟亦作銀續漢輿服志大駕有闕戟注闕函也取四戟函車

邊東京賦闕戟鞞輻闕與鈇音義同鹵簿記鈇戟制如戟兵交龍掌而有小橫木鈇插也木插車旁戟一

作鍛所拜反史記賈生曰句戟長鍛說文鍛鈇有鐔也一日鈇侶兩刃刀鈇大刀也刃端

可以披決因取名云黃氏曰鈇劔如刀裝者補曰方

傳虞人以鈇盾夾之史記吳王僚左右皆持長鏑謂鏑功臣表張說以執鈇入漢周竈以長鈇都尉鏑謂

刀之鏑所留反刃為道者也亦取其創含容之義創初

鐔劔刃之本入把音霸者也補曰莊子說劔周宋為鐔

劍喉也又曰侶劍而小候劍口也補曰西都賦列刃  
歷又曰劍口旁橫出者攢候爾雅金鏃剪  
羽謂之鏃箭鏃也方言箭江淮謂之鏃廣韻刀劍頭  
纏絲為緹音鉤史記馮驩劍劓緹音侯謂劍把以小  
繩纏之

弓弩箭矢鎧兜鉞

弩奴古反鎧苦代反兜  
丁侯反鉞一作鏊音矛

以角曰弓以木曰弧一曰有緣謂之弓無緣謂之弭

古者揮作弓

弭莫尔反緣弋緇反揮許韋反補曰易  
弦木為弧說文弧木弓釋名弓穹也張

之穹穹然也其末曰簫又謂之弭荀子倕作弓墨子  
羿作弓爾雅注緣者繳纏之即今宛轉也弭今之角

弓也詩象弭  
左傳鞭弭

弓之施臂而機發者曰弩

補曰古史考  
黃帝作弩周

司弓矢掌四弩六韜有大黃參連弩漢有望遠連  
弩射法將軍有強弩積弩之名南郡有發弩官

竹曰箭以木曰矢古者夷牟作矢

補曰易剡木為矢  
書垂之竹矢古者

每一弓百矢方言關東謂之矢關西曰箭國語肅慎貢楛矢周禮司弓矢掌八矢字統箭者竹之別形小身大葉為矢因謂矢為箭左傳注蒲可以為箭

也古謂之胄

丈救反補曰甲身鎧也周禮疏古用皮謂之甲今用金謂之鎧詩貝胄朱紱文

飾以朱紱綴之廣韻兜鍪首鎧亦作鞞漢書注鞞鞞鍪鍪二字從金蓋用鐵為之

鐵錘櫓杖稅秘投

鐵一作扶錘音推一作槌櫓陟瓜反稅他活反大脫秘音祕投一作及市

朱反投叶音投詩下武孚叶求陸士衡詩趨叶謳古韻通

鐵錘以鐵為錘若今之稱

尺證反

錘亦可以擊人故從

兵器之例張良所用擊秦副車即此物也

補曰廣韻鎚金鎚又

權也文字音義從垂亦通張良傳云鐵椎說文椎擊也齊謂之終葵廣雅終葵椎也

麤者曰櫓

細者曰杖稅小楮也

步項反

今俗呼為袖稅言可藏於

懷袖之中也

黃氏曰稅大棒補曰左傳注策馬槲字書槲與適同廣韻捶也淮南子袖稅而

狎大漢禰衡傳手持三尺稅杖說文杖持也稅木杖也他活反又之說反拵稅也秘攢也攢祖

官謂積竹之杖也一曰秘者總言矛戟之把也

音霸黃氏

曰秘音筆矛柄補曰左傳剝圭以為鉞秘注斧柄廣韻戟柄攢亦謂之廬亦曰矜考工記注廬矛戟矜秘

也矜其中反秦多細木善作矜秘說文攢積竹杖也通釋云卽矛戟柄合竹木為之昌邑王賀傳道買積

竹杖注合竹作杖也投亦杖名也古者以積竹八觚為及長一

丈二尺建於兵車旅賁音奔以先驅而軍士所執及者

名之投司馬法曰執羽從投是也投與及音同一曰

投及古今字也

黃氏曰投卽及也補曰釋名及殊也有所撞挫於車上使殊离也詩伯也

執及注及長丈二而無刃方言三刃枝楚謂之偃戟其柄關西謂之柅或謂之及西京賦注及杖也入稜





坎坎伐輻兮易輿說輻老子三十輻共一轂注三十輻法月數轂中有孔故衆輻共湊之大戴禮三十輻以象月曲禮顧不過轂考工記行澤欲短轂行山者欲長轂詩暢轂長轂也兵車之轂長三尺二寸大車之轂長尺半兵車之轂比輶轂端之鐵也轄豎貫軸之爲長轂所以貫車輪

頭制轂之鐵也黃氏曰轄車轂端鐵轄車軸頭鐵補曰說文轄轂端錯也方言關東西曰

轄南楚曰軼音大趙魏間曰鍊鑄左傳巾車脂轄續漢志乘輿車貳轂兩轄說文轄鍵也又作牽廣韻作

錮轄車輶也關西謂之輶言其柔曲也補曰考工記車人行澤者

反輶行山仄輶說文輶車輶也通釋一曰牙一曰渠廣韻輶車輶輶車輶考工記注牙謂輪輶渠謂車輶

所謂牙或謂之轉言其絲連也轉字或作輶其音同牙音迓

黃氏本作輶補曰長轂之輶朱而約之詩約輶廣雅輶篆考工記客轂必直陳篆必正傳轂卽約輶輶

者轂中之空受軸處也補曰輶當作操山樞反又音



也讀若藪通釋云車轂中貫軸處周禮作藪素口反  
拊其藪注謂藪空壺中衆輻之所趨也藪素口反

軾軾軫軫軾軾軾  
軾音只軾之忍反軾音零軾音儀又  
音蟻軾音納 衡叶戶郎反見詩采

芑闕宮  
楚辭

軾軸兩頭也一日輪之小穿也補曰考丁記注立者為軾橫者為軾軾軾

未也小穿也杜子春注軾兩轆也軾車前橫木也補曰軾車橫覆膝人所馮以為敬左

傳君馮軾而觀之禮記國君撫式有車必見其軾軾車後橫木也補曰大戴禮云軾方

以象地方言軾謂之枕軾兩轆之系也故路車之轆施小旛孚

反者謂之飛軾軾一日車轂間橫竹也補曰軾車軾下縱橫木也太玄

車軾馬駟說文軾車轆間橫木也漢太僕屬官有路軾令丞注軾今小馬車曲輿曲禮僕展軾效駕音義

軾車轆頭鞣也音組束京賦軾車衡上貫轡環也黃

日車衡載轡者補曰爾雅載轡謂之轡注云車輓上環轡所貫也說文通釋馬口旁鐵為轡東京賦龍輅

華輅駟馬內轡繫軾前者也補曰詩鑿以履輅正義云謂白金飾皮為履以

納物也四馬八轡經傳皆言六轡明有二衡者橫也轡當繫之荀子三公奉輓持納注納輅同

橫木在馬頸上者補曰詩錯衡論語倚於衡注衡輓也論語注輓者輓端橫木以

縛輓軌者輓端上曲以鈎衡

蓋輅俛柅縛棠輅音老俛匹詣反俛音詣柅音厄一作柅縛如字

蓋車上蓋也補曰上官桀奉蓋雖風常屬車下蓋輅御考工記輪人為蓋蓋崇十尺乘車無

蓋禮所輅蓋弓之施爪者也謂之輅者言若屋之椽

輅也補曰大戴禮蓋圓以象天二十八椽以象列星說文椽蓋弓一曰輻也通釋輅車椽也乘車二

十八考工記注弓蓋輅也黃氏曰輅車軸俛俛持蓋之杠在軾中央環為

之所以止蓋弓之前卻也

杠音江補曰考工記注程蓋杠也杠長八尺程音盈

唐鹵簿有俾倪十二古今注曲蓋太公所作漢乘與用四謂鞞輓有軍號者賜其一今日睥睨如花蓋而

小柄在衡上所以扼持牛馬之頸也

補曰輓車轅前衡也亦作柄說

文親轅前也鞞輓下曲者柄大車輓莊子加之以衡扼續漢志乘輿龍首銜輓游俠傳鞞牛注鞞輓也其

俱反左傳射兩鞞注車輓卷者一云車輓兩邊又馬頸者縛在車下主縛軸令與

相連即今所謂鉤心也

補曰說文輓車軸縛也易曰輿說輓左傳車說其輓輓音

服車下縛也一云伏菟考工記鑿其鉤注鉤心說文又云鞞車衡三束也曲輓鞞縛直輓鞞縛音鑽簞

所春反棠蹠也在車兩旁以蹂距幟使不得以崎也

蹠丈庚反又丑庚反幟丘偃反崎丘宜反補曰廣韻

棠車音堂賈誼新書晉楚交戰置師於兩棠說文整車棠結也讀若誓蒼頡篇帛張車上為幟說文幟車幔也

轡勒鞅鞹鞹鞹鞹

鞹許見反鞹音半  
鞹音姜一作鞹

在首曰轡亦謂之勒在頸曰鞅在掖曰鞹在足曰鞹

掖音弋補曰爾雅轡首謂之革注轡鞅勒說文勒馬  
頭絡御也鞅古謂之纓左傳掉鞅而還又曰鞹鞹鞅

鞹注在背曰鞹說文作鞹云著掖皮在胸曰鞹余刃  
反又徐刃反說文引軸也在腹曰鞅說文頸鞹也音

祖在後曰鞹一曰鞹絡頭也謂勒之無銜者也補曰  
鞹也詩倬革鞹也

云連之以鞹馬通也鞹馬紉也凡此皆所以制御馬  
作鞹說文勒馬鞹也

者也補曰鞹馬紉說文鞹馬紉也離騷鞹鞹注鞹在  
口曰鞹革絡頭口鞹宋五行志白馬紫游鞹

鞹鞅鞅鞅鞅鞅鞅鞅音因一作茵鞅音伏鞅音杜鞅

鞹車中所坐蓐也黃氏曰鞹車席補曰詩文茵疏云  
車上之蓐說文茵車重席鞹司馬

相如說茵從革鞅韋囊在車中人所憑伏也今謂之隱囊  
於

斬反黃氏曰鞞車具補曰鞞車中重薦也重丈龍

亦作鞞鞞說文鞞車鞞也反黃氏

日鞞鞞也補曰廣韻鞞鞞鞞別名一

云鞞鞞又云鞞鞞盛箭室音步叙 鞍所以被馬取

其安也補曰說文鞍馬鞍具也公羊 鑣即馬轡之銜

也亦謂之鑣鑣之言苞也所以包斂馬口者也或曰

鑣者銜兩傍之鐵今之排沫音未是也鑣魚列反補曰

注馬勒旁鐵詩輶車鑣又和鸞離離注在鑣曰鸞

傅玄乘輿馬賦注鸞在馬勒鑣續漢志乘輿插翟象

鑣赤扇汗詩朱幘鑣鑣注人君以朱纏鑣扇汗且以

為飾鑣馬銜外鐵也一名扇汗又曰排抹說文幘馬

纏扇汗也黃氏 錫馬面上飾也以金銅為之俗謂之

日鑣馬銜也

當盧黃氏曰錫馬額飾補曰說文錫馬頭飾也一日

詩鈞鷹鏤錫箋云眉上日錫刻金飾之令當盧也正

其音同  
顛音盧

靳鞞鞞色焜煌

靳居釁反鞞余忍反又居覲反鞞音茸又而用反一作茸鞞他協反焜胡

反本

靳驂馬之帶也

補曰左傳如驂之從靳注靳車中馬如驂馬之隨靳說文當膺也靳固也

靳制其行也

鞞謂當胸者也

黃氏本鞞作鞞補曰說文鞞引軸也史記馮驩曰游士憑

軾結鞞左傳郵良曰我兩鞞將絕吾能止之我御之上也詩注鞞所以引也

鞞鞞以毛毳

飾鞍也

黃氏曰茸鞞飾紫茸題頭補曰說文鞞鞞毳飾也鞞鞞也廣韻鞞亦作鞞御書竹茸魏

百官名有紫茸題頭高橋鞍

色焜煌者言其光采盛也

補曰說文焜煌也左

傳云焜耀方

革鞞髮漆油黑蒼

鞞音色髮音休

革鞮車藉之交革也一日重革之幘所以覆車答也

答車前曲欄也

藉材夜反重丈龍反幘莫歷反答音零黃氏曰鞮車馬絡帶補曰廣韻鞮

車藉交革詩淺幘注幘覆式也禮記作幣周禮作襍皆以有毛之皮為幣幣覆蓋之名覆在軾上廣韻幣

車覆輪也音覓髮漆者以漆漆之油者以油油之皆所以為

光色而御塵泥其色或黑或蒼故云黑蒼也

黃氏曰髮漆赤

多黑少補曰周禮士乘棧車不革鞮而漆之駢車髮飾赤多黑少之色韋也士昏禮乘墨車有漆飾漢黃

霸傳別駕主簿車緹油屏泥於軾前續漢志小使車赤屏泥油二千石阜益除吏赤畫杠其餘皆青漢

書注以漆漆物謂之髮貨殖傳陳夏十畝黍說文木汁可以髮物油膏也

### 室宅廬舍樓殿堂

室止謂一室耳

補曰呂氏春秋高元作室爾雅宮謂之室風俗通室其外也宮其內也釋

名室實也人物實滿其中也廣韻房也白虎通黃帝作宮室世本禹作宮室莊子有虞氏之宮湯武之室

詩入此宅總言院宇之中也院于眷反補曰釋名宅室處擇吉處而營之也

說文宅託也左傳齊景公欲更晏子之宅書序魯共王壞孔子舊宅廬別室也一曰田

野之室也補曰詩中田有廬于時廬旅周禮國野之道十里有廬左傳宋子罕曰有闔廬以辟

燥濕舍謂人於其中舍息也補曰史記孟嘗君有傳寒暑舍幸舍代舍漢田延年

獨居齊舍劉淑立精舍講授又甲第曰甲舍官舍曰寺舍息止之處曰次舍修飾埽除曰除舍周禮注舍

猶宮樓謂重屋離樓然也補曰爾雅陝而修曲曰樓初學記公玉帶上黃帝明

堂圖為複道上有樓從西南入殿謂室之崇麗有殿蓋樓之始也孟子上宮注樓也

鄂者也鄂五各反補曰燕禮當東雷注人君為殿屋也疏云漢時殿屋四向流水莊子說劍云入

殿門不趨事物紀原殿取衆屋擁從如軍之殿周益公曰天子殿中初見商子定分篇臣侍殿上兵陳殿



下後載史記荆軻傳大抵秦制也凡正室之有基者

則謂之堂

補曰詩自堂徂基禮言天子之堂未有階殿者摯虞決疑要注殿則有階陛堂有階

無陛演義曰堂當也當正向陽之屋鼃錯云有一堂

二內一堂門戶之閉二內二房也爾雅門側之堂謂

之塾注夾門堂也堂途謂之陳注堂下至門徑也堂上謂之行堂下謂之步

門戶井竈廡困京

廡音舞困丘倫反京叶居良反見詩定之方中下泉正月甫田大明公

劉

大曰門小曰戶

補曰爾雅宮中之門謂之闈其小者謂之閨說文戶護也半門為戶詩西

南其戶注西鄉戶東鄉戶也塞向

井所以汲也

補曰周書

堙戶注向北出牖也庶人葦戶黃帝穿井世本云化益作井

竈所以炊也

補曰周禮

宋衷云伯益也廣雅井深也今之竈疏云周禮儀禮皆言爨論語祭法言廡周屋

也廡謂輜覆之也

輜音舞字从巾補曰漢召信臣傳屋廡四周室也禮記注夏屋今之

門廡也說文堂下周室後漢書注廡廊屋也張酺作棗蓋廡

困園倉也京方倉也

一曰京之言矜也寶貴之物可矜惜者藏於其中也

補曰詩取禾三百困月令修困倉史記倉公傳京下方石注京者倉廩之屬管子云新成困京注大困者

京說文園謂之困方謂之京

椳椳椳椳瓦屋梁

椳音衰楚危反椳音傳一作椳音綿椳音薄椳音盧

椳即椳也亦名為椳

音角補曰爾雅椳謂之椳孟子椳題數尺題頭也上林賦華椳

壁璫唐虞椳椳左傳宋代鄭以大宮之椳歸為盧門之椳趙世家魏獻榮椳詩松椳有椳春秋刻桓宮椳

說文椳方曰椳秦名為屋椳周謂之椳齊魯謂之椳廣韻椳屋椳

椳椳柱上之椳也

自陝以西呼之為椳

椳工奚反椳音沓補曰明堂位山節藻梲注刻椳盧為山畫侏

儒柱為藻文構櫨皆短柱構一名  
瓦屋以瓦覆屋也

榑櫨一名棗廣韻櫨柱上木也  
補曰呂氏春秋注築作瓦史記龜策傳築為瓦室注

世本日昆吾作陶博物記亦云築作瓦蓋是昆吾為  
築作也漢書屋

版瓦大瓦也  
梁屋上梁也一名末廂  
末音亡又音

補曰說文末屋大梁也爾雅末廂謂之梁注屋大梁  
也相謂之梁注門戶上橫梁太玄柱不中梁不

廈  
說文榜屋聯榜  
楊  
作綿  
楊

泥塗堊壁垣墻  
堊音惡堊許既反  
必亦反垣音完

泥塗作泥以塗飾之及塞隙穴也堊白土也堊仰塗

也  
補曰廣韻泥水和土也爾雅牆謂之堊注曰飾牆  
也山海經陸郟音跪之山其下多堊大次之山其

陽多堊注堊似土白色周禮守祧其祧則黝堊之匠  
人白盛注以屋灰堊牆飾成宮室書惟其塗堊茨莊  
子郢人堊漫其鼻端揚雄傳云獲人注云古之善塗  
堊者堊今之仰泥也說文朽所以塗也秦謂之朽關

東謂之墁左傳朽人以壁辟也辟御風雨也垣援也時與館宮室論論作朽

人所依阻以為援衛也牆郭也所以自郭蔽也援于

又于倦反郭音章補曰司馬相如徒四壁立書若作

室家既勤垣墉注卑曰垣高曰墉詩之子于垣正義

垣牆也爾雅牆謂之墉淮

南子舜作室築牆茨屋

榦植築板度圓方榦音貞裁才代反又音再度待洛反

榦植築牆之植木謂豎立者也植直吏反補曰說文

木也榦築牆耑木也兩旁木以制板書費誓時乃植

榦甲戌我惟築注題曰植旁曰榦左傳為艾獵城沂

平板榦注榦植也板榦立木兩旁板牆板也栽築牆

所以障土太玄金榦玉植靡于城板牆板也栽築牆

也補曰左傳宋城華元為植巡功注植將主也城成

而栽說文云築牆長版詩縮版以載箋云以索縮其

築版上下相承而起孟子傳說舉於版築之間漢書

注牆版版也築杵也郭璞三蒼解  
詁板牆上下板築杵頭鐵脊也 度圓方者量計所

宜先立基址然後築也詩曰縮版以載補曰左傳城

成周揣高卑度厚薄

擊壘擊音激壘力軌反一作 擊音膾古外反廢音救

擊者抑泥土為之令其堅激也擊壘累擊而為郭蔽

也郭之一 亮反 一曰壘軍壁也補曰說文索擊也力軌反

築擊白給廣韻壘重壘國補曰趙世

燒芻刈草補曰廢馬舍也釋名廢聚

校詩乘庫兵車所藏也補曰樂記武王車甲衅而藏

府庫充此東箱東序之屋也補曰觀禮几俟于東箱

之處漢周昌傳東箱注正寢之東西室皆曰箱言似箱篋之形說文廂廊也上林賦青龍蚺蟠於東箱

屏廁清溷糞土壤屏必郢反廁初吏反清一作固溷胡因反壤叶音攘

屏僻宴之名也僻匹亦反補曰屏蔽也爾雅屏謂之樹廣雅罍愚謂之屏風俗通卿大夫

帷士以廉以自彰蔽說文屏蔽也廁之言側也亦謂僻側也清言其

處特異餘所常當加潔清也溷者目其穢濁也屏廁

清溷其實一耳補曰說文廁清也溷廁也釋名曰廁雜也言人雜廁其上也張敖傳安之

置廁漢書注賈逵解周官云淪行清也淪音投國語謂之豕牢後漢李膺傳謂之溷軒固音清廁也柔

土曰壤言屏廁之地以糞穢則其土為壤也補曰論語糞土

之墻禹貢注無塊曰壤或云糞謂糞治月令可以糞田疇孟子曰凶年糞其田而不足

確磴扇墮春簸揚確音對得悔反磴五對反墮音頽一作穢音頽春傷容反簸波我反揚一作穢

碓所以舂也磴所以礪莫賀反也亦謂之硨千對反

古者雍說文父作春魯班作磴補曰廣雅礪礪也

杜預作連機礪孔融論曰水礪之巧勝於聖人之斷

木掘地呂氏春秋赤冀作曰說文舂擣粟也磴磨也

世木公輸般作磴古者掘地為曰其後穿木石晉王

戎有水磴唐李元紘傳權家旁渠立磴說文礪石磴

也扇扇車也隤扇車之道也隤字或作隤隤之言墜

也言既扇之且令墜下也春則簸之揚之所以除穢

秕也揚字或作颺音義同秕音比補曰廣韻隤下墜

簸或蹂說文或簸或音書若粟之有秕周禮有舂人

女舂枕二人注枕并曰也音由詩箋米之率糲十稗

頃町畝畦埒封明徒頂反埒音劣封叶鋤韻

田百畝為頃平地為町一曰町治田處也

補曰左傳楚為掩町

原防注為小頃町說文田踐處曰町

周制百步為畝自漢以來二百四

十步為畝田邊謂之界田區謂之畦今之種稻及菜

為畦者取名於此一說五十畝曰畦埒者田間埒道

也一說謂庫垣也今之圃或為短牆蓋埒之謂也封

謂聚土以為田之分界也

埒音眉庫音婢補曰孟子曰經界既正說文界境也

鹽鐵論武帝制田二百四十步為畝竇儼曰小畝步百周制

也中畝二百四十漢制也大畝三百六十齊制也今

用中畝周禮稻人注列田之畦埒也封人注謂邊埒

埒說文田五十畝曰畦食貨志菜茹有畦注畦區也

汜勝之書上農區田列子林類拾遺穗於故畦莊子

漢陰丈人為圃畦左傳子產田有封洫又曰封畛土

畧東方朔傳提封頃畝說文封从之从土从寸各之



其土也

疆畔伯耒犁鋤  
畔薄半反  
作陌一作佰耒力對反  
犂力兮反  
鋤

鉏一作

疆比田之界也比頻  
寐反  
畔分半田之際也補曰國語修

境也畔界也  
史記舜耕歷山人皆讓畔  
詩我疆我理  
東南其畝左傳如農之有畔說文廣韻疆界也  
畔田

界也畷兩伯間豎道也  
黃氏曰畷井田間道  
補曰禮記

井間之處詩云為下國  
畷郵吳都賦畷無數說文

畷兩陌間道也廣六尺  
畷井田間陌也  
漢地理志商

君制轅田開阡陌  
南北曰阡東西曰陌  
商君傳謂田

史記伯音耒手耕曲木也古者倕作耒  
今之曲把  
耒

車人為耒國語耒耜柳芟耒耜上句木也夏小  
正農緯厥耒說文耒廣五寸為伐二伐為耦

耕具也犁之言利則發土而絕草根也補曰山海經

耕廣韻犁墾田器后稷之孫叔均所作周禮疏周時  
未育牛耕至漢趙過始教民牛耕周益公曰疑耕犁

起於春秋之間故孔子有犁牛之言弟子冉耕亦字  
伯牛月令季冬出土牛示農耕早晚賈誼書新序載

鄒穆公曰百姓飽牛而耕暴背而耘大率在秦漢之  
際何待趙過過特教人耦犁其二牛費省而功倍爾

食貨志趙過用耦犁二牛三鋤之言助也助苗去穢  
人平都令光教過以人輓犁

也補曰國語挾其槍刈耨鋤注鋤也莊子銚鋤注

鑄似鉏說文賴除苗間穢也漢杜穉季持鉏自治

閭嚴延年傳莠盛苗穢何可不鉏鉏已見前當

種樹收斂賦稅租斂良

種藝也樹殖也春夏種殖秋冬收斂農之常業也補曰

史記秦所不王者種樹之書孟子曰后斂財曰賦斂

稷教民稼穡樹藝五穀春省耕秋省斂

穀曰稅田稅曰租皆所以供公家之用也補曰漢志賦以足食

賦以足兵魯宣公初稅畝哀公用田賦鄭子產作丘賦秦簡公初租禾孝公初為賦周禮注今之筭泉民或謂之賦漢輕田租什五而稅一卜式曰食租衣稅貢禹曰已奉穀租又出橐稅

拮穫秉把插捌杷拮居運反一作穰穫胡郭反把博下

拔杷蒲巴反叶音權詩瓊叶胡牙叶居楚辭遠遊霞叶除離騷家叶狐史記龜策傳瓊叶徐張儀傳苴音巴古

通韻

拾遺曰拮刈取曰穫補曰漢范冉拮拾自資使兒拮拾麥得五斛易不耕穫詩八月

其穫十月穫拮字或作擗音義皆同補曰國語收擗而丞說文擗拾

也稻載穫濟濟一束曰秉一把曰把補曰詩彼有遺秉疏云秉刈禾之把也說文周禮曰二百

四十斤為秉聘禮云四秉曾注秉謂刈禾盈手之秉  
 筥積名也禾之秉一把米之秉十六斛禾之筥四把  
 也兼持二禾秉持一禾插者擔也兩頭鐵銳所以插

刺禾束而擔之也無齒為捌有齒為杷皆所以推引

聚禾穀也或曰插者鑿也此說失之鑿自有齒名今

此方說收斂之具無涉金鐵非鑿齒之齒也插者擔

丁濫反鐵子廉反擔丁甘反黃氏曰齒春去皮也補  
 曰釋名擔在也在力所勝也都甘反擔負也都濫反

二字義同插刺入也爾雅刺謂之鑿皆古鑿插字說  
 文而春去麥皮廣韻齒春去皮黃氏曰捌無齒杷也

補曰廣韻扒無齒杷也又作捌方言杷宋魏謂之渠  
 挈或謂之渠疏注無齒為扒渠廣韻作淚說文杷收

麥器也通釋杷所以聚也貢禹傳梓中杷土釋  
 名曰齊魯謂四齒杷為權音劬太玄進以權疏

桐梓縱窠榆椿樗樗音踰又七恭反窠一作樗音攄

桐卽今之白桐木也一名榮補曰爾雅榮桐木注卽

梓桐周書時訓清明之日桐始華桐始華桐不華歲

有大寒夏小正三月拂桐芭管子五粟五沃之土宜

桐詩其梓楸類也一名椅於奇反補曰梓如栗而小

楸也楸梓也楸楸也一物四名定之方中言椅又言

梓草木疏曰楸疏理色白生子者爲梓梓實桐皮曰

椅詩其桐其椅維桑與梓必補曰爾

恭敬止商子曰梓者子道也雅從松

葉柏身注尸子謂松柏之補曰公

鼠不知堂密之有美從羊傳注

松猶容也松歲寒後凋在冬補曰爾雅注枌

夏青青廣韻案古文枌作格枌

榆先生葉却著莢皮色白詩東門之枌枌

注白榆也春秋元命包三月榆莢落枌

其音同補曰禹貢荆州貢棗又作樗左傳雍門

椿而木虛惡唯堪薪燎補曰詩薪樗蔽芾其樗惡木

樗五行志河南街郵樗樹注樗樹似  
栳本草栳有花者無莢有莢者無花

槐檀荆棘葉枝扶  
葉一作桑  
槐音回

槐似櫟而葉小又黃色  
櫟音懷補曰爾雅櫟槐大葉  
而黑守宮槐葉晝聶宵炕莊

子槐之生入季春五日而兔目十日而鼠耳更旬而  
始規二旬而葉成古者朝位樹之冬取槐檀之火

檀堅韌木也  
補曰詩伐檀  
可以為車  
荆一名楚  
補曰有牡荆學

記注以棘酸棗之樹也  
一名棊  
音二補曰孟子曰養  
其貳棘注小棘所謂

酸棗詩園有棘其實之食爾雅注樹小實酢棘心赤  
而外有棘故朝位樹之老子師之所處荆棘生焉春

秋繁露軍之所處生以棘  
葉枝扶者言此衆樹枝葉  
楚白虎通景風至棘造實

扶疏分布茂盛也  
補曰葉黃氏本作桑禹貢桑土既  
蠶詩蠶月條桑史記齊魯千畝桑

爾雅女桑榭桑山  
海經帝女之桑



騏驎馳驟怒步超

騏音其驎莫江反驟一作騏仕救反超叶音趨

騏者青驪之馬文如綦也

補曰詩駕我騏馬我馬維騏乘其四騏注騏文也色

之青黑者名爲綦騏驎馬雜色也一日面頰皆白謂

之騏黃氏曰面頰皆白補曰詩爲下國駿厖齊詩作駿騏謂馬也廣韻騏黑馬白面匈奴傳東方盡

騏注騏青馬也疾步曰驟怒步者言其氣盛而行步動作也

超踰越也謂馬之駿者踰越於駑也

駑音奴補曰馳騫也疾驅也詩

載馳載驅驟一作騏曲禮車驅而騏詩載驟駑駑左傳林楚怒馬及衢而騏

以超韻驢者

音如此已解在竺諫朝章中

牂羴羴羴羴羴

牂子桑皮殺音古羴音訐羴音兕羴音非羴音低又都禮反羴音兪

牂吳羊之牝也

補曰詩牂羊墳首爾雅羊牂殺夏羊之牝注謂吳羊白羴牝牂殺夏羊之



牲也

補曰詩俛出童殺注殺羊不童爾雅夏羊注云黑殺羝

殺之牯者為羯謂

劇之也羝亦驟羊也又西方有野羊大角牡者曰羝

牝者曰羝並以時墮角其羝角尤大今人以為鞏橋

羝角差小可以為刀子把爾雅曰羝如羊即謂此也

劇居言反牯加敗反驟音繩羝音原把音霸補曰驟

牯馬史記貨殖傳其民羯羝不均言人性若羊捷捍

說文莧山羊細角者讀若丸本草注莧羊似麋羊羝

角有文俗作羝戶寒反黃氏曰羯羊去勢羝捷羊羝

羊未卒歲也 卒子律反 又子內反 一曰夷羊重百斤者為羝 補曰

夷羊怪獸般之 羝牂羊之牡也 補曰易羝羊觸藩詩

衰夷羊在牧 羝牂羊之牡也 取羝以載注牡羊也

羝夏羊之牡也 黃氏曰羝黑羝補曰爾雅注歸藏曰

兩壺兩羝左傳攘公之羝注羝美也

六畜蕃息豚豕豬 畜許又反蕃音 煩豕一作彘

六畜牛馬羊豕鷄犬人所畜許六反養者也蕃滋也息

生也

補曰周禮庖人注六畜六牲也始養之曰畜將用之曰牲職方氏六擾爾雅馬牛羊彘狗雞六

畜左傳謂其畜之碩大蕃滋也百官表右扶風有掌畜合丞豚謂豕之始生者也

豕者彘之總名也豕之三毛聚者曰豬而而春秋左

氏傳曰既定爾婁豬爾雅曰豕子豬然則亦其通稱

也豕之絕有力者曰豨其牝曰豨婁洛侯反豨音厄

豕負塗羸豕乎躡躡詩有豕白躡丞涉波矣爾雅注豕今亦曰彘江東呼豨方言關東西或謂彘或謂豕

南楚謂之豨其子或謂之豚太立豨殺其牙貨殖傳澤中干足彘莊子監市履豨婁豬求子豬爾雅彘五

尺為豨尸子曰大豕為豨詩壹發五豨發彼小豨

豨獮狡犬野雞獮古瑕反獮扶云反

獮古瑕反獮扶云反狡古卯反犬一作狗

豨牡豕也補曰方言豬北燕謂之豨左傳鄭伯豨狝狝

豕亦謂之豨曰易填豕之牙豕去勢曰豨爾雅豨豨豨

注俗呼小豨豬為豨子廣韻一作豨狝犬匈奴中大犬也鉅口赤身一

曰狝少犬也反式邪謂狗之有懸蹄者也補曰周書王

說文狝少狗也匈奴野雞生在山野鷓鴣鷓鴣天雞

山雞之類皆是也爾雅鷓鴣雉注即鷓鴣也長尾走且

鳴詩有集維鷓雉之健者為鷓鴣尾長六尺說文鷓鴣長

尾雉也乘輿以為防釳著馬頭上又云鷓鴣似雉出上

黨顏氏家訓白黃黑無駁雜色續漢志鷓鴣勇雉也其

闕對一死乃止趙武靈王以表武士上林賦昆雉注

似鶴黃白色說文鷓鴣楚辭鷓鴣雞鳴而悲鳴穆天

子傳鷓鴣飛八百里注即鷓鴣雞也淮南子鉗且大丙

之御軼鷓鴣於姑餘太玄鷓鴣朝飛爾雅鷓鴣天雞注

黑身赤頭鷓鴣雞赤羽逸周書文翰若彩雞成王時蜀

人獻之異苑山雞凡鳥子生而啄食者皆曰雛啄竹反

愛其毛映水則舞雛補曰生而須哺曰鷓自食曰雛方言爵子及雞雛謂之鷓

參柿特精羔犢駒參蘇含反柿音貝

參三歲牛也柿二歲牛也一日長春之牛也補曰爾雅犢體

長柿注犢劇牛也補曰劇以刀去牛勢或作犢莊子

長身者也徐音界說文云驥牛特補曰舜典用特牲一牛

也通釋曰犢犍也音犍特補曰舜典用特牲一牛也世說云千斤犢特羊子曰羔牛子曰犢馬子曰

駒補曰詩獻羔祭非禮記諸侯膳用犢周禮春行羔

從

雄雌牝牡相隨趨牝類引反

飛曰雄雌走曰牝牡詩云雄狐綏綏書稱牝雞無晨

亦互言之無所滯也補曰說文通釋云據爾雅鷓鴣其雄鷓鴣牝庫左傳龍一雌死至

於草木云北荆未嘗言雌雄不可不分又不得偏滯拘執周禮牡鞠牡稗

糟糠汁滓稟莖芻糠本作糠俗從米汁音執滓音第稟古老反莖采臥反芻初俱反一作芻

糟酒粕也粕普各反糠米皮也亦謂之蠱補曰內則稻醴清糟說文糟酒

滓也左傳穀之飛亦為蠱爾雅康謂之蠱注米皮詩釋文糠字亦作康說文糠穀皮也汁滓也

滓尺滓澂也澂音殿一作澂補曰汁古作清左傳猶審反拾滓也周禮酒正注泛者滓滓沈者滓

沈稟禾稗也稗工早反莖細斫稟也芻刈生草也字本作

芻音義同言此皆所以飼牛馬羊豕也補曰說文稗禾莖也春秋

傳或投一秉稗書注稗稟也詩摧之株之箋云摧今莖字又生芻一束書時乃芻芟孟子注草牲曰芻穀

養曰豢尹翁歸傳注  
草斬芻廣韻俗作芻

新錄鄧 質校字

急就篇卷四

顏氏注

凌儀王應麟伯厚甫補註

鳳爵鴻鵠鴈鶩雉

鴻胡篤反  
鶩音木

鳳神鳥也其狀麟前而鹿後虵頸魚尾龍文龜背燕

領鷄喙鶴立鶩思五采備舉一名鷗音偃其雌曰皇下領

感反喙許穢反思息寺反說文鴻前虵後龜背作虎背鶴立作鶴類補曰說文翮古文鳳象形鳳飛羣鳥

從以萬數故以為朋黨字蔡衡對光武云凡鳳有五多赤色者鳳多黃色者鶩雛多青色者鶩多赤色者

鶩鶩多白色者鶩禽經曰青鳳謂之鶩赤鳳謂之鶩黃鳳謂之鶩白鳳謂之鶩紫鳳謂之鶩說文曰五方

神鳥東方曰發明南方曰焦明西方曰鶩鶩北方曰幽昌中央曰鳳凰禽經又曰翼以鳴鳴鳳凰以儀儀

翼爵謂神爵以下衆雜爵也神爵之形或大如鷄黃

喉白頸黑背而腹斑文或大如鳩而背五色

補曰雀之字通

於爵古作斝飲器以爲名象爵之形中有空酒又持之也所以飲器象爵者取其鳴節節足足也宣帝元

康二年詔曰神爵集雍又詔神爵鴻水鳥也其色正

白補曰易鴻漸于干詩鴻飛遵渚曲禮前鵠黃鵠也

一舉千里其鳴聲鵠鵠云補曰鵠有黃鵠有白鵠莊

誓黃鵠之一舉兮知山川之紆曲再舉兮瞻天地鴈

亦鴻類也其色蒼黑補曰大曰鴻小曰鴈禹貢陽鳥

藏曰有鳧鴛鴦有鴈鸕鶿昏禮納采用鴈詩鵞一名

舒鳧卽今之鴨也補曰周禮庶人執鵞取其雉有十

四種其文采皆異焉補曰易離爲雉周禮士執雉取





之性不樹止說文通釋曰鵠虎文無後指大如馬截鬣也廣韻鵠亦作鮑鵠者鵠也關西

謂之鵠鹿山東謂之鵠將來奪皆象其鳴聲也又呼

為錯落亦鶴聲之轉也鶴音倉黃氏曰鵠鵠也補曰廣韻韓詩云孔子渡江見之

異眾莫能名孔子嘗聞河上人歌曰鵠兮鵠兮逆毛哀兮一身九尾長兮鵠鵠也爾雅說文鶴麋鵠也

翳謂凡鳥羽之可隱翳者也舞者所持羽翹以自隱

翳因名為翳云今雅樂文康部所持者即此物也一

曰翳者謂華蓋也今之雉尾扇是其遺象翻徒到反又徒刀反

補曰翳一名鷺鳳類身有五采楚辭駟玉此以鷺音鳥鷺反又鳥計反一作翳司馬相如賦拂翳鳥注

山海經九疑山五采鳥名翳鳥文康部按隋時每奏九部樂終輒奏文康樂一日禮畢出庾亮家謂之

文康樂唐太宗命削去之黃氏本作鷺注曰鷺雉屬似山雞而小補曰說文鷺赤雉也周禮孤服鷺冕一

云駿驤驚鳥也必滅反 雕亦大驚擊音鳥也一名駮反徒端其尾尤

盛故特稱之耳補曰古鵬字作雕籀文作鵬似鷹而

鳥有沸波大鵬也說文雕駮也詩匪駮匪鴛李廣傳射鵬注一名驚翮可以為箭羽山海經云景山多鷲

黑色多力說文曰鷲黑色多子禽經云鷲以周之鷲以就之師曠曰南方有鳥名曰羗鷲黃頭赤日五色

皆備匈奴傳就羽注就大鵬也太玄雕鷹高翔

鳩鴿鷓鴣中網死鷓音晏於諫反中陟仲反

鳩有雜種其名非一鴿鳩鷓鴣鷓鴣鷓鴣鷓鴣尸鳩

之類皆是鴿居物反鷓音葵鷓音及鉅立反鷓音浮補曰爾雅鷓鴣似山鵲而小短尾青黑色

多聲江東亦呼為鷓鴣鷓鴣小黑鳥名自呼江東名為烏鳴鳩鳩今之布穀也江東呼為獲穀一名鷓鴣

方言鳩關西小者謂之鷓鴣今荆鳩也或謂鷓鴣或謂鷓鴣關東其鷓鴣謂之鷓鴣鷓鴣尸鳩燕東北謂之鷓

鳩詩鳩鳩在桑其子七兮左傳祝鳩又鳩音潮似鴉鳩而名鴉鳩鳩鳩即鳩鳩也鳩音役鳩音潮

色青白其鳴聲鴿鴿因以名云補曰楚辭內鴿鴿鴿注鴿似鳩而小青白

說文鳩屬也鴿鴿屬也一名鴿其雄曰鴿雌曰庫其子曰

鳩鴿鳥含反鴿音遼又力召反鴿音皆庠音婢鳩音

文補曰鴿鳥之溘者言上世之俗曰鴿居穀食尾

秃若衣之短結子夏衣若懸鴿列子言蛙化為鴿淮南云蝦蟇為鴿內則公食大夫禮饌有鴿夏小正鴿

鶴也莊子曰未嘗好田而鴿生於矣司馬彪云鴿謂矣東北隅一日東南隅鴿火之地故生鴿也

鴿雀也一名雇今俗呼為鴿爛堆雇音雇堆丁回反

鴿晉語平公射鴿注鴿雇小言此衆鳥皆為人所捕

觸於羅網而致死也補曰詩雉離于羅注鳥網為羅

芒作罔周禮庖人六禽鄭司農云鴈鴉鴿雉鳩鴿網說文作罔

鳶鵲鳴臬驚相視鳶一作一 戴音緣

鳶即今俗所呼老鴟者也補曰詩鳶飛戾天蒼頡解詩鳶即鴟也朱雲曰戴鵲

遭害則仁鳥增逝曲禮前有塵埃則載鳴鳶注鳶鳴則將風 鵲者亦因鳴聲以為

名也其為鳥也知來作巢則避太歲補曰淮南子鵲巢知風之所起

太陰所建鵲巢鄉而為戶禽經曰鳥鳴啞啞鸞鳴嚙嚙嚙鳳鳴啞啞皇鳴啞啞雉鳴啞啞雞鳴啞啞鸞鳴啞啞

鳴啞啞說文鳥者知太歲之所在上巳言鳶下又

言鴟者謂鳩莫項反 鴟茅鴟怪鴟之屬非止一也臬土

臬也補曰爾雅鴟鴞為臬在茅鴟在鴟臬鴟詩有鴟

東郡送臬五月五日補曰驚相視者敘其眾多雜居處也補曰

言畏人而驚諤也

豹狐距虛豺犀兕

距虛一作駮驢

豹似烏塗而圜文

補曰烏塗虎也左傳於菟說文烏塗漢書於擇豹有數種有赤豹山

海經春山多赤豹詩赤豹黃熊陸璣疏云尾赤而文黑有玄豹山海經幽都之山有玄虎玄豹淮南子散

宜生得玄豹王會篇屠州黑豹有白狐妖獸也鬼所

豹別名獮太玄斐如邪如虎豹文如狐

乘補曰易小狐汔濟濡其尾狐性善疑河冰合時聽冰下水無聲乃行狐色赤詩莫赤匪狐雄狐君子

之象秦伐晉筮曰獲其雄狐其狀疏口而大尾青上

狐九尾慎子曰狐白之裘非一狐之皮說文狐有三

德其色中和小前距虛即蛩蛩也似馬而有青色

大後死則丘首

一曰距虛似羸而小

補曰爾雅西方有比肩獸焉與邛邛距虛比為邛邛距虛

齧甘草即有難邛邛距虛負而走其名謂之蟹注呂氏春秋曰北方有獸其名為蟹鼠前而兔後趨則煩走則顛然則邛邛距虛亦宜鼠後而兔前高不得取甘草故須蟹食之今鴈門廣武縣夏屋出中有獸

形如兔而大相負共行土俗名之為蟹鼠音厥穆天  
 子傳邛邛距虛日走五百里周書王會獨鹿貢之爾  
 雅翼云邛邛距虛蓋二獸子虛賦曰蹇蛩蛩麟距虛  
 張揖以為邛邛青獸其狀如馬距虛似羸而小說苑  
 孔子曰蛩蛩距虛見人將來必負壓以走二獸者非  
 性愛蟹也為得甘草而貴之故也然則負蟹者或邛  
 邛或距虛二物不相須也本草稱距虛食菴蔕子而  
 仙則是物之至駿者故昔之言駿馬前類飛鳥後類  
 距虛以其前軒而後輕也豈宜後足若鼠邪 豺深毛而狗足補曰月令季  
 也豈宜後足若鼠邪 豺深毛而狗足秋豺乃祭獸  
 戮禽劉子曰豺形似犬而健於犬家有千金之犀黑  
 犬而無千金之豺說文漢律能捕豺貍購百錢犀黑  
 色似水牛而豬頭大鼻庫婢音脚脚有三蹄其頂額及  
 鼻凡有三角亦有一角者善食棘刺補曰爾雅南方  
 犀象山海經上林賦注犀頭似豬三角脚似象大腹  
 黑色國語巴浦之犀異物志角中有光耀白理自本  
 達末為通天犀援神契曰神靈滋液則犀駭雞戰國  
 策楚獻雞駭之犀於秦王九歎曰棄雞駭於箱篋

兕似野牛而色青重千斤一角角甚大

補曰詩殪此大兕國語唐

叔射兕于徒林殪以為大甲楚辭君王親發兮憚青兕角善觸故曰兕無所投其角古以為觥說文鱣兕

牛角可以飲鄉射禮大夫兕中

狸兔飛颺狼麋磨

颺音吾磨音几

狸一名狶亦謂之貉江淮陳楚謂之為狶其子隸

音狶

邳狶音來貉音毗隸音四補曰狐者狐之類狐口銳而尾大狸口方而身文黃黑彬彬蓋次於豹故稱聖

人虎別君子豹別辯人狸別山鬼乘赤豹從文狸也方言北燕謂之狶音丕狸善搏者也為小步以擬度

焉其發必獲謂之狸步量侯道者法之說文狸伏獸似狸兔其子曰媿絕有力者

欣媿敷萬反補曰爾雅注媿俗呼曰媿古今注兔口有缺尻有九孔論衡曰兔馘毫而孕及其生子從

口吐出齊之良兔曰東郭斂韓愈傳毛穎稱蒙恬取兔毫為筆乃不其然蒙恬所造即秦筆耳以枯木為



管鹿毛為柱羊毛為皮所謂蒼毫非飛鼯一名飛蠋

音又曰鼯鼠亦曰夷由即今俗呼飛生者也補曰爾雅釋鳥

鼯鼠夷由注云狀如小狐似蝙蝠肉翅翅尾項脅毛紫赤色背上蒼艾色腹下黃喙頰雜白脚短爪長尾

三尺許飛且乳亦謂之飛生聲如人呼食火烟能從高赴下不能從下土高吳都賦追飛生上林賦飛蠋

注鼯鼠也唐地理志台州貢飛生鳥狼似青狗走則健願其牡者曰獾

牝者曰狼其子曰獾絕有力者曰迅獾音權獾工弔反迅息刃反補

曰說文狼似犬銳頭白頰高前廣後方言獾關西謂之獾狼貪猛之獸太立狼盈口矢在其後國語如餓

豺狼焉麋似鹿而大冬至則解角目上有眉因以為名

也其牡者曰麋其久反音咎牝者曰麀辰音其子曰麀音絕

有力者曰狄補曰左傳逢澤有介麀焉魏錡見六麀射一麀以顧獻樂伯射麀麗龜國語獸

長麋麋鹿子曰麋麋子曰麋陳軫麋也黃氏曰麋即麋也補曰山海經

曰山澤之獸無黠於麋春秋多麋麋也狗

足爾雅麋大麋旄毛狗足旄毛獵長

麋麋麋皮給履麋俱倫反麋音主麋音京一作麋麋音優一作鹿

麋即今之麋也音章牡者曰麋牛羽反北者曰麋音栗其子

曰麋音助絕有力者曰狝音牽黃氏曰麋即麋也補曰詩作麋齊人謂麋為麋古今

注麋有牙而不能噬淮南子曰鹿之上山獐不能豉也左傳五牲麋鹿麋狼兔肉則庶羞有麋考工記畫

續之事山以章讀為獐塵似鹿尾大而一角談說者飾其尾而

執之以為儀補曰山海經綸山美山多塵周書王會稷慎大

塵又世俘篇武王狩禽塵十有六塵似鹿而大麋似鹿而小華陽國志鄴縣宜君山出麋尾上林賦塵麋說文塵麋屬字從麋似大鹿一角而牛尾補曰麋似主若鹿之主焉

志云粵地山多麀麀一鹿牡者曰麀音加牝者曰麀其

子麀音迷絕有力者曰麀音堅補曰詩麀鹿麀麀鹿

弁以白鹿皮為冠漢皮可以給履為之用也補曰字

武以白鹿皮為幣書云草日扉麻曰屨皮曰履

寒氣泄注腹臏脹張臏音問張臏音問

寒氣中寒冷之氣也補曰醫和曰泄利也言水穀漏

泄也補曰素問春傷於風乃為注者注易之病一人

死一人復得氣相灌注也補曰說文通釋醫家言病

也補曰廣韻脹滿呂氏腹前曰臏脹謂腹鼓脹也補曰春秋處腹則為張為

府左傳晉侯欲麥將食張注云張腹滿也山一曰臏

皮也

補曰說文臚皮也通釋今人亦言皮臚易緯云病臚腫

痂疔疥癩癡聾盲

痂古牙反疔匹婢反音叶七亮反周禮盲聾音望一作忘

痂創上甲也

補曰說文痂乾瘍也通釋曰今謂瘡生肉所蛻乾為痂南史劉邕嗜瘡痂

謂薄者也

黃氏曰疔頭瘍又瘡上甲補曰周禮醫師疔瘍者造焉注疔頭瘍亦謂禿也說文疔

酸瘡也周禮春時有瘡首疾

疥小蟲攻齧皮膚灌

干賄反錯如鱗介

也

補曰說文疥搔也內則注苛疥也周禮夏時有痒疥疾山海經黃蕕浴之已疥越世家子胥曰齊與

吳疥癩也蔡邕曰邊垂之患手足之疥搔

癩惡疾也

補曰癩疾疫民皆病日疫莊子物不疵癩

周禮注癩疾氣不和之疾

癡不慧也

補曰癡神思不足昌邑王賀傳清狂不慧注如今白癡

耳不聞聲曰聾目不見色曰盲也

補曰左傳耳不聽五聲之和為聾目

不別五色之章為昧國語矇矇脩聲聾瞶司火無目於音聲審耳無聞於視審盲一作忘音妄漢王褒傳



體強急難用屈申也字或作疾音義並同黃氏曰疾即張字補

曰說文痙中寒體強急也巨并反廣韻痙風強病也說文疾熱病也丑刃反詩疾如疾首左傳美疾孟子

疾疾與痙字音義異韻亦不叶未詳痙字與脹同疑當作痙叶音痙

痙癩疾狂失響痙音訕又音刪癩加雅反又音還顛一作癩響叶音向

痙腹中氣疾上下引也補曰說文腸痛藝文志有痙方倉公傳齊郎中令帝病診

曰湧痙項處病診曰壯痙癩癩也補曰說文女病也倉公傳潘滿

吾蟻痙廣韻久病腹內顛疾性理顛倒失常亦謂之狂獞葵橘反

妄動作也補曰藝文志有狂顛病方說文作癩揚雄曰臣有癩眩病癩倒也莊子曰陽氣獨上

則為癩病漢王子侯表病狂易注病狂而改易其本性素問多喜曰瘡多怒曰狂甘泉賦扶獞狂失

響者失音不能言也補曰國語豳瘖不可使言文子淮南子曰臯陶瘖

瘧疾痲痛瘻温病

瘧音虐瘵音厥一作瘵瘵病叶音恙

瘧寒熱休作之病言其酷虐也

補曰左傳齊侯疥遂痲注疥瘧疾說文有

熱瘧疥當作痲說文兩日一發之瘧許悼公瘧漢舊儀顓頊子一居江水為瘧鬼周禮秋時有瘧寒疾素

問夏傷於暑秋為瘧疾

瘵者氣從下起上行入心脇也

補曰韓詩外傳

人主之疾有十二其一曰厥無使小民飢寒則厥不作以逆氣喻之扁鵲傳號大子病尸歷易緯病厥眩

素問陽氣衰為寒厥陰氣衰為熱厥列子憤厥之疾注氣疾說文厥逆氣也

瘵積血之病

也

補曰太玄為疾瘵九辯云形銷鑠而瘵傷注瘵血敗也

痛摠謂諸痛也

補曰內則

疾痛苛瘵

瘵者無名之病常漠漠然也一日齊人謂瘵病

曰瘵

瘵側介反補曰瘵病劣也方言瘵瘵病也謂勞復爾雅瘵病也注江東呼病曰瘵東齊曰瘵

温病病於温氣者也

補曰素問冬傷於寒春必温病厥一作癩冉伯牛有疾先儒以

為癩讓漆身為厲音賴說文厲疾  
瘼一作痲音林說文痲病又淋瀝也

消渴歐逆欬瀝讓

歐一作嘔欬苦  
代反瀝與悶同

消渴者引飲不止也

補曰西京雜記司馬相如素有  
消渴疾李通素有消疾注消中

之疾素問多食  
數澁曰消中

嘔逆吐

他故反

而不下食也

補曰左傳  
君將散之

注嘔吐也太玄脂牛正筋不  
濯釜而烹則歐飲之疾至

欬嗽

一作嗽先豆反也

補曰月  
令國多

風欬素問秋傷於溼上逆而  
欬周禮冬時有嗽上氣疾

瀝煩悶也

補曰呂氏春  
秋胃充則中

大輓讀曰瀝倉公傳氣  
高使人煩瀝食不下

讓大便節瀝積而利也

瀝於  
粉反

補曰倉公傳  
不得後澁

癰熱瘰痔眇翳眼

癰音亶瘰音漏痔音時眇充  
支反翳音蔑一作瞶眼音諒

瘰熱黃病也

黃氏曰瘰字應作疽黃病說文但漢反  
補曰詩下民卒瘵左傳荀偃瘵疽藝文



志有癩方倉公傳風癩容腠又肺消癩素問病口甘者五氣之溢也名脾癩病口苦者名臍癩癩熱二病也山海經鯁魚食之不癩醫和曰陽淫熱疾莊子內熱溲膏和癩久創也創初羊反經騰魚可以為癩注癩癩屬中多有蟲柳子曰人之血氣敗逆壅底為癩癩癩痔淮南子雞頭已癩痔蟲食後之病也補曰山海經虎蛟可以已痔眇謂眇

覲目之蔽垢也覲音兜黃氏曰眇目汁凝也補曰穀梁傳音卻克眇韓文公詩兩目眇昏

眇目皆傷赤也皆音漬黃氏曰目眇也補曰宋玉風賦得目為蔑廣韻目赤俗作曠易緯

病目呂氏春秋處眼目視不正也補曰廣韻眼目病目則為曠為盲

雷公論目辟眼瞤有五花而自正五花五加皮

篤癩癩癩迎醫匠癩音隆一作癩

篤重病也癩疲病也補曰爾雅篤困也陳湯曰小臣罷癩高帝紀癩病勿遣史記平

原君傳楚者曰有罷癯之病罷音皮索隱云背疾言腰曲而背癯高也光武紀篤癯謂形穹隆然也

損耗也癯四支不收一作疲癯補曰嵇康養生論積損成衰說文瘵收也一日耗也

癯固病也王制注癯疾廢於人事左傳公族穆子有癯疾月令國多固疾醫匠療病之工

也古者巫彭初作醫療力召反補曰說文醫治病工也醫病聲酒所以治病藝文志

大古有岐伯俞拊中世有扁鵲秦和漢有倉公說苑上古為醫者曰苗父中古為醫者曰俞拊素問上古使僦貸季理色脉而通神明注岐伯祖世之師郭璞巫咸山賦序巫咸以鴻術為帝堯之醫子華子醫者

理也理者意也匠工也漢有醫工長

灸刺和藥逐去邪灸音究刺七賜反又七亦反去起呂反邪叶祥余反詩思無邪思馬斯徂

徐音

灸以火艾灼病也補曰倉公論俞刺以箴刺之也箴

林反補曰南史王僧孺云古者以石爲針說文砭字云以石刺病也東山經高氏之山多針石春秋傳美疾不如惡石注云砭石也季世無復佳石以鐵代之史記扁鵲使弟子子陽厲鍼砥石以取外三陽五會又曰疾在血脉鍼石之所及也帝王世紀黃帝命雷公岐伯教制九鍼素問岐伯曰鑿石鍼艾治其外

和藥合和衆藥也草木金石鳥獸蟲魚之類堪愈疾

者總名爲藥補曰說文藥治病草周禮注五藥草木

志本草石之寒溫量疾病之淺深假藥味之滋因氣感之宜辨五苦六辛致水火之齊以通閉解結反之

於平本草上藥一百二十種爲君主養命以應天中藥一百二十種爲臣主養性以應人下藥一百二十

五種爲佐使主治病以應地三品合三百六十五種法三百六十五度一度應一日以成一歲倍其數合

七百三十名周禮注治合之劑存乎神農子儀之術桐君有藥錄雷公有炮炙論倉公教以和齊湯法

凡人正氣不足則邪氣入體而病生焉故敘攻病云

逐去邪也

補曰呂獻可醫銘察脉之原當於未然不攻而勝庶幾十全愈世之病如持國柄常

使衆邪不得干正

黃芩伏苓礬苳胡

芩音琴其今反礬音豫弋庶反苳古柴字

黃苓一名空腸一名腐腸

腐扶羽反

一名內虛一名妬婦

補曰本草苗長尺餘莖幹粗如筋葉叢生亦有獨莖者葉細長青色兩兩相對說文黃荃

伏苓一

名茯菟生大松樹下蓋松脂所化作也

補曰史記龜策傳下有伏

靈上有兔絲典術云松脂入地千歲為茯苓望松樹赤者下有之

礬礬石也一名青

分一名制石又名澤乳亦曰食鹽

補曰礬性熱有毒說文毒石也出漢

中周禮注醫方有五毒之藥合黃堊置石膽丹砂雄黃礬石慈石其中燒之其烟上著以雞羽掃取之以注創山海經臯塗山有白石名礬可以毒鼠淮南子曰人食礬石死蠶食之不飢廣韻蠶食之肥鼠食之

死 苳胡一名地薰許云反 一名山菜補曰本草銀州為勝莖青紫葉似竹

葉黃花  
青子

牡蒙甘草菀藜蘆菀於阮反

牡蒙一名黃昏補曰本草吳名白功草楚名王孫齊名長孫一名黃孫一名海孫一名蔓

延藥對有牡蒙此一物 甘草一名蜜草一名路音 一名齋音

名大苦補曰詩隰有苓采苓采苓首陽之巔注苓大苦釋文即甘草葉似地黃爾雅注蔓延生葉

似荷青黃莖亦有節節有枝相當本草云調和諸藥號國老說文通釋以義斷情欲為戒若藥家之用甘

草為國老大菀謂紫菀女菀之屬也補曰說文苳菀出漢中房陵本黃為將軍

草紫菀一名紫倩一名青菀 藜蘆一名葱葵他敢一又白者名白菀即女菀也

名山葱補曰本草葉似鬱金蘘荷根若龍膽莖下多毛夏生冬凋

烏喙附子椒芫華

喙許穢反一作喙芫音元華叶芳無反古讀爲敷詩唐棣之華舜華荷華

黍稷方華叶車琚且塗韻說文華草木華也音敷又音吁

烏喙形似烏之背也

背子藥反補曰蘇秦傳飢而不食烏喙本草烏頭一名奚毒一

名烏喙一名毒公華厚莖方中空有兩歧相合如烏喙爾雅芫華草即烏頭也附子附大根

而旁出也此與烏頭側子天雄本同一種但以年歲

遠近爲殊採之有異功用亦別說者云一歲爲側廣雅

作煎子二歲爲烏喙三歲爲附子四歲爲烏頭五歲爲

天雄

補曰後漢霍諝曰療飢於附子鹽鐵論如食煎之充腸謝靈運山居賦三建異形而同出本草

冬月採爲附子春月採爲烏頭側一作椒謂秦椒及

蜀椒也椒之大實者名檄音毀補曰爾雅檄大椒注叢生實大者名爲檄詩椒

聊之實陸璣疏云似茱萸有針刺莖葉堅滑貽我握  
 椒椒之實芬香故以相遺范子計然云蜀椒出武都  
 赤色者善秦椒出天水隴西細者善山海經景山多  
 秦椒注子似椒而細葉本草實大者為秦椒或呼大  
 椒又有蔓椒一名豕  
 椒胡椒生南海諸國  
 芫華一名魚毒漁者煮之以投  
 水中魚則死而浮出故以為名其根曰蜀桑其華可  
 以為藥芫字或作杙爾雅曰杙魚毒郭景純解云大  
 木生南方皮厚汁赤堪藏卵果此說誤耳其生南方  
 用藏卵果者自別一杙木乃左思吳都賦所云絲杙  
 杙櫨者耳非毒魚之杙也  

 杙即椿字補曰本草一名  
 去永一名杜芫其根名蜀  
 桑根紫花頗似紫荊而作穗又似藤花而細一名兒  
 草漢倉公以芫華一撮愈螭瘕魏青牛先生常服之  
 螭音饒山海經  
 首山草多芫芫

半夏阜莢艾橐吾類 莢音

半夏五月苗始生居夏之半故為名也一名地文亦

名守田補曰月令仲夏半夏生本草云五月采者虛小八月采者實大阜莢樹一名

雞栖補曰本草云有三種形如猪牙者良艾一名冰臺一名醫草補曰詩彼

采艾兮注所以療疾孟子七年之病求三年之艾師曠占歲欲疫病草先生橐吾似款冬

而腹中有絲生陸地華黃色一名獸須補曰獸須虎鬚也本草款

冬花一名橐吾一名顯東一名虎鬚一名菟奚爾雅云菟奚類凍注款凍也紫赤華生水中柳子厚柳州

山水記其山多橐吾

芎藭厚朴桂栝樓芎去弓反芎渠弓反栝古活反樓叶力俱反

芎藭一名胡藟一名香果其葉名蘼蕪補曰根曰芎藭苗曰蘼蕪



似蛇牀山海經號山多芎窮洞庭之山多芎窮左傳  
有山鞠窮乎注所以禦溼鞠起弓反本草芎窮莖細  
淮南子謂亂人者若芎窮之與藁本蛇牀之與藤  
蕪其葉香或蒔於園庭芬馨滿徑芎說文作菅厚

朴一名厚皮一名赤朴凡木皮皆謂之朴此樹皮厚

故以厚朴為名其樹亦名榛其子名逐析補曰上林賦注此藥

以皮為用而皮厚本草葉四季不凋紅桂謂菌渠隕反

桂牡桂之屬百藥之長也補曰爾雅棧木桂注南人呼桂厚皮者為木桂葉似

枇杷而大白華不著子叢生巖嶺枝葉冬夏常青間  
無雜木本草謂之牡桂生南海離騷經菌桂本草云

葉似柿而尖狹花白藥黃正栝樓一名果羸一名王

瓜亦曰天瓜禮月令孟夏之月王瓜生鄭康成以為

葷挈非也羸郎果反葷步八反本草菝契挈口黠反補曰詩東山云果羸之實爾雅栝樓葉如

瓜葉形兩兩相值齊人謂之天瓜其實有正圓者銳而長者其根歲久入土深者佳

款東貝母薑狼牙

東一作冬牙叶音虞詩騶虞叶音牙祈父子王之爪牙叶五胡反

款東即款冬也亦曰款凍

東音

以其凌寒叩冰而生故

為此名也生水中華紫赤色一名兔奚亦曰顆東

補曰

傳咸款冬賦序仲冬之月冰凌盈谷積雪被莖顧見款東煒然始敷華豔述征記曰洛水至歲凝厲則款冬茂悅曾冰之中葉似葵而大叢生花出根下本草以款冬為橐吾比又有款冬則橐吾別是一物當攷

貝母一名蟲一名藥實一名茗

本草

華一名勒母其

根正白形頗似貝故呼貝母

補曰本草一名空草一名苦花生晉地葉似大

蒜詩陟彼阿邱言采其蟲注貝母也主療鬱結之疾陸璣疏曰其葉如栝樓而細其子在根下如芋爾雅

荷貝母注根如小貝員而白華葉似韭說文荷武庚反

薑謂生薑乾薑也

補曰說文

藟禦溼之菜呂氏  
春秋和之美者  
狼牙一名牙子一名狼齒又名犬

牙補曰本草云苗綠根黑萌芽若獸之齒  
牙牙故名之六月以前用葉以後用根

遠志續斷參土瓜參山林反瓜叶音狐又攻呼  
反見詩木瓜瓜七月信南山

遠志主益智惠而強志故以為名一名萋繞一名棘

菟其葉名小草亦目其細小也萋烏了反音杏菟於元反補曰爾雅注似

麻黃赤華葉銳而黃其上謂之小草廣雅萋遠志也本草莖葉似大青而小續斷一名接

骨即今所呼續骨木也又有草續斷其葉細而紫色

根亦入藥用補曰本草續斷一名屬折葉似苳莖方兩葉對花紅白根如大薊參謂

人參丹參紫參立參沙參苦參也補曰說文人參藥草出上黨山林切

本草人參一名神草高麗人作讚曰三椹五葉背陽  
向陰飲來求我假樹相尋丹參一名赤參花紫根赤

紫參一名牡蒙葉似槐根皮紫黑玄參一名鹿腸根

青白葉尖長合香用之俗呼為馥草沙參一名虎鬚

一名白參花白根若葵根苦參一名苦識音識一名

地槐葉似槐花黃白齊中大夫病齟齬倉公為苦參

湯土瓜一名菲反芳尾一名芴音勿補曰詩采菲注芴

葉厚而長有毛爾雅注郭璞曰菲芴土瓜也

亭歷桔梗龜骨枯枯音結梗古杏反

亭歷一名丁歷一名葦葦音典補日月令

云薺亭歷之屬爾雅注實葉皆似芥師曠占以為苦

草木草苗葉似薺根白枝莖青花微黃結角子扁小

如黍米立夏後採實桔梗一名利如一名梗草補曰管子五位

薑與桔梗小辛大蒙本草葉似杏葉而長橢圓葉對

生葉名隱忍其根有心無心者乃薺芘也二物頗相

亂莊子曰藥也其實薑也桔梗也龜骨謂龜甲也枯

雞雍也豕零也是時為帝者也

者言其已死骨乾枯也

補曰本草龜甲益氣資智一名神屋鑽遍者名敗龜

雷矢藿菌蓋兔盧

藿胡官反菌渠隕反蓋徐刃反

雷矢即雷丸也又名雷實

補曰本草雷丸竹之苓也無苗蔓累累相連如丸范

子云雷矢出漢中色白者善唐地理志房金州貢雷丸

藿菌一名藿蘆生東海

池澤及渤海章武此藿蘆之地所生菌也舊云是鶴

矢所化故其為藥毒烈而去腹中痼病焉

補曰本草出蘆葦澤

中鹹鹵地自然有此菌非鶴矢所化生也菌色白輕虛

蓋草治久欬殺皮膚小

蟲又可以染黃而作金色

補曰本草葉似竹而細薄莖圓小俗名萊爾雅所謂

王芻今呼鴟腳莎詩終朝采絲箋云王芻

兔盧即兔絲也色黃而細者為

兔絲一名兔縷一名唐一名蒙一名女蘿一名玉女

一名赤網麤而色淺者為兔盧盧亦縷也一名兔纍

纍者繩索之意也

補曰爾雅唐蒙女蘿女蘿菟絲陸  
璣疏云今菟絲蔓延草上黃赤如

金非松蘿松蘿自蔓松上生枝正青與菟絲殊異  
釋文曰在草曰兔絲在本曰松蘿本草一名菟盧

卜問譴崇父母恐

譴去戰反崇息  
遂反問一作夢

言家有不妥所以卜問及云鬼神譴責用致禍崇故

家長恐懼也以龜曰卜

補曰太玄曰疾則藥巫則酌  
故次以卜禱呂氏春秋今世

尚卜筮禱祠故疾病愈來說文崇神禍也左傳晉侯  
有疾卜人曰實沈臺駘為祟楚昭王有疾卜曰河為

崇論語父母  
唯其疾之憂

祠祀社稷叢臘奉

叢一作  
叢音同

祠者伺而祭之祀者祭無已也

補曰曲禮禱祠祭祀  
求福曰禱求得曰祠

漢高帝詔曰吾甚重祠而敬祭長安置祠祀官祀地  
說文祠品物少多文詞也漢律曰祠祗司命

主也稷先農也故求福焉補曰鄭康成云社五土總  
神稷原隰之神句龍后稷

配之秦漢以來民二十五家以上得立社叢謂草木岑尉之所因立神祠

也戰國策曰應侯謂秦昭王恆思有神叢恆思之俾少年與

叢博史記曰吳廣之次所旁叢祠中夜篝火皆謂此

叢也一曰叢者合聚諸神而祭之也補曰詩注灌木  
叢木也太玄

羊示于叢杜注木聚稱叢廣韻叢聚也恆本作桓臘接也廣祭百神也補曰風俗

通云夏日嘉平殷曰清祀周曰大蜡秦漢曰臘蔡邕  
云夏日清祀殷曰嘉平周曰蜡秦曰臘臘者歲終大

祭左傳虞不臘矣非始於秦也奉謂供其柔盛牲特

幣帛以事神也盛音成補曰左氏傳季梁曰奉  
牲以告奉盛以告奉酒醴以告

謁禡塞禱鬼神寵

禡音陽移章反塞先代反一作賽

謁告請也禡道上之祭也

補曰禡一日道神周禮注衍祭美之道中如今祭殤

司巫注就巫下禡音傷郊

特牲鄉人禡注禡彊鬼塞報福也禱求助也

補曰周禮

都宗人注祭謂報塞韓子秦襄王病愈殺生塞禱郊祀志冬塞禱祠注塞謂報其所祈也廣陵王胥傳殺

牛塞禱外戚傳數禱祠解論語子路請禱子曰丘之禱久矣

言既請禱又報賽之

故為鬼神所寵祐也

補曰程子曰鬼神者造化之迹也張子曰鬼神者二氣之良能

也說文古者巫咸初作巫

棺槨榱遣送踊

榱音衛遣音躓踊音勇

言死亡者則為棺槨榱以遣送之隱痛之極故擗

踊也棺所以斂身槨所以斂棺也擗拊心也踊跳躍



也孝經云擗踊哭泣哀以送之

擗芳羽反跳大堯反擗頻亦反黃氏曰擗

小棺槨即槨補曰喪禮有遣奠辟踊哀之至也范氏孝經說曰死者人之大變也為之棺槨者為使人勿惡也擗踊哭泣為使人勿背也措之宅兆為使人勿喪也春秋祭祀為使人勿忘也情文盡於此矣

喪弔悲哀面目腫

喪謂遭喪持喪也於字哭亡為喪弔謂問終者也於

字人持弓為弔上古葬者衣於既之以薪無有棺槨

常苦禽鳥為害故弔問者持弓會之以助彈射食亦反

也補曰悲痛也哀閔也吳越春秋陳音曰弩生於弓弓生於彈彈起古之孝子古者人民朴質死則裹

以白茅投於中野孝子作彈以守絕之鳥獸之害故歌曰斷竹續竹飛土逐肉左傳宋公嬖向魍公閉門

而泣之日盡腫

哭泣祭醊墳墓冢

醊音綴

醊謂連續之祭也

補曰後漢張武傳祭醊廣韻醊祭也說文綴祭醊也漢志作掇哭無

聲曰墳封土而高之也大防曰墳故取以為名也墓

墳穴也謂之墓者言其幽暗常昏暮也墳之高者為

冢言其象山頂也爾雅曰山頂冢

補曰周禮注漢律曰列侯墳高四丈

關內侯以下至庶人各有差冢封土為丘隴象冢而為之墓冢塋之地孝子所思慕之處方言冢秦晉謂之墳或謂之隴無墳謂之墓注言不封也禮記古也墓而不墳說文墓丘也墓謂兆域今之封塋也

諸物盡訖五官出

言已說諸物次至五官也古言五官者揔舉眾職以

配五行無所不苞事起五鳩五雉若今言百官也禮

記曰天子之五官曰司徒司馬司空司土司寇典司

五衆也

補曰左傳少皞氏五鳩鳩民五雉爲五工正蔡墨曰有五行之官氏謂五官國語觀射父

曰有天地神民類物之官謂之五官史記周紀古公作五官有司戰國策楚蒙穀獻典五官得法莊子曰

五官殊職君不私故國治

官學諷詩孝經論

盧昆反

官仕也言欲仕學者必當先諷讀詩及孝經論語也

詩孔子所刪爲三百篇者也孝經孔子爲弟子曾參

所說也論語孔子與弟子言及應對時人之語也詩

字或作誦

補曰曲禮官學事師左傳宦三年矣注宦學也書曰學古入官周禮大司樂注倍文

曰諷以聲節之曰誦倍音佩聲矇諷誦詩孔庭之教學詩爲先內則十有三年誦詩荀子曰少不諷壯不

論議雖可  
未成也

### 春秋尚書律令文

春秋孔子約史記而修之也天有四時春為陽中仲竹

反萬物以生秋為陰中萬物以成故錯牙舉之苞十

二月而為名也尚書孔子所修帝王之書也謂之尚

書者言自上古以來其事久遠也律之言率也制法

以率下也一曰律述也具述刑名也令命為政也言

宦學之人又當皆習讀此等也補曰春秋辨是非故  
長於治人書記先王

之事故長於政魏李悝著律六篇漢蕭何定律合為

九篇叔孫通旁章十八篇張湯二十七篇趙禹六篇  
合六十篇所謂律也下令著令挈令及令甲令乙令  
丙所謂令也兒寬以尚書決疑董仲舒以春秋決獄

故繼之以律令幼學  
壯行不可不素講也

治禮掌故砥厲身

砥音脂又音旨一作底厲力世反

治禮贊禮儀者也掌故事者也皆屬大常言始

為此職尚未高顯宜謹飭

丑力反

其身敦修學行也云

砥厲者蓋譬諸金鐵磨利之也細石曰砥黑石曰厲

或為礪補曰儒林傳治禮掌故以文學禮義為官儒行曰砥厲廉隅禹貢注砥細於礪皆磨石也山海經

注精為砥麤為礪蕭望之為治禮丞鼂錯兒寬匡衡為掌故皆儒生之始進者

智能通達多見聞

聞叶微反見詩葛藟

補曰言通達古今碑見洽聞也智足以燭理能足以應事而益廣其學則其用不窮矣

名顯絕殊異等倫

以自砥厲故得然也補曰修身以立名卓絕殊特在衆人之右也等倫輩也

抽擢推舉白黑分抽一作超分叶孚巾反見荀子成相

賢者升擢不肖黜退是爲白黑有分別也補曰薛宣傳所貶退

稱進白黑分明注白黑猶言清濁也荀子圖廻天下於掌上而辨白黑

迹行上究爲貴人迹一作積行下孟反

迹行行之迹也上究聞於天子也究竟也言終始昭

著會無玷缺則簡在帝心爲貴臣矣補曰武帝詔曰是化不下究而

積行之君子雍於上聞也迹當爲積孟子曰修其天爵而人爵從之故繼之以爵位灌夫曰將軍貴人也

丞相御史郎中君

此卽貴人之位也丞承也相助也言上承天子而佐

助之也

補曰秦初置丞相以樛里疾為右丞相甘茂為左丞相其名始於此漢蕭何

御史

御史大夫也職副丞相

補曰御史之名見於周官以中士下士為之特小臣之傳

命令者耳至於戰國其職益親故獻書多云獻書於大王御史灑池之會各命御史書事而滔于髡亦曰御史在前執法在後是又掌記事糾察之任也至秦人主自視事以操制臣下侍御僕從其勢益重而御史大夫遂與丞相分權矣漢周苛為之郎中郎中令也掌宮殿門戶及

從官並秦所置而漢因之君褒尊大官之名也

從才用反

補曰百官表郎中令秦官掌宮殿轅門戶瓚曰主郎內諸官故曰郎中令鮑氏曰郎與廊同按戰國策梧下先生見魏王趨出至郎門而反所謂郎門即廊之門也又按戰國策段產謂秦新城君曰今臣處郎中能無議君於王而不能使人無議臣於君然則秦昭王之時已有郎中之名其職已親近矣蔡質漢儀曰尚書郎見左右丞對揖無敬稱曰左右君此云郎中君猶左右君也

進近公卿傳僕勳近巨

公卿之被引進而親近天子者有此傳僕勳傳太傅

也傅天子以德義補曰太傅古官周公畢僕太僕也

主為天子御車馬補曰太僕周下大夫穆王命伯冏

夫也百官表以勳光祿勳也漢武帝改郎中令為光

祿勳補曰應劭曰光明也祿爵

前後常侍諸將軍

在天子之前後即導從者則有常侍之官及諸將軍

也補曰漢興龔秦制置中常侍官引用士人以參其

選得入禁中將軍周末官國語鄭人以詹伯為將軍衛將軍文子魯使慎子為將軍漢有左右前後掌兵及四夷比公者四大將軍次驃騎次車騎次衛



將軍

列侯封邑有土臣

列侯第二十爵也邑所食之邑言封為列侯者既獲

邑之土地又得因有家臣也

補曰百官表爵一級曰公士二十徹侯皆秦制

續志爵二十等為徹侯功大者食縣小者食鄉亭得臣所食吏民後避武帝諱改曰通侯或曰列侯

積學所致非鬼神

言饗此爵祿皆由勤學即可致之非別有鬼神之力

此所以深勸學僮也

補曰荀子曰學者非必為仕而仕者必好學管子曰思之不得

鬼神教之非鬼神之力也其精氣之極也自武帝表章六經公卿多文學之士故以是勸之然明經術者

志於取青紫而已

馮翊京兆執治民

自此以下汎論職務也漢武帝始分京師為三輔京

都為京兆左則為馮翊右則為扶風京兆言高而有

衆也絕高曰京十億曰兆一日京大也馮翊言輔贊

政教也馮輔也翊贊也扶風者言扶助風化也補曰百官

表內史周官秦掌治京師景帝分置左右武帝更右

內史為京兆尹左內史為左馮翊主爵中尉秦官景

帝更名都尉武帝更名右扶風治內史右地三輔黃

廉絜平端撫順親

補曰廉斂也自檢斂也絜清也平正也和也端正也直也能此四者可以撫民而教之禮順親愛矣

姦邪並塞皆理馴一作階理

補曰姦邪之路絕塞而不行則民歸於善皆理治而馴順也廣韻馴擾也史記冉季康叔皆有馴行馴善也

變化迷惑別故新別彼列反

下有愚迷之人則能化喻使其變改去故之非行今

之是也補曰書曰迷民丕變其俗式化厥訓迷者復而惑者解矣別故新猶旌別淑慝

更卒歸誠自詣因更工衡反

卒給使役者也更言其去來更代也補曰更有三品有卒更有踐更

有過更古者正卒無常人皆當迭為之一月一更更謂卒更也董仲舒日月為更卒已復為正詣候

至也因就也謂更卒之徒厭苦疲倦常多逃匿苟求

脫免若逢善政則懷德感恩來陳誠欵自詣官寺就

作役也

補曰漢蓋寬饒為衛司馬躬案行士卒廬室視其飲食居處遺之有恩及歲盡交代士臨

饗衛卒衛卒數千人皆叩頭自請願復留共更一年以報寬饒厚德所謂歸誠者若此

司農少府國之淵

少失照反 淵叶一均反詩其心塞淵淑慎其身魚躍于淵遐不作人楚

辭淵叶僂

司農領天下錢穀以供國之常用

補曰治粟內史秦官掌穀貨共軍國

之用景帝改大農令武帝更名大司農

少府管池澤之稅及關市之資

以供天子少者小也府者聚也財物所聚也非郊廟

兵戎大用故謂之少府

補曰少府秦官掌山海池澤之稅以給共養名曰禁錢以

給天子私養自別為藏

司此二者百物在焉故以深泉為喻也

補曰周禮疏漢時司農主府藏引史游章漢法穀入司農錢入少府

遠取財物主平均遠取財物一作援衆錢穀平一作辨

言遠方之輸賦稅者或以雜物充之價有貴賤儻與

京師不等又當有轉送費用不欲勞擾故立平準均

輸之官各就所在受納不損於私而官有利也補曰

羊置平準於京師貴則賣之賤則買之置均輸以通貨物大司農屬官有平準均輸令丞水衡有均輸令丞

臯陶造獄法律存陶餘招反存叶祖陳反見楚辭大招

臯陶舜臣名亦號庭堅命為士官始制囹圄法律備

焉欲言刑罰之事故先陳之也獄之言塙也取其堅

牢也補曰塙者塙正之義盧植云相質字從二犬所以守備也音塙

角固園音荅禦補曰後漢張敞曰臯陶造法律注引此句廣韻獄臯陶所造說文確也法則也律法也

誅罰詐偽劾罪人劾胡得反又胡槩反

誅責也罰治也劾舉案之也詐偽則責治有罪則舉

案補曰劾推窮罪人也漢世問罪謂之鞫斷獄謂之劾

廷尉正監承古先先叶音詢見楚辭九歌

廷尉掌刑獄之官秦所置也補曰九卿廷尉班在五而議帝號獨出李斯名

者蓋秦以獄為重漢亦因之廷者平也朝之處也尉者武官

之號也兵獄同制故曰廷尉廷尉屬官有正有監言

因承上古先代而置之補曰廷尉有正左右監王制史以獄成告于正注正於周

鄉師之屬朱  
博召見正監

總領煩亂決疑文文叶微

煩亂則領理疑議則詳決此獄官之職也補曰朱博傳廷尉職

典決  
疑

變鬪殺傷捕伍鄰

變鬪者為變難乃旦反而相鬪也殺傷相傷及相殺也

捕收掩也有犯變鬪傷殺者則同伍及鄰居之人皆

被收掩也補曰魏李悝法經著囚捕二篇秦初為戶籍相伍商君連什伍而同其罪續志民有

什伍善惡以告什主十家伍主伍家以相檢察呂氏

日觀商鞅初令令民為什伍而相收司則始於鞅明矣鄰伍解已在前補曰書正義云令律令大功已上得相容隱鄰保罪有相及

亭長游徼共雜診

徼工 反一作游徼 亭長診音軫叶音真

亭長一亭之長主逐捕盜賊

補曰漢高祖為泗上亭長注主亭之吏也亭謂

停留行旅宿食之館漢舊儀云司姦盜 臧官少為縣亭長游徼逢萌為亭長

游徼鄉之游

行徼循皆督察姦非者也

補曰徼遮繞說文徼巡也 朱博傳游徼王鄉力有餘

注職主捕盜賊續志鄉置游徼掌徼 循禁司姦盜黃霸少為陽夏游徼

雜猶參也診驗

視也有被殺傷者則令亭長與游徼相參而診驗之

知其輕重曲直也秦漢之制十里一亭亭有高樓所

以候望鄉嗇夫治之游徼即嗇夫之所統也

補曰董賢傳至

獄診視注 診驗也

盜賊繫囚榜笞

徒渾反 榜音彭



繫囚拘繫之也榜笞箠擊之也

補曰刑法志景帝定箠令箠策也笞者箠

長五尺其本大一寸其竹也本薄半寸皆平其節當笞者笞臂母得更人書曰鞭作官刑廣雅榜擊也說

文笞擊也臂肱也獲盜賊者則拘繫而捶擊其肱考問其

狀也

繫竹立反捶之藥反補曰李愔法經始於盜律賊律廣雅臂謂之肱亦作屍

朋黨謀敗相引牽

牽叶起巾反詩楚茨愆叶孫荀子成相賢叶民

同謀之中一人事敗則牽引朋黨皆發露也

補曰呂刑曰何

度非及漢詔獄所逮有至數萬人者寒朗日考一連十考十連百

欺誣詰狀還反真

囚繫之徒或欺詐閉匿或誣寃良善既被考詰窮治

由狀乃歸實也

坐生患害不足憐

干紀速辜人所同嫉者也

補曰憐哀矜也方言汝潁之間曰憐

辭窮情得具獄堅

既窮其辭又得其情則鞠訊之吏具成其獄鍛練周

密文致堅牢不可反

音動也訊音信鞠居六反補曰漢書具獄上府呂刑曰

五辭簡孚路溫舒書有鍛練文致朱博傳贊辭窮情得

籍受證驗記問年

簿籍所受計其價直并顯證以定罪也記問年者具

為書記抵其本屬問年齒也幼少老耄科罪不同故

問年也

抵丁禮反補曰秦始皇十六年初令男子書年周禮司刺壹赦曰幼弱再赦曰老鹿鄭司

農云昔今時律令年未滿八歲八十以上非平殺人他皆不坐鍾離意傳府下記案考之注記文符也

間里鄉縣趣辟論趣音促一作趨辟扶一反論盧昆反

里門曰間里者本其所居之里也里屬於鄉鄉統於

縣趣謂催速之也辟法也里鄉及縣遞相催速使早

報問則依憲法而論決也補曰陳寵傳月令曰趣獄刑無留罪

鬼薪白粲鉗鈇髡鉗巨淹反鈇音第徒計反又音大髡苦門反

此謂輕罰非重罪者也鬼薪主取薪柴以供祭祀鬼

神也白粲主擇米取精白粲粲然者也補曰秦祀輕者為鬼薪惠

帝紀皆耐為鬼薪白粲如瀆曰律說鬼薪作三歲應劭曰取薪給宗廟為鬼薪坐擇米使正白為白粲

以鐵錯頭曰鉗錯足曰鈇錯他台反黃氏曰鈇音大即錯補曰食貨志鈇左趾

注欽足鉗也張裴律序云狀如跟衣著足足下重六斤以代刑陳咸傳私解脫鉗鉗在頸欽在足皆以鐵為之說文鉗似鐵有所劫束也欽鐵鉗也倉頡篇鉗鉗也廣韻欽以鎖加足鬚髮曰髡他計反補曰周禮髡者使守積

不肯謹慎自令然然叶音言詩無羊年叶

已則招之又誰咎也補曰謹絜也慎誠也於文心真為慎

輸屬詔作谿谷山詔一作治山叶所旃反詩小弁山叶泉殷武山叶九

輸屬言配入其處也詔勅別有所輸作也一日詔書

處昌汝反罰令其輸作也山瀆無所通日谿泉出通川

日谷一曰水注川日谿注谿日谷配於谿谷及山徒

之役也補曰陳咸為南陽太守豪滑吏及大姓犯法輒論輸府以律程作司空

箠起居課後先

箠音孤箠音秋又此遙反又七召反

箠吹鞭也

黃氏曰竹簫也洛陽亭長所吹補曰說文通釋箠蓋於鞭上作孔馬上吹之晉先蠶

注車駕住吹大箠發吹大箠箠卽笳也

箠吹簫也

黃氏曰吹簫以勸工者補曰說文所以勸

役玉篇吹簫

起居謂晨起夜臥及休食時也言督作之司

吹鞭及竹筩為起居之節度又校其程課先者免罰

後者懲責也今之伎倡欲相號令者則吹指為節蓋

吹鞭之遺事

斬伐材木斫株根

斫音

斬截也伐攻取也材謂木槌也

槌大鼎反補曰木之勁直堪入於用者故

日入山論可為材者枿栽曰株

枿音五葛反樹本曰根補曰說文通釋云入

上者曰株 補曰平帝紀注 言徒役之人給此事也

上者曰株 補曰平帝紀注 令甲女子犯罪

犯禍事危置對曹 曹叶徂侯反見詩載 馳泉水楚辭招隱士

犯禍犯法而致禍也事危其事傾危也既被驗問則

置立對辭於曹用也 補曰劉向傳詣獄置對臨江王

以為責對而為言多非誠對故去其口以從士蕭 育傳詣後曹當以職事對注賊曹決曹皆後曹

謾訑首匿愁勿聊 謾謾官反又音慢訑音移聊 叶音留見楚辭九章招隱士

謾訑巧黠不實也 補曰謾訑欺也列子狎侮欺語楚 辭九章或訑謾而不疑史記龜策

傳誕謾注誕一作訑黃氏 日燕代之間謂懼見方言 首匿為頭首而藏匿罪人

也 補曰宣紀注 作為謀首 勿聊無聊賴也 補曰鹽鐵論自守匿 相坐之法立骨肉之

恩廢而刑罪多

縛束脫漏亡命流

束一作購古候反

命者名也既被縛束忽脫漏則亡其名籍而流送也

逆布諍反補曰

使賈誼疏束縛之購以財有所求也高帝紀注購

設賞募也

攻擊劫奪檻車膠

膠叶音豪見楚辭大招

言強盜羣盜相與攻擊劫奪人者吏捕得之載以檻車又加膠漆取周密也檻者車如檻形義在幽閑防泄露也一曰膠者謂膠罪人之目使不得開絕變難也擊字或作剽剽亦劫也

剽類妙反補曰史記

長安爾雅膠固也漢書注以板四周之無所通見淮南厲王傳注檻車有封爰盜傳淮南王遷之蜀檻車傳送何武傳檻車徵賈誼傳云剽吏而奪之金

### 嗇夫假佐扶致牢

嗇夫鄉之有秩者也補曰百官表嗇夫職聽訟收賦稅續志主知民善惡為役先後

知民貧富為賦多少平其差品風俗通嗇省也夫賦也言消息百姓均其役賦朱邑為舒桐鄉嗇夫鮑宣

任光鄭弘鄭玄為鄉嗇夫詩假佐縣之假吏也補曰箋云田駿司嗇今之嗇夫也

傳注胡公漢官假佐取內郡善史書佐給諸府扶致牢者扶持罪人而致之

於牢獄也一日假佐者嗇夫之權佐也謂之牢者言

若豢豕之牢亦取其堅牢也豢音患補曰司馬遷書云畫地為牢執不入

痕痂保辜讒呼號痕音紙又音支痂音洧讒古啼字一作啼號一作嗥獐並音豪



歐人皮膚腫起曰痕歐傷曰疖保辜者各隨其狀輕

重令歐者以日數保之限內致死則坐重辜也詭呼

號者被毆之人稱痛酷也歐於口反坐才臥反黃氏曰痕歐傷也疖瘡疖也補

日薛宣傳遇人不以義而見痕者與疖人之罪鈞注以杖歐人青黑腫起而無創瘕者律謂痕佩觶歐作

痛疖號或作獐音義同補曰爾雅號謗也廣韻號大呼也說文號號也漢書詭號

乏興猥逮訶護求猥烏賄反訶休正反護音暗古縣反

律有乏興之法謂官有所興發而輒稽留闕乏其事

也補曰韓延年坐乏興也猥盛多也逮傳捕也補曰猥雜也逮

及也辭之所及則追捕之猥逮者矯為官府多有逮捕也訶謂知

處密告之也黃氏曰訶自言長也補曰訶有所候伺淮南王安傳為中訶孟康注西方人以

反間為詞讒隱語也謂偵伺官府利害隱密其事有所追

求也黃氏曰讒流言有所求也一日乏興之人棄家

逃匿故官司逮捕補曰劉贛父謂逮者其人存在直追取之訶而求也

捕者其人亡當討捕故或言逮或言捕一云逮易辭捕加力逮連呼召之捕加束縛

輒覺没入檄報留檄刑狄反

檄者以木為書長二尺報者處當罪人也言有乏興

猥逮及訶讒者其事發覺身則没入為奴婢或没其

家財則為檄書處當其罪而留之也處昌汝反當丁浪反補曰宋傳

口古檄文江充傳盡劾没入官

受賕枉法忿怒仇賕巨牛反

以財求事曰賕言受人財者枉曲正法忿怒良直反

為仇讐也

補曰說文賕以財枉法相謝通釋云非理而求潛夫論曰事曲則諂意以行賕

讒諛爭語相舐觸舐一作抵

讒相譖也諛諂言也爭語謂各持辨說也有爭語者

常相舐距而擊觸也一日爭語謂交相譖毀也補曰荀子

曰觸抵者也

憂念緩急悍勇獨

憂一作更悍侯肝反一作捍

言無賴之人不自修整以陷罪惡臨機迫猝于忽反更

生邪計妄為凶悍當窘厄也窘求閔反補曰悍勇也捍抵捍爰盜曰緩急人

所有勇而無義是為獨夫

迺肯省察諷諫讀省息并反

迺肯猶言寧肯謂不肯也平居之時既無立操之方

又違從善之義有諷諫者不肯省察而習讀之所以

遂成過惡以致喪敗也一日危急之後方自省躬而

讀諷諫思改過也

補曰諷刺不聽諫爭不從讀諷諫不知三者皆不省察

涇水注渭街術曲

街古諧反術常出反

此說京畿之內也涇水出安定汧頭山汧口至陽陵

而入渭

汧頭山地理志作开苦見反又音牽括地志作并顏氏曰山在今靈州東南土俗語訛謂

之汧屯山補曰東方朔曰漢興都涇渭之南潘岳西

征賦清渭濁涇渭水出隴西首陽縣西南鳥鼠山西

北南谷山至京北北船司空縣人河禹貢涇屬渭泂

陽陵京兆高陵縣首陽渭州渭源縣船司空華州華

陰縣地理志涇水出安定涇陽縣西開頭山四達之  
括地志笄頭山一名崆峒在平高縣西

道曰街邑中之道曰術里中之道曰曲補曰史記內  
經閭術外為

阡陌西京賦方軌十二街衢相經注街大道也說  
文通釋街猶借也並出之意術者一方之道也

筆研籌筭膏火燭研倪甸反  
籌一作投

此記官府之中給長史以下之具也長竹  
丈反筆所以書

也一名不律亦謂之聿補曰爾雅不律謂之筆注蜀  
人呼筆為不律說文秦謂之

筆楚謂之聿吳謂之不律燕謂之弗曲禮史載筆韓  
詩外傳周舍墨筆操牘漢張安世簪筆太立云柑黃

聿刀筆古者書於簡牘必用刀研所以研反賢  
墨也補曰薛宣傳下

為設方略補曰老子曰善計不用籌  
筭研亦作硯補曰策杜  
鄰曰籌所以紀數

所以計度六各反補曰律歷志筭法用竹徑一分長  
六寸二百七十一枚而成六觚為熾握說

文筭長六寸計歷數者廣韻又有九章術漢許商杜  
 忠吳陳熾魏王桀並善之世本日黃帝時隸首作數  
 皆以竹爲之膏火爲燈炬音巨蜜燭補曰筭一作投投  
 禮司烜氏其黃燭麻燭也詩釋文在壺筭長尺二寸周  
 地日燎執之日燭弟子職執燭隅坐  
 賴赦救解貶秩祿貶悲儉反

此說在官有罪幸達赦令及人救解得免重罰降其

秩次而損其祿也補曰貶損也杜欽傳救解馮野王

邯鄲河間沛巴蜀邯音寒  
沛音貝

此略說諸郡名也邯鄲趙國所都也河間言在兩河

之間也補曰秦邯鄲漢高帝改趙國邯鄲縣今磁州  
邯山名邯山在東城下單盡也加邑河間今

瀛莫等州沛者本秦泗水郡屬縣也漢興更爲沛郡  
漢河間國

補曰今徐宿毫州 巴巴郡也蜀蜀郡也補曰巴郡今渝夔閬等州蜀郡今成都府

蜀邛等州秦置

### 潁川臨淮集課錄

潁川因潁水為名也補曰潁川郡秦置今許汝州 臨淮居淮水之

旁也補曰臨淮郡武帝置今淮陽泗州 集課錄者諸郡各上其計總

會京師次其名錄補曰秦王稽拜河東守三歲不上計漢郡守上計蓋秦制也周禮疏

漢之朝集使謂之上計吏謂一年計會文書及功狀續志歲盡遣吏上計

依溷汙染貪者辱溷胡因反

此戒守宰以下也依近也溷廁也言近溷廁者則被汙染貪賄賂者必致戮辱以財物比於糞穢為害染

人也

補曰書曰舊染汙俗蕭望之傳策曰陷于茲穢孟子曰不仁則辱荀子曰先利而後義者辱說

文辱耻也李瑩財貨銘云財貨將至夢寐可尋或穢

或虺乃玉乃金穢可親歟虺可翫歟敢獻斯銘以激

貪夫一云溷濁也賈誼云謂隨夷溷此言依附溷濁

為汙俗漸染荀悅曰榮辱者賞罰之精華也知貪之

為辱則化為廉矣故言四維者曰廉

漢地廣大無不容盛

盛音成

此為終篇述帝德也容盛猶言覆載也

補曰盛受也地理志漢凡

郡國一百三地東西九千三百二里南北萬三千三百六十八里鼂錯曰衆生之類亡不覆也根著之徒

亡不載也

萬方來朝臣妾使令

令力呈反朝直遙反

威靈所被無思不服

補曰淮南王安書曰以四海為境九州為家八藪為園江漢為



池生民之屬皆為臣妾法言曰漢德其可謂允懷矣黃支之南大夏之西東鞮北女來貢其珍

邊境無事中國安寧

景境音

遐邇謐清兵革靡用也境字或作竟古文通也

補曰謐靜

也邊陲也境界也

百姓承德陰陽和平

至誠音咸感神上玄降祉也

補曰書六服羣辟罔不承德張子曰太虛生氣是為

陰陽浮而上者陽之清降而下者陰之濁

風雨時節莫不滋榮

滋一作茲

仁及草木皆茂暢也

補曰鹽鐵論周公太平雨不破塊風不鳴條旬而一雨雨必以

夜董仲舒曰陰陽調而風雨時五穀熟而州木茂

災蝗不起五穀孰成

每獲豐年倉廩實也天反時為災蟲食苗曰蝗五穀

者黍稷麻菽麥也

補曰孰成也今作熟春秋傳曰年穀和孰孟子五穀熟而民人有注

五穀謂稻黍稷麥菽也周禮注與顏同說文穀續也百穀總名爾雅食苗心螟食葉蟻食節賊食根蠹四

種蟲皆蝗也

賢聖並進博士先生

野無隱逸皆升朝也博士者多聞之士先生謂老成

之人也

補曰曲禮注先生老人教學者孟子注學士年長者謂之先生白虎通禮別名記曰干人

日英倍英曰賢萬人曰傑萬傑曰聖漢詔曰明於古今温故知新通達國體謂之博士賈誼傳諸老先生

謂宿儒也遠至邇安時和年豐皆朝廷用儒之效

長樂無極老復丁

樂音洛復注復除之復音福今改扶又反

擊壤行歌喜寬政也老復丁者家有高年則蠲其子

孫免賦役也

補曰參同契云老翁復丁壯黃庭經亦有此三字既述漢德之盛終之以頌長

樂無極者永履和樂與天無極也老復丁者永錫難老也皆歸美之辭

### 急就篇

### 齊國給獻素繒帛

齊師尚父所封秦置郡漢為國封諸王都臨菑今青州素白織繒也建初二年詔齊相省冰統方空縠吹綸絮注統素也冰言色鮮絮如冰縠紗也方空紗薄如空也吹者言吹噓可成亦紗也齊有三服官李斯云阿縞之衣注齊東阿縣繒帛所出今鄆州地理志齊地織作冰統綺繡純麗之物號為冠帶衣履天下

班婕妤怨歌新裂齊紈素貢禹言  
故時齊三服官輪物不過十等

飛龍鳳凰相追逐

逐叶帛息韻詩采薇服叶棘小明福  
叶直文王服叶億楚辭九章鞠叶抑

織帛為飛龍鳳皇之象飛翔追逐以成文章若前章  
離雲爵之類說文通釋遜者走也逐者追也豚走而  
豕逐之此  
會意也

河南洛陽人蕃息

蕃音煩

河南成周之王城也洛陽成周之下都也秦三川郡  
漢高帝更名河南郡建武元年入洛陽定都改河南  
尹郡國志洛陽周時號成周河南周公所城洛  
邑春秋時謂之王城天子之都其民蕃阜滋息

與天相保無窮極

國祚之永  
與天同也

真定常山至高邑

眞定國武帝置唐鎮州今眞定府常山郡高帝置本  
恒山避文帝諱改今邢趙州後漢併眞定入常山國  
高邑本常山之鄆縣光武卽位於鄆南千秋  
亭五成陌因改高邑今趙州高邑縣鄆音壑

乘而嘉寵升進立

多士乘時膺天寵也  
階升類進立於朝也

建號垂統解鬱悒

悒音邑

中興建號垂統始於洛陽高邑萬方  
和樂昔之鬱結憂悒者今皆紓解也

四民康寧咸來服集

民一作人

士農工商咸安其業  
德澤所被悅服和集

何須念慮合爲一

念慮一作命遍

天下一家民無二志  
可以寬宵旰之憂

山陽過魏

過古禾反

山陽郡景帝為國武帝為郡治昌邑今濟州魏郡高帝置今大名府相州磁過經也

長沙北地

長沙郡秦置今潭衡等州北地郡秦置今寧慶靈鹽宥州

馬飲漳鄴及清河

河叶方古韻通飲於錦反

左傳楚子將飲馬於河漳水一出上黨沾縣今平定軍名清漳一出上黨長子縣今潞州名濁漳鄴縣漢魏郡治今相州清河郡高帝置後漢為國今貝州改為恩州

雲中定襄與朔方

雲中郡秦置唐為勝州單于府定襄郡高帝置唐為朔州朔方郡武帝開唐為夏州

代郡上谷右北平

平叶音旁見詩烈祖

代郡秦置唐爲蔚州上谷郡秦置唐爲薊州右北平郡秦置唐爲薊州

遼東濱西上平岡上楚掌反

遼東郡秦置唐安東都護府之東境濱水際濱西者濱遼水之西也遼水出塞外遼西郡秦置唐爲平營州爾雅山脊曰岡上登也或云右北平郡平岡縣也田疇曰舊北平郡治在平岡水經注平岡在盧龍東北

酒泉彊弩與敦煌敦音屯一作燉

酒泉郡武帝開其水若酒唐爲肅州俗尚武力彊弩出焉敦煌郡武帝分酒泉置唐爲瓜沙二州敦大煌也盛

居邊守塞備胡羌塞先代反羌起良反

邊垂障塞嚴其守禦以防匈奴西羌之患說文羌西戎牧羊人也

遠近還集殺胡王

遠近一心以殄滅胡虜爲期

漢土興隆中國康

威武遠暢邊鄙不聳世道日進於昌盛而諸夏安

齊國山陽二章後漢人所續御書有顏注无今釋其義附篇未

右急就一篇漢黃門令史游作唐祕書監顏師古爲之解訓此書舊分三十二章前代能書者多以草書寫之今世有一本相傳是吳皇象寫比顏解本無焦滅胡以下六十三字又頗有訛脫顏本不分章象所



寫三十一章而已國朝至道中太宗皇帝嘗親書此  
篇又於顏本外多齊國給獻以下百二十八字凡爲  
章三十有四此兩章蓋起於後漢按舊篇末說長安  
中涇渭街術故此章亦言洛陽人物之盛以相當而  
鄠縣以世祖卽位之地升其名爲高邑與先漢所改  
真定常山並列此爲後漢人所續不疑近時豫章黃  
太史手校本出於太和縣人家亦有此兩章黃於篇  
中時小小箋釋而顏解本亦自有詳略不同會戶部  
郎總六道賦天水趙公汝詎欲是正傳廣之乃錄至  
道御書三十四章登於卷首且用今禮部侍郎眉山

李公燾

所藏顏解本校鄂州通守臨江劉子澄

清之

家本寫之次于御書正文之後益考驗同異附以黃太史所箋升注爲大字以便觀者可傳後古者學童六歲至十歲教之數與方名及朔望六甲書計之事蓋自末以窮本由藝以達道濫觴乎小學之源而涵泳乎大學之海終其身不厭至秦不然棄其道本而志其藝末丞相李斯等雖頗作蒼頡爰歷博學等篇然天下方專學法令以吏爲師詩書六藝之言棄不習學者進無所依退無可玩自童幼鄙之以爲足記姓名而已又其篇雖名祖蒼頡而實異史籀時益多

事而徒隸之字方起漢興稍開書禁兼崇字學吏民  
上書頗劾其不正者然古來用字約少板策所書多  
者纔百名以上今漢代試爲史者一童所記至九千  
字烏覩古所謂正哉游當孝元時去斯等已遠獨能  
取其篇中正字類而韻之以爲此書使操觚小童不  
隨俗迷誤是時元帝善史書而游爲此篇皆稍稍近  
古傳稱游勤心納忠有所補益豈此類耶自東漢杜  
度張芝善篆法始用以寫此章號章草說者因謂草  
書起於游蓋不察游作此書之意今篇中所摭蒼頡  
正字其體雖不存而其讀具在因可以見漢世官府

市里之名物又得顏氏解訓而益明可用虞覽然顏以慈姓爲祖於宣慈惠和之才于審姓爲出於審曲面勢者名忠敬與愛君而必以爲慕趙盾鬻拳解距虛卽蚩蚩以檻車膠爲膠人之目謂老復丁爲蠲其子孫之役亦不皆是顧作者以錄古文而解者以著漢事雖非詩書論世之學要主於好古存舊且其語亦微有勸不若後世俗師俚童相教以歸訟之書故因定著之以爲前世小書其偶存者猶如此學者亦因有啓焉淳熙十年十月望日歛羅願記

漢藝文志小學十家蒼頡篇見考工記注者唯鞞四學反

斃人充反柯楊反張玉四字凡將見文選注藝文類聚者唯

黃潤纖美宜制禪鐘磬竿笙筑坎侯二句訓纂見史記

正義者唯戶扈鄂三字其厘存者急就篇而止耳隋唐

志始謂急就章崔浩寫以百數劉蘭入小學書之李鉉

九歲入學書之月餘即通李繪六歲亦通此章是以其

學至唐猶傳顏師古祖之推嘗為之注淵源有自來矣

蓋君子耻一物之不知倫類不通不足謂善學嘗觀衆

仲對氏族師服申繻論名子籍談忘司典之後景王以

為譏衛侯以辟彊為名周人不肯受繫之以姓著於世

本字而不名貴於春秋故始之以姓氏名字學詩多識  
鳥獸草木之名論語備錄衣服飲食之制陶弘景讀書  
萬卷尤明醫術本草韓文公謂禮樂名數方藥之書未  
有不通此而爲大賢致知在格物觀物以觀我生故次  
之以服器百物周書言學古入官子產云學而後入政  
董仲舒以春秋斷獄雋不疑以經術決事若授之以政  
不達宋泉之孝經蘇威之五教人到于今羞之故終之  
以文學法理器無非道學無非事其義不可須臾舍也  
鴻生鉅儒不敢以小書忽焉輯州名撫奇字悉放其體  
諸經義疏引之者五

周禮考工記疏引分別部居不雜  
厠蒲蒻蘭席天官疏引司農少府

國之淵左傳正義引張敏傳注引後漢書注引之者一卑陶造獄法  
燕莠鹽豉頃町界畝律存韻書亦援以言姓氏班孟堅之用豫飾潘安仁之用  
乘風王禹玉之用奇觚宋景文之用鞞鞞朱文公之用  
老復丁至於不借蘧篋鳧翁無等雙之語臨川山谷詩  
皆采掇之博觀而約取此難與耳學者言也古者保氏  
教六書外史達書名漢猶有課試舉劾之灋故馬尾之  
書必謹自篆而隸自隸而藁鍾王之後以意行書先漢  
遺文古事寢以晦昧急就雖存而曹壽劉芳豆盧氏顏  
之推注解軼而不傳昔以是爲童蒙之學今有皓首未  
覲者俗書溢於簡牘訛音流於諷誦襲浮踵陋視名物

數度若弁髦而大學之基不立廼因顏注補其遺闕擇  
眾本之善訂三寫之差以經史諸子探其原以爾雅方  
言本草辨其物以詩傳楚辭叶聲韻以說文廣韻正音  
詁若閎閣之相混得於釋文掇滅之所出取於莊子稽  
極之誤因說文通釋而知利親勝客之類因史記漢表  
而見簧當作箇輾當作操壘當作坐實事求是不敢以  
臆說參焉疑者闕之以俟後之君子李斯作蒼頡篇後  
人附益末章乃有漢兼天下此篇齊國山陽兩章亦然  
略解其義綴於下方夫物有本末理無小大循序致精  
學之始事也雖然耄學而爲童習其能免玩物愛奇之



失乎浚儀王應麟識

急就篇卷四

新錄鄧質校字



太宗實錄。端拱二年七月丙戌。以御書急就章藏於祕閣。急就章者。漢元帝時黃門令史游所作也。帝留心字學。先是下詔求先賢墨蹟。有以鍾繇書急就章爲獻。字多踏駁。上親草書一本。仍刻石分賜近臣。宋惟幹獻御書急就章賦。以一軸賜之。

編主五雲王

編初成集書叢

篇 就 急

中華民國二十五年十二月初版

發行所	印刷所	發行人	補音者	補注者	注者	撰者
商務印書館	商務印書館	王雲五	錢保塘	王應麟	顏師古	史游
上海及各埠	上海河南路	上海河南路				

